


INTERNIC PROPE OMNIBUS, - SYLVIVM. 1549.

RATIO MEDENDI MORBIS
INTERNIS PROPE OMNIBUS.— SYLVIVM. 1549.





Early European Books, Copyright © 2012 ProQuest LLC.
Images reproduced by courtesy of The Wellcome Trust, London.
6167/A




Early European Books, Copyright © 2012 ProQuest LLC.
Images reproduced by courtesy of The Wellcome Trust, London.
6167/A




Early European Books, Copyright © 2012 ProQuest LLC.
Images reproduced by courtesy of The Wellcome Trust, London.
6167/A

6167/A

A. xxix. Syl





RATIO

129. 10097

Medendi morbis

INTERNIS PROPE OMNI-
bus, Medicinæ candidatis non exi-
guæ commoditati futura, è
Galenî scriptis, & Marci
Gattinariæ (vt vocât)
PRACTICA,
PER

IACOBVM SYLVIVM accuratè
selecta, & in non inuenustam eamq; diluci-
dam Methodum redacta: cui brevis accessit
Index eorum, quæ scitu necessaria sunt.



LVGDVNI,
Apud Guilielmum Rouillium.

1549.

A D L E C T O R E M.



V M methodus curatoria in vniuer-
salibus tantum constituta, neminem
perfectè scientem reddere queat, nisi
in particularibus eadem exerceatur,
mihi pretium operæ facturus videor, si post me-
thodi therapeutica Galeni interpretatione à no-
bis absolutam, iam in morbis propè omnibus cu-
randis auditorem exerceamus. Id quod si Galenus
præstitisset ac perfecisset, quod in methodo eadem
locis aliquot obiter, & exēplis non ita multis at-
tingit, in libris verò de compositione medicamen-
torum secundum partes, nō paulò plenius expres-
sit: cassus erat futurus noster hic labor, quo mor-
borum propè omnium præcipuè internorum, cu-
rationem perstringere statuimus. Hi enim cogni-
tu & curatu sunt multò quàm externi difficilio-
res, & magna ex parte periculosiores. Quam in-
rem cum mihi ordine à cæteris obseruato, & bre-
uitate luculenta aptus esse videretur Marcus Gat-
tinaria, ne post tot celebres medicos idem saxum
voluerem, eius ipsius opera vti malui, quàm inge-
nium frustra nouo labore, & parum necessario
excruciare. Quanquam habeo mihi scriptū eius-
dem farinae opus, sed multò multoq; prolixius ob
morborum causas, signaq; ac remediorum multi-
tudinem. Sed auditori iam in morborū omnium,
tum causis tam internis quàm externis, tum si-

a z gnis

gnis exercitato, satis nunc factura ipsorum cura
 tio est, putata brevis illa quidem, sed tamen per-
 spicua quantum licuit: ut quaquaversum facile
 circumferri posset, ne medicus adhuc rudior reme-
 diorum sylva destitueretur, & curandi ordine, in-
 terea dum magistros alios cum mutos, tum vel
 maximè vocales consuleret. Tamen quoniam nō
 pauca in Gattinaria redundabāt seculi sui quo-
 dam errore: pleraque etiam multum desideraban-
 tur, illa ablegauimus, hæc ex Galeno suffecimus.
 ad hæc orationi cultum aliquē velut induximus.
 Poteram verò libellum hunc etiam multò breuior-
 em contrahere, si initio statim, victus rationum
 differentias, & remediorum vacuantium, & re-
 uellentium & repellentium, & eiusmodi aliarum
 causarum salutem efficientium fusius expressis-
 sem: postea in curationibus singulis ad hos cer-
 fontes, lectorem remissem, sed in exercitato lecto-
 ri continua hæc oratio erit clarior, utilior, & pa-
 rator, & tam crebra repetitione familiarior.
 Quo etiā accedit quòd morbi propè singuli pro-
 prium aliquid in dictarum causarum ge-
 neribus propè singulis habent, quod
 manifestius singulatim adscri-
 ptū patet, quàm si semel
 tantum cum alijs
 confusum le-
 geretur.
 Vale.

MOR

MORBORVM

INTERNORVM PRO-

PE OMNIUM CVRATIO

breui Methodo com-
prehensa.

per

IACOBVM SYLVIVM MEDI

CVM SELECTA.



*Cephalalgia sanguinea curatur sex
remediorum generibus.*



ICTVS ratione refrigerã-
te & siccante: vt aëre cubi-
culi aquilonē spectantis non
solem, & per euripos immis-
so & refrigerato, floribus, &
foliis salicum, vitium, iuncorum, arundi-
num per aream sparsis, vt docet Galenus
libr. 9. & 10. Methodi: turba hominum etiã
ingredi prohibita, quæ halitu & transpira-
tu, aërem calefacit, non solum inficit: vt, ci-
bo, pane loto, hordeaceo, miliaceo, pisci-
bus carne friabili præditis, fructibus auste-
ris, oleribus, intybi, & cichorii, & lapathi
generibus, portulaca, cucumere, cucur-
bita.

a 3 Condi

Condimento ex omphacio, aceto, succo aranciorum, aut limonum, aut citreorum, aut oxalidis: potu aquæ pluviæ, aut cum ordeo coctæ: vel si vino est omnino propter consuetudinem, virium imbecillitatem, & morbi paruitatem vtendum: fit oligophorum, & imbecillum aquosumq; ac etiam aqua multa dilutum, & his omnibus actu frigidis: & si opus calfactis, deinde refrigeratis, vt libr. 7. Method. Galeni, nisi ventriculi intemperies frigida obsistat. Vt, quiete corporis & animi, aut saltem motibus vtriusque remissis, & paucis: somno item parciore, venere autem nulla, nec ira, nec furore.

2 Sectione venæ primùm internæ seu basilicæ, aut communis, si plenitudo est: deinde cephalicæ lateris dolentis: aut, si totum caput æquè dolet, dextri: qua sanguis causa doloris reuellatur deorsum, & foras vacuetur, ad duo, tria, quatuor vascula, trium $\frac{2}{3}$ capacia, pro scopis à Galeno scriptis, libr. 2. ratio. victus acutorum, libr. 9. meth. & alibi passim.

3 Affluentem in caput sanguinem repellentibus admotis, non frigidis tantum actu & potestate, sed etiam astringentibus, vt valentius materiam in vicinas partes regerant, & simul caput roborent, ne tam promptè no

ptè nouam fluxionem admittat, sed in par-
tes imbecillas magis remittat. Qualia sunt *Libro 8.*
aqua, & hac valentior, sed crassior succus *meibo. m*
rosarum, intyborum, lapathorum, planta- *diaria ab*
ginis, portulacæ, semperuiui, lactucæ, sola- *& flu.*
ni, singula per se, vel mista secum, aut cum *Lib. e.*
aceto, vt altius in caput descendât. Quam *ph. p.*
in rem iuuat inultum ex alto hæc torren-
tis in modum illidere sincipiti, nempe ra-
riori, raso, & lanca, aut panneâ corona cin-
cto, ne humor hic promptè diffuat, & cor-
pori reliquo sit molestus. Addi potest præ-
dictis oleum rosatum, vt eius vncia vna,
aceti albi vnciæ duæ misceantur aquæ, aut
succu rosarum, vel aliorum vnciis quatuor.
Possunt & panni humoribus his actu ma-
ximè frigentibus imbuti, raso sincipiti tan-
diu admoueri, donec incalescant: quando
noui horum loco sunt substituendi. Re-
pellentibus autem his abstine in febribus,
quia febrilem vaporem transpirare vetât,
& ob id febres augent. abstine item, si tota
in caput fluxit materia, quam repellen- *Quando*
tia valentius impingent: ac denique, si *repellētia*
cephalalgia cum catarrho est calido, quem *in capite*
compressa materia augerent astringen- *vitanda.*
tia.

4 Purgante bilem flauem turgentem,

4 aut tur

lib. 2. feb. aut turgenti proximam, medicamēto cho-
cap. 12. et lagogo, vti mox audies. nam quæ in san-
lib. 9. & guine erat naturalis, inflammata est. adde
II. meth. quòd sanguinis ita ob transpirationem
ipsius prohibitam calfacti portio tenuior
in bilem flauam promptè transiit, vt cras-
sior multo pòst in melancholiam. Sed quo
postea parcior gignatur ex sanguine, vel
alimentis quotidianis dulcibus bilis flaua
caliditas eius & acrimonia, & ne tã prom-
ptè in caput repat leuitas & tenuitas, refri-
gerantibus edomanda nonnihil est: qualia
sunt, syrupus violatus, rosatus, intybi, oxa-
lidis, omphacij, acetatus simplex, aut (si ma-
gna eius est caliditas) syrupus granatorū,
aut limonum, aut ex succo citri acido, om-
nium in id validissimus, cum duplo aqua-
rum intybi, lactucæ, cichorij, plantaginis,
portulacæ, lupuli, (quæ miscella iulepus
vulgo medicorum dicitur.) Buglossi quo-
que aqua, licet temperata sit, quia tamen
roborat cor, his est idonea: sed in princi-
pio, fluente adhuc materia, etiã astringen-
tes syropos & aquas dare præstat, vt aceta-
tum, rosatum, granatum, ex succo oxalidis:
quòd sanguinem crassant, ad fluendumq;
ineptiorem reddunt, & meatus per quos
fluit, astringunt. Dantur autem huiusmo-
di iulepi ab vnciis tribus ad vncias sex, se-
ptem,

ptem, octo: horis duabus ante cibum, vel etiam alios pastus: quandiu videbitur in sanguine ac bile flaua alteranda: in pituita verò apparanda, pluribus consequenter diebus: in melancholia plurimis. Purgabitur autem prunorum & tamarindorum, *Causa est libr. Hip. ana vncia vna in aqua vnciis tribus, quatuor, cocta: cui adde expressum 3 duarum, de nat. hu mana, & vel 3 semiss. myrobalanorum citrearum in libr. me- aqua intybi infusæ. Valentiora sunt, sed thod. 14.* potestate calida, ob id parum tuta in hoc affectu calido scammoniata hæc, electarium de psyllio, & rosatum Mesuæ E. de succo rosarum Nicolai: Diapruni solutiui vtriusque, à drachmis tribus ad drachmas quatuor, quinque, sex in robustis & duris corporibus, qualia rusticorum, nautarum. His æquippollent pilulæ aureæ Nicolai, & aggregatiuæ à Mesue inuentæ, datæ à drachma vna, seu scriptulis duobus ad scriptula quatuor.

5 Materiam biliosam & sanguineam in capite reliquam, clementer digerentibus, quale fuerit fatus capitis ex seminibus althææ, lini, fœnigræci, floribus chamæmeli, meliloti i aqua sufficiēti coctis: vel ex oleo chamæmeli, vel gallo, columbo, hepate, pulmone magni animalis natura, præcalido adhuc, admoto.

2 5 6 Item

6 Intemperiem calidam in capite ab his humoribus calidis relictam, sanantibus frigidis, qualia sunt dicta repulsoria remedia: vt, oxyrhodinum ex olei rosati ꝓ vna, & aceti ꝓ semiss. & aquæ rosarum, plantaginis, oxalidis, solani: vel harum ac similium succi ꝓ quatuor, quæ ex panno capiti, vt frigent, admouenda sunt. Oleum rosarum iniunctum vel per se, vel cum muccagine seminis psyllii, idem præstat.

Cephalalgia biliosa curatur sex iisdem præsidiorum generibus.

Victus ratione refrigerante & humectante, ob id gigni prohibente, aut genitam temperante bilem flauam, omnium quæ in corpore sunt calidissimam & siccā: qualis victus ratio febricitantibus omnibus est salubris indicatione à febre sumpta. Vt, aëre frigido, humido, qualem arte & industria machinari docet Galenus libr. method. 9. & 10. calidis omnibus prohibitis, & in cubiculum illatis refrigerantibus & humectantibus plantis, & liquoribus paulò antè recitatis. Vt, potu aquæ, aut vini aquosi, & aqua multa diluti, aut pomatii, pyratii, imbecillis. Fructibus etiam crudis, pomis, pyris acidis, lactuca, portulaca, intybis, oxalide, spinacio, lacte, caseo recenti, melca, aphrogalacte, pane loto, vel hordeaceo,

deaceo, tenero, piscibus, aut partibus animalium neruosis. Vt, quiete, somno etiam longiore, animi tranquillitate, aut hilaritate, fuga iræ, curarum, mœroris, studiorum, amorum.

2 Bilis flauæ impetū, furoresq; obtundētibis, frigidis remediis sumptis & admotis.

3 Bilem ipsam turgentem & velut furiosam purgante medicamento, vt myrobalanorum citrearum vncia dimidia infusa vnciis tribus aquæ, cui tamar indorum, & prunorum ana vncia vna fuerit incocta, addita ad saporis gratiam sacchari, vel (si febris adest) syrupi violati vncia, vel dimidia, vel etiam integra. Vt, rha barbaro tenuiter puluerato à drachma dimidia ad drachmam vnā & dimidiam, aquæ intybi vnciis tribus dissoluto, addita syrupi violati vncia vna, vel taleatim secto à drachma vna ad drachmas tres, & horis decem, aut circiter infuso aquæ intybi vnciis tribus, deinde valenter expresso, cui miscere potes diaprunum simplex, vel solutium, vel electarium aliud cholagogum prius dictum, sed minuto tunc rha barbaro. Vt catapotiis aureis Nicolai, vel aggregatiuis à Mesue inuentis, pituitam quoque purgantibus.

4 Quæ omnia vacuando etiam reuel-
lunt

lunt deorsum materiam in caput ruentem,
& præter hæc secta lateris eiusdē vena pau-
ci sanguinis vacuatio: cucurbitulæ itē omo-
platarum intervallo affixæ, primum leues,
deinde cum sacrificatu, per quas si rursus
vacuare liber, oleum etiam cum sale sacrifi-
catis partibus, ne glutinentur illinendum.

5 Repellentibus à capite fluentem in id
materiam, vt oxyrhodino, & cæteris prius
dictis, nisi febris adest, aut tota bilis iam flu-
xit, aut cephalalgia est cum catarrho cali-
do, vt prædiximus.

6 Intemperiem calidam in capite relictā
alterantibus frigidis ex alto influctisincipi-
ti, aut etiam capiti reliquo admotis, aut po-
tius per nares attractis, tum prædictis, tum
odoramentis frigidis, vt aqua rosata, oxy-
crato: Nam quæ foris capiti occurrant fri-
gidis, ipsum densant, ob id calidum vapo-
rem transpirare prohibent. Materia au-
tem biliosa, quia ob leuitatem, rarita-
tem, tenuitatem facilè exhalat, huius re-
liquias digerentibus vix vnquam opus
fuerit.

In affectibus calidis tutiora narcotica Gal. tamē for- midata
semper, vt apho. 31. sæ vehementia non vincatur, ad narcoti-
lib. 6. & ca, id est, stupefacientia sensum tactus, ob
lib. me. id modo quodam dolorem sedantia, veniē
tho. 12. dum erit, sed cautè applicanda sunt, nec
ita

ita valentia, nec diu hærere permittenda sunt, præsertim capiti parti principi, & natura frigida: quia multos ita sopiuerunt, etiam partibus aliis indita, vt postea nunquam sint experge facti.

Cephalalgia pituitosa iisdem causarum salubrium generibus curatur.

Victus ratione calfaciẽte & siccãte, vt, aëre æstiuo: &, si est hyems, calfacto, & siccato per ignem luculentum, ac suffitus aromatum, vt cinnamomi, caryophyllorum & aliorum similiter calidorum siccorum: Vt, pane fermentato & falso, anisato, vel melanthiato, vel aromatato, vel saccharato, vel biscocto, carnibus musculosis animalium & natura non excrementosorum, & præterea probè exercitorum, assis & sumptis cum sinapio, vel simili viribus condimento, oleribus, apio, salvia, hyssopo, fatureia, thymo, maiorana, aromatum catalogo. Vino generoso, calentibus herbis, aut aromatibus medicato, sed parco, præsertim purgato iam corpore. Omnia autem hæc alimenta sint pauca & rara, quum inedia etiam huic causæ sit salubris, non solum victus iste tenuis & tenuans. Vt, motu celeri, robusto, vehementi totius corporis ieiuni, præsertim aëre calido sicco. Vt, vigiliis, ira, curis, mœr

*lib. 2. Sa-
luit. tuen.*

mœrore, & similibus animi affectibus, corpus omnino siccantibus & sæpe calfacientibus, si non per se, per aliud tamen.

2 Pituitam ferè crassam & lentam expulsionem apparantibus, incidentibus, tenuantibus, tergentibus, primum clementioribus, qualia mel rosatum, oxymeli Galeni & simplex, syrupus acetatus simplex. deinde valentioribus: vt, oxymelite composito, oxymelite scillitico, syrupo ex duabus aut quinque radicibus, aut ex stœchade cum duplo aquarum capiti familiarium, maioranæ, sabinæ, bethonicæ, saluiæ, melissophylli, quæ diebus quatuor, quinque, sex, continenter vbi sumpta (nam pituita ægrè apparatur) ad clementer vacuantia transeundū. deinde post illorum vsum in dies aliquot, iterū purgandum: ligni gaiaci decoctum cum floribus cardui benedicti, in id est efficacissimum.

3 Purgantibus cœptam apparari per blādiora pituitam, primum etiam clementioribus: vt, pilulis ex hiera Galeni, asseieret Auicennæ, elephanginis Mesuæ, mastichinis Conciliatoris sumptis hora somni, à drachma dimidia ad scriptula duo per se, vel ad scriptulū vnum dum agarici trochiscati scriptulo vno, per quarum vsum postridie
ad.

ad munia consueta ire licet. Apparata deinde exactius pituita per valentius co-
 quentia, tota si fieri potest euellenda & vacuanda medicamentis etiam valentio-
 ribus, vt pilulis ex agarico, fœtidis, coc-
 ciis Rasis à drachma vna, ad drachmam
 vnam & dimidiam, non cum Rasi ad
 drachmas duas & dimidiam: quòd regio-
 num frigidarum corpora, quàm calidarum
 minus sint densa, dura, robusta, medica-
 mentis resistentia.

Pilulis his æquipollent electarium In-
 dum & diaphœnicum etiam cholagogum
 ad vnciam dimidiam, vel etiam in robu-
 stissimis integram cum decocto herbarum
 capitalium maioranæ, bethonicæ, lauri
 &c. Sunt qui pilularum, cocciarum verbi
 gratia, drachmæ semissem & ̄. indi dra-
 chmas duas, eodẽ decocto dissoluunt & pro-
 pinant: sed pilulæ longa in ventriculo mo-
 ra diutius, & à remotioribus attrahunt, quã
 potiones: quippe quæ ventriculo promptè
 elabantur.

Vacuata sic, etiam aliquoties à capite pi-
 tuita, reliquum tamẽ aliquid omnino post
 purgationes istas manet vacuandum ster-
 nutatoriis & errhinis: primum blandiori-
 bus, vt aqua vel succo maioranæ, betæ fo-
 liorum aut radicũ: deinde valentioribus si

opus

Doses
Arabum
cur maio-
res quàm
nostris cor
poribus cõ
ueniat.
Gal. lib.
c.ph.

Auic.

opus est: vt puluere piperis, struthij, elleb-
 ori albi cum succobethonica, melissophylli,
 rute, radicis cyclamini. Apophlegmatismis
 etiam ex mansu mastiches, vuarum nostra-
 tium clibano siccatarum, baccarum oxya-
 canthes, pierethri, staphidos agriæ. Gar-
 garisinatis denique ex purgante aliquo
 prius dicto in aqua quapiam capitali solu-
 to præterquam quòd apophlegmatismata
 & gargarismata sunt noxia propensis ad ca-
 tarrhos & affectus alios pulmonis & thora-
 cis, ob id in his vitanda.

4 Aduertentibus deorsum pituitæ sur-
 sum ruentis impetum. In quibus præter-
 dicta nunc purgantia, sunt etiam acres ba-
 lani. & clysteres, partium extremarum vin-
 cula dolorifica, frictiones validæ & diutur-
 næ, iam inde ab omoplati inferna versus.
 Fodus earundem partium ex decocto plan-
 tarum capitalinum, ex cuius vnciis decem,
 vel etiam libra vna, & hieræ picræ Gale-
 ni vncia dimidia, vel etiam integra, sac-
 chari rub. vnc. duabus, olei chamæme-
 li vnciis tribus, salis communis drachmis
 duabus clyster modicè acer fieri poterit:
 acriores autem post dicentur in apoplexia,
 epilepsia, caro. Balani autem acres ex mel-
 le & sale, acriores mistis purgantibus præ-
 dictis fient.

Cuc

Cucurbitulæ etiam inter scapulo & cervicalibus affixæ, in id salutare sunt: nec inutilia sunt repellentia, vt lib. 13. Meth. in lethargo.

Pituitam à capite reliquam dissipantibus, vel sumptis (vt diamosci dulcis, vel amari Mesuæ, vel pliris arcotici Nicolai drachmis duabus, vel theriacis aut mithridatij veteris drachma vna semel in hebdomade sumpta manè, horis septem ante cibum: vel acoro condito, vel confectione ex acoro tota sua substantia in id efficaci, horis duabus ante cibum per se, aut cū aqua maioranæ, bethonicæ, saluiæ, vel alterius capitalis facultate similis) vel ad motus, vntionibus, irrigationibus, fotibus, cataplasmatibus, emplastris, sacculis, odoramentis, ac reliquis topicis remediis, ex oleo anethi no chamæmeli, liliorum, costino, balanino, ex decocto capitalium prædictorum in lixiuio, euphorbio, castoreo, quæ etiam in aurem tutò à Galeno immittuntur, ne capiti cum aliis applicare formides: odorifero pommo ex maiorana, stœchade, caryophyllis, cinnamomo &c. cum cera constante: quæ omnia capiti ad mouenda sunt ventriculo vacuo: nam à pleno vim magnam vaporum calore suo in caput traherent. Hæc autem cum caput pituita non modò purgent,

Auicen.

Conciliator.

Acorus sic indicus nō nostras.

b

gent,

gent, sed etiam intemperiem eius frigidam humidam (à qua actionum imbecillitas pendet) emendent : etiam capitis partes roborant , temperaturæ scilicet pristinae ipsas restituendo , & ratione eadem in aliis affectibus, quos materia aliqua intemperata creat.

Cephalalgia ex capitis consensu cum toto corpore in febribus, cum sit harum symptomata , his persanatis cessat , nec remedia postulat, nisi ob vehementiam frontalia ex oxyrhodino, populeo vnguento , albuminibus applicare cogamur , & frigida quædam ore continere : non autem sincipiti repellentia applicamus. ut antè in cautionibus repellentium in cephalalgia sanguinea diximus.

Li. 3. prognost. & crifium.

Si autem critica sit cephalalgia, præsertim crisi per vomitum, aut hæmorrhagiam impendente, remediis non eget , nisi fortè his quæ vomitum, aut sanguinis fluorem enaribus celerent , & promoucant : de quibus postea.

Cephalalgia per consensum.

Cephalalgia ex capitis sympathia & consensu cum partibus subiectis, ut ventriculo , curatur prospiciendo ante omnia parti primario affectæ , & quæ caput consensu tandem afficit. Deinde ipsi capiti: ut,
 si in

si in ventriculum effusa bilis flaua, vaporibus in caput sublati cephalalgiam faciat, dandus est cibus frigidus astringens, vt panis ex vino granatorum, vel ex omphacio: & ita in aliarum partium affectibus postea dicendis, caput consentiens laudentibus. Capiti autem succurritur primum per astringentia ipsum roborantia, ne talem doloris causam recipiat: deinde per ea quæ iam receptam in ipsum dispositionem abigant: vt, refrigerantia, si calidam intemperiem conceperit: caput calefacientia si frigidam, vt prius à nobis est dictum.

Cephalalgia ab aestu.

Cephalalgia ex mora sub sole immodica curatur ægrum à solis radio defendentibus, si adhuc sub sole est: victu item refrigerante & admotis capiti frigidis prius dictis, quæ receptam in ipsum dispositionem calidam profiigent. Quia tamen capi *Aëtius in* tis calor cucurbitulæ modo trahit, quod *diaria ab* tractum iam est partim dictis refrigeranti *aestu.* bus & astringentibus repellendum, partim frictionibus, ligaturis & aliis reuellendum: partim si quid materiæ post hæc supersit digerendum, remediis antè dictis, præcipuè in cephalalgia pituitosa: si verò corpus impurum sit, aut plethoricum, vacuandum, ne huic cephalalgia succedat dia-

ria, aut synochus non putris, aut putris, aut syneches, aut aliqua ex intermittentibus, id quod vere ipso in adolescentibus maxime quotannis obseruamus.

Cephalalgia à frigore externo calidis capiti admotis & sumptis curatur, qualia multa diximus in cephalalgia pituitosa. *Gal. li. 2. c. ph. p.* Curatur item mora sub sole donec dolor desinat, si homo nec plethoricus est, nec cruditate laborat, nec humorem prauum in ventriculo, præsertim ipsius cauitate habeat.

Cephalalgia à vini generosi etiam largius poti vaporibus calidis multis, ut per ebrietatem, curatur, prohibito vaporum ascensu in caput, & vacuatis his qui iam sunt in caput recepti, restitutaque pristina capitis temperie. Prohibemus vaporum ascensum naribus inspirantes & expirantes ore aperto, aqua, cydoniis, fructibus etiam crudis, vel si cocti sunt, refrigeratis: & omnibus his vel deuoratis, vel ore retentis: vacuato item vino vomitu, aut potius (quia vomitus replet cerebrum his quæ vomuntur, & sanguine vasis thoracis immodicè compressis, à ventriculo sursum ad os suum faciente impetum) deiectione per balanos, iniectiones etiam acres, aut per admota vmbilico purgantia: sumptis etiam catapotis aliquot Rūs, vel ex hiera, vel similibus,

milibus, motu corporis recti clementi adiuvante. Quod autem in caput iam replebitur quum sit vaporosum, facile resolvetur dictis prius remediis in digerendis cephalalgiae pituitosae reliquiis, & frictionibus artuum, ligaturisque ac ambulatione, & reliqua partium infernarum & brachiorum excitatione. Viratis simul his quae nouo vapore caput replere & inde dolorem ciere possunt, qualia sunt mentha, crocus, multis etiam moscus, & odores caeteri vehemens, & vapore multo, & calido replentes instrumenta olfactus atque adeo continuos ipsis ventres cerebri omnes & cerebrum ipsum. Adde cephalalgiam a contusione, vulnere, percussu.

Scotomatis curatio.

Scotoma & vertigo vel corpori neutro impendent, tuncque illis prophylacticae artis pars, id est praecautrix prouidet augeri causam prohibendo: vel iam iam hominem conflictant, tunc artis parte curatrice est opus, quae praesentem causam morbumque abigat genitum. Causa enim effectrix morborum, prima est cum perseuerat auferenda, ut recte Galeno visum est. Quae si externa est, ut corporis in gyrum circumactio, aeger quiescat: si corporis ita circumacti, vel rotarum aspectis, intueri haec desinat, si ebrietas, clystere potius quam vomitu

ventriculus vacuetur, extrema fricentur & ligentur, aliisq; auxiliis à capite vapor auertatur. Si verò interna est, vt motus spirituum immodicus & inordinatus, quiescat in aëre obscuro: nam lux ipsos spiritus exagitat: sumantur frigida, vt sacchari rosati, syrupi rosati. ribes, granatorum, cydoniorum vncia vna, cum aquæ rosarū, lactucæ, plantaginis vnc. duabus, quæ spirituum motus turbulentos sedent ac sistant.

Foris etiam applicentur quæ fluentur in caput materiam repellant, qualia prius dicta sunt: caput quoq; roboretur, & quæ ex intemperie relicta in eo est imbecillitas, castigetur remediis antè descriptis.

Si verò causa eius vel præsentis, vel impendentis sit sanguis, secta, vt in cephalalgia sanguinea dictum est, vena vacuetur: si pituita aut humor alius, prædictis etiam auxiliis purgetur.

Phrenitidis curatio.

Phrenitis erysipelas est meningum cerebri, morbus omnino acutissimus symptomataq; sæuissima inuehens, ob id statim ipso principio curandus, vt Hipp. imperat Aph. 10. lib. 4. Medicari in valde acutis, si materia turget eadem die: tardare enim in talibus malum est: & remediis etiā valentissimis, quod idem iussit Aph. 6. libro

libro i. Extremis morbis extrema exquisitè remedia optima sunt.

Si igitur morbo incunte vocaris, cum eius pars iam sit genita, pars gignenda: genitiam curabis, materiam quæ fluxit per re soluentia & alia vacuando: gignendam autem sublata eius causa prohibebis, ne absolutum fiat erysipelas. Id quod si iam est, dubia est salus, frustra quæ à medicis ferè auxilium expectatur. Augeri autem & procedere affectum prohibebis auxiliorum quinque generibus.

I. Victus ratione tenui & refrigerante, & astringente: ut, aqua hordei, seu potione ptissanæ, ptissana colata, & non colata seu tota, ut iubet Hippocr. lib. de rat. victus in morbis acutis: vel potius paulò pleniore (presertim hac in regione cibo largiori assueta) ne egrum inedia enecuisse accuseris: ut, cremore alicæ, vel hordei farina cum aqua cocta, addito granatorum, limonum, aranciorum, citreorum, cydoniorum succo aut omphacio, aut aceto, aut simili, quibus humores densati & coacti in caput ægrius confluant. Aër si frigidus natura non est, industria (ut ante docui) refrigeretur & humectetur aqua rosarum, aceto & similibus per aream sparsis: quiescat, ac in cæteris faciendis uti & sumendis, admonendis, edu-

b 4 cendis

cendis quæ refrigerant, deligantur, hæcquæ;
potissimum primis quatuor diebus.

Vere phre 2 Auertentibus: vt, secta vena cephalica,
netidiphle aut si magna est plenitudo, vena cubiti in-
botomene terna priore, post hanc cephalica. Quod au-
gat Genti xilium omni phrenitidi etiam veræ & ex
lis ne bilis syncera bile, non soli phlegmonô dei est sa-
furiat, im lubre, vt ipsi etiam cranij fracturæ, quate-
perat Mat nus sanguinem cum aliis humoribus à me-
th. Gradi, ningibus in utroque affectu, ob sensum ta-
auertendi ctus exactum valde dolentibus attractum,
nō vacuan & phlegmonas minantem reuellit, non qua-
di gratia. tenus vacuat, nisi phrenitis sit phlegmonô-
des, id est, à sanguine cum bile misto. In af-
fectibus enim solum biliosis vacuatio san-
guinis bilem cohibentis, & contemperatis,
ipsam bilem furere & feruere permittit, si
multus scilicet vacuetur, vt quantus in san-
guineis affectibus: non autem si paucus, vt
dum auersionis solius causa & transpiratio
nis sanguinem paucum vacuamus: cui etiã
si bilis feruor aliquis superueniat, maius ta-
men ex erysipelatis generatione per auer-
sionem illam prohibita emolumentum con-
sequimur, quam sit incommodum bilis in-
flamationi exiguæ succedens. Quid quod
Auicennas etiam largum sanguinem mit-
tendum imperat, nisi cautio quædam ma-
xima prolubeat? quibus verbis omnino mis-
sum

sum vult, nisi magna aliqua occasione prohibemur. Vena igitur secta reuellemus quamprimū, etiam ventriculo pleno: nam in talibus tardare malum est, periculumq; est ne erysipelas absoluator interea dū cibus in ventriculo percoqui & descendere debet. Quam ventris inferioris vacuationem omnino expectamus, aut tardantem maturamus in morbis mitioribus, antequā venam secemus vacuationis, aut reuulsionis, aut alterius alicuius causa.

Sanguinem nanq; interdum mittimus alias ob causas, vt ad præcautionem: quod lib. de morborum curatione per phlebotomen docet Gal. & ad cognoscendam sanguinis naturā, vt in febre quartana & aliis affectibus melancholicis Gal. li. i. ad Glauconem, & in elephantiasi, vt pernoscamus, an vltus in illis, in hac corruptus sit sanguis.

Auertunt etiam cucurbitulæ ceruicibus, & omoplatis affixæ: artuum item frictiones, ac ligaturæ ad articulos dolorificæ. medicamenta deniq; cholagoga vel clementia, vel, si corpus robustum est, valentia: vt, Elect. rosatum, Elect. de succo rosarum, diaprunum scammoniatum à drachmis tribus ad drach. quatuor: pilulæ item aureæ, vel aggregatiuæ à drach. vna ad script. quatuor, non apparata prius materia, qui

b s turg

turget, aut vacuari suapte natura est habilis maximè, nec morbus dat inducias. Auertunt & enemata etiam clementia ex vnciis decem vel libra vna decocti maluæ, violæ nigræ, hordei ana ad Ma. vnum, addictis decocto huic cassiæ fistulæ sesconcia, sacchari rub. vnc. vna. olei violati vnciis tribus, salis cōmunis drachinis duabus: sed potentius acria, ex prædicto decocto accipiente pro cassia diapruni scamoniati vel alterius E. prædicti drach. sex vel vnc. vnam.

3 Repellentibus à supernis partibus materiam fluentem qualia, frigida astringentia, vt oxyrhodinum ex aceti parte vna, olei rosati duabus, aquæ rosatæ quatuor, vel aliud ex prædictis in cephalalgia vel sincipiti inflicta, vel capiti admota, vel collo ex panno aliquo circumposita vt vias contrahant, per quas materiæ ascendunt, & materias ipsas cogant, crassent, & ad motum ineptas reddant. Sed omnia hæc antè mutanda quàm incaluerint.

Eodem pertinent caphura, acetum, aqua rosarum, odorata & naribus imposita, vel etiam auribus: vel horum loco aqua, aut succus plantaginis, solani, semperuiui, oleum rosatum.

4 Intemperiem capitis calidam à bilis contactu relictam, & viarū per quas ascendit,

dit, laxitatem, corrigentibus frigidis & astringentibus: vt, syrupo rosato & granatorum, cum duplo aque rosarum, solani, plantaginis, buglossi sumpto manè, & post cœnam, vt cum vaporibus à cibo elatis cerebrum petant: ad motis quoq; aliis prius dictis in cephalalgia calida.

5 Digerentibus materiam si qua adhuc in meningibus superest crassior, aut impatiens, & quę prædictis remediis non est vacuata: qualia sunt prius dicta in cephalalgia sanguinea, & biliosa, & pituitosa: sed ex his moderatiora primùm applicanda sunt, quę si non sufficiat, ad valentiora transibitur, de quibus etiam nunc agemus. Si enim phrenitis iam facta est, ac absolutum erysipelas, nec amplius in generatione est, materiã in tumore coactã vacuare oportet, vt in tumorib; ceteris: symptômata etiã castigare. Porro vacuabitur partim sumptis myrobalanis, rha barbaro, pilulis, & aliis in cephalalgia sanguinea & biliosa dictis: partim ad motis capiti tēperatē calidis: vt, columbo, capo, eluro, catulo vel simili animalculo viuo per spinam secto, & exenterato, vt à vita calet: vel arietis pulmone aut hepate, similiter ab animali calente, & aliis in melancholia dicendis.

Symptômata autem phrenitidis maxima sunt,

sunt, in somnia, & ischuria. Somnum igitur conciliabis somniferis omnibus etiam opiatis: ut, Philonis antidoto, vel opio ipso sumpto aut adimoto, sed pauco, & mistis calentibus obtuso, modò vires valeant, nec æger sit senex: in his enim opiata exiguas caloris natiui reliquias extinguere periclitantur. Ob id etiam dysenterico & aliter laboranti, si virtus est imbecilla, opij vsum rectè *A-
Mef. ca. de* uic. formidauit. Satis igitur sit syrupum pa-
violis. paueris, aut violatum, cum aqua lactucę sumere, vnguentum autem populeum admo-
uere, quæ omnia etiam delirium sedant.

Vrinam verò suppressam promouebis vreticis remediis: ut, oleo scorpionum pubi illito è regione vesicæ, sua proprietate his affectibus idoneo: item titillata digitis, virga & perinæo ipso ad sedem vsq; : admota etiam dictis partibus cocta parietaria, & fortu harum partium facto ex ipsius decocto.

Apoplexiæ curatio.

*Aph. 42.
lib. 2.*

Apoplexię omnis præsertim fortis, ex magna respirationis noxa se prodentis, curatio admodum quàm difficilis est, quòd affectus sit grauissimus, & à quo egri perquam pauci liberantur: id quòd parentibus prædicendum tibi est, si quem tractandum suscipias remediis, quę iuuare possint, sed ante omnia cùm apoplecticus mor-

tuo

tuo sit perſimilis : an adhuc viuat his aliquot ſignis à reſpiratione ſumptis, cognoſces.

I Lana carpta, aut goſapium ſimiliter carptum, vel accenſa candela huius ori & naribus admota : vel cyathus aqua plenus pectori, ſi mouetur, reſpirationis, & per hanc vitę certiffimum ſit indicium : quòd reſpiratio à vita, & vita à reſpiratione ſeparari non poteſt.

Reſpirationem quoq; & vitam teſtatur ſpeculum terſiſſimum : ori & naribus admodum, ſi maculatur & velut caligine obducitur. Quanquàm verò nullum in apoplecticis vitę indicium appareat, ante tamen tres exactos dies non ſepeliantur : quòd horum plurimi præſertim mulieres, & qui corde ſunt minus calido reuixiſſe ſunt viſi, quorum exempla tibi paſſim ſuppetunt.

*Gal.ca. 5.
lib. 6 loc.
affect.*

Apoplexia ſanguinea curatio.

A Poplexia autem magna ex parte ſanguinea eſt, aut phlegmatica : ſanguinea verò tribus remediorum generibus curatur.

I Auertentibus : vt, ſecta vena primùm baſilica, præſertim ſi magna eſt plenitudo, deinde cephalica, & corporis totius frictionibus : ligaturis artuum dolorificis, lotionibus

nibus calidis: cucurbitulis primùm leuibus,
deinde cum scarificatu affixis collo in plenitudine mediocri, in maiore partibus primùm infernis.

Libro 4. 2 Vacuantibus materiam quæ iam fluxit in cerebrum, & ipsius ventres corpusq; obstruit: vt, secta vena cephalica vel frontis, quam affectus capitis omnes à sanguine perfanare affirmat Auicena in capite de cephalalgia. Secat etiam in apoplexia Rasis venas iugulares, non imitandus, quòd periculo hæc non vacet phlebotomia: Nam collum ante sectionem fricare & ligare expedit, vt iugulares tumore & tensione se prodant: quæ res cerebrum magis replet affectumq; auget, nisi emolumentum maius ex vacuatione hac, quàm incommodum ex ligatura causeris, præsertim cùm etiam in vena frontis secanda collum sit stringendum, sed tunc minor superest copia. Sectis item his iugularibus venis à medio vel casu, hæmorrhagia fit multa, & quæ ægerrimè cohibetur, vixq; vlcus glutinatur: quòd vinculo idoneo astringi pars hæc non ferat sine suffocationis & apoplexiæ augendæ periculo, soloque digito sectioni horas multas adpresso sanguis sistitur, & sectio glutinatur pice, & emplasticis aliis egrè adherentibus citra delig

deligaturam.

3 Intemperiem à sanguinis calidi copia partam alterantibus, sumptis, & sub finem curationis admotis: vt, aceto, & oleo rosato. Quę quamuis etiam initio ad repellendum conducerent, tuta tamen non sunt, præsertim his qui ad obstructions sunt propensi, vtpote quas hæc remedia, viis à se contractis, & materia nonnihil crassata, promptè vel excitant, vel iam factas geminant.

Apoplexie pituitosæ curationis.

A Poplexia autem pituitosa curatur Aquatuor auxiliorum generibus.

I Auertentibus, vt acribus & caput & pituitam respicientibus enematis, quale quod hieram picram, aut hac multò valentior hieram Logadij, & cetera pituitam vacuantia recipit, vt accipias saluie, roris-marini, maioranę, foliorum lauri, origani, calamintis, stœchados ana Ma. vnum, coque in aqua sufficienti. Decocti huius librę vni adde hierę picrę vnc. vnam, aut hierę Logadij vnc. dimidiam, sacchari rub. cassię fistulę ana vnc. vnam, olei chamemeli, vel laurini, vel rutę vnc. tres, salis gemmæ drach. dimidiam iniice clystere: id enim validum satis & capiti familiare.

Idem

Idem præstant, sed infirmius, balani digitos sex longæ, ex melle & prædictis hieris valentibus, ac etiam colocynthide compositæ, ut ex pulueris hiere picræ drach. sex. vel hiere Logadij drach. tribus, salis gemme drach. vna, ellebori albi, agarici ana scriptulo vno, colocynthidos script. dimidio, fiant balani filo, antequam indantur, ligandæ, ut cum opus erit, retrahi possint. Iuant quoq; cucurbitulæ natibus, lumbis, & omoplatis affixæ, & præter has totius corporis frizione & ligaturæ artuum dolorificæ, ac etiam testium, ut horum dolore maximo expurgificata facultas obstruentem materiam expellat. Quæ omnia sæpe sunt repetenda, si prius nondum contulerint.

2 Pituitam non apparatus (qua morbus hic acutissimus inducias apparandi non permittit) vacuantibus etiam valentibus & largioribus medicamentis, ob id quod virtus expultrix multum est sopita, meatus angustiores redditi, partibus scilicet eorum refrigeratis in seq; cõcidentibus, cum nec amplius per ipsos sanguis cū calore & spiritu pmeet. Talia fuerint pilulæ coccig, ex euphorbio, foetide, à scriptulis quatuor ad sesquidrach. syrupo stœchados, & aqua saluig dissolutæ, ut deuorari possint, cum apoplecticis omnes motus naturales & anim

animales (vt idem de vitalibus intelligas dictum) habeat prostratos. Vacuabis ex capite ipso dictis prius in cephalalgia pituitosa sternutamentis & errhinis: atque vbi ad se paululum redierit, gargarismatibus, & apophlegmatismis, quæ motu voluntario egent vt in vsum veniât: quamuis dentes, gingiuas, linguam, palatum, ore à nobis aperto iisdem fricare liceat.

3. Materiæ reliquias digerentibus & simul caput roborantibus, partim sumptis, vt confectionis anacardinae scriptulo vno (quæ calore vehementi etiam febrem excitat) vt acoro vero condito, confectione ex acoro vero per se in ore retentis, vel etiã deuoratis cum aquis capitalibus: partim ad motis capiti raso, oleis, liliorum, ex spica, ex euphorbio, ex costo (quod capiti etiã familiare est) emplastro Mesuæ ex sinapi phœgnimon & vesicas excitante, & valenter ad cutim trahente, suffitu quoque castorii & odoramentorum similiter valentium, cataplasmatibus, fotibus ex valenter calidis, siccis capitalibus post vacuatum diligenter, vt prædixi, corpus totũ atque adeo caput ipsum.

4. Si soluatur apoplexia, ei solet succedere paralyfis.

Libr. 4.
loc. affec.
cap. 2.

Cari

Subeib.

Caros, id est somnus longus, & grauis, affectus cerebri aut primarius, & proprius, aut per consensum maxime cum ventriculo, vterque à causa vel interna, vt in temperie frigida humida sola vel cum materia (qualis infantibus sæpe accidit, præfertim aëre frigido humido & in eo diu educatis) vel externa vt esu fungorum vel frigidis potestate venenis, vt opio, cicuta largius sumptis.

Deleteria

frigida so

la quan-

titate ne-

cant. Gal.

li. 3. simp.

eap. 17. et

lib. 3. tēp.

E aph

17. lib. 2.

Si proprius est cerebri affectus & primarius, curatur vt apoplexia: & vt cephalalgia pituitosa, si à pituita est (id quod ferè est) aut vt sanguinea, si à larga in capite sanguinis copia. Curatur autem illa solis calefaciētibz tam sumptis, vt diamoscho dulci & amaro, acoro vero condito, confectio- ne veri acori, & anacardina: quam adinotis, vt oleo spicæ, costino & cæteris prædictis: si à sola intemperie frigida, vel etiam humida sine materia fiat. Si per consensum cum parte aliqua, vt ventriculo, ob materiam aliquam, aut multitudine vires opprimentem, aut frigiditate humida stupefacientem fit caros: parti materiam transmittenti prius est prospiciendum vacatione illius materiæ, & prouidentia, ne similem vel in se gignat, vel aliunde recipiat,

in cer e

in cerebrumq; transmittat: deinde cerebro recipienti prospiciemus vacuando quod iam recipiat, & roborando: modisq; omnibus prouidendo ne talem deinceps materiam recipiat. Quæ quibus remediis perfici possint, prius abunde in cephalalgia diximus.

Si autem materia sit deleteria vt narcotica in ventriculo, non solum calidis est oppugnanda, sed suis alexipharmacis tota sua substantia contrariis & in illa expellenda agentibus, quæ horum singulis propria à Dioscoride & aliis describuntur.

Auertentibus etiam vtendum est, ac materiam attolli astrictione sua prohibentibus, sed calidis actu & potestate: vt, hiera ex aloë, rhabarbaro, myrobalanis.

Excitandus postremò æger est valentibus, tum reuulsionibus per purgantia, vt balanos, clysteres in apoplexia dicta: per frictiones quoque & ligaturas dolorificas, & cucurbitulas: tum vulsis naribus, auribus, barba, capillis, sternutamentis, odore aceti acrimonia mordentis, & materiæ aliquid siccantis.

Catalepseos curatio.

Catalepsis Galeno ab intemperie cerebri frigida sicca fit, dicta vulgo medicorum congelatio, à catoche seu so-

Aph. 3. 2.

c 2 pore

pore vigilante diuersa affectio:quòd cataleptis spiritus animales à frigido sicco velut concretos, & ad actiones suas ineptos habet sine materia:catocoe autem seu sopor vigilans gignitur à bile flaua largiore, cum pituita etiam largiore in cerebro permistis: quarum illa calida sicca, vigilias: hæc frigida humida somnum inducit, magis & minus pro vincentis materiæ quantitate & qualitate.

Signa catalepticos.

In accessione æger pristinam partium figuram retinet, rigidis videlicet neruis, & frigido sicco velut concretis, vt si prius sedebat, sedens permanet: si genua flexerat, genibus flexis permanet: si os apertum erat, apertum manet, ac oculis manet apertis, musculo illo visum fugiente, qui palpebram superiorem aperit, rigido manente: sensu quoque omni, & motu priuantur, spiritu animali in singulis partibus, non solo cerebro, ab intemperie frigida sicca concreto, & ad permeandum nervosa corpora, ac etiam mouendum inepto. Ob id somnus in hac non est, quòd spiritus animalis totus à neruis in cerebrum non reuocatur, sed in hac vt caro manet quædam respiratio, ab illæsis adhuc quibusdam spiritibus, ob vitæ necessitatem respirationi potissimum seruiantibus. Quamquam verò hæc cum

LVII
METHODVS CURANDI
hæc cum apoplexia communem habet sen-
sus & motus priuationem, tamen in apople-
xia spiritus sunt integri: per obstructionem
verò ventriculorum cerebri, in partes ner-
uosas sentiendi, & mouendi facultatē con-
uehere prohibentur, quo fit, vt partes laxæ
& resolutæ maneant, & corpus sitū, ac par-
tium figuram priorem commutet: in cata-
lepsi autem spiritus ipsi sunt affecti, & ve-
lut concreti, ob intemperiem ipsorum fri-
gidam siccā: ob id ad vim sentiendi & mo-
uendi in partes nervosas transuehendum
inepti, sed quibus locis sunt intercepti ma-
nent quieti, & hæ partes rigidæ sunt.

Catalepsis curatur calidis moderatè &
humectantibus sumptis & admotis, vt forti-
bus ex oleo sesamino, iasmino, camæmeli,
addita etiam in singulas horum libras eu-
phorbii vnc. vna: ex oleo etiam liliorum ca-
lorem natiuum proprietate sua viuifican-
te, vim alexiteriam contra hoc malum sor-
tito: ex decocto item chamæmeli, meliloti,
saluæ, maioranæ, &c. capitalium in vino.

Hæc post auersionem materiam resol-
uunt, sed vide ne aceto aut similiter siccan-
te remedio, vitales spiritus paucos in corde
relictos absumas, & extinguas. A mitiori-
bus ergo incipiēda fusio, ad valentiora pau-
latim, si est opus, deinde transeūdum: qua-

Catale-
pseos &
apople-
xie diffe-
rentia.

rutaceum, ex spica, costinum, laurinum: & vini optimi & aromatici potus, quale est maluaticum, & quod *κίρρον*, id est, igneum seu fuluum, quo catalepsim sanasse se dicit Galenus lib. 3. Simplicium.

Vinum nanque huiusmodi virtutem quandam viuificandi obtinet. Auic. cap. de deleteriis frigidis. Catalepticos autem curatio plenius ex melancholiæ curatione intelligetur.

Paralyseos curatio.

Paralysis curatur quinque remediorum generibus.

I. Victus ratione calfaciente & siccante, & ob hoc pituitæ generationem prohibente, vt aëre calido sicco per ignem luculentum, suffitum ex caryophyllis, & aliis similibus. Caue tamen ne initio fluente scilicet materia multum calfacientibus materiam colliques, & fusam calore per vias à calore eodem latiores redditas ad fluendum magis prouoces. Vt cibis calidis siccis natura & arte, vt perdicibus, auiculis, assis vel frixis, pane biscocto, & si vis anisato, melanthiato, saccharato. Vt cæteris denique sumendis admouendis, educendis, faciendis facultatem quandam naturalem calfacien-
di &

di & siccandi fortitis.

2. Pituitam coquentibus, & ad expulsio-
nem incidendo, tenuando, tergendo pa-
rantibus, primo quidem triduo, aut qua-
triduo clementioribus, vt mellis rosati co-
lat. fescuncia cum duplo aquarum saluiæ
& bethonicæ: deinde (purgato blandius
corpore) melli rosato, aut oxymeliti sim-
plici, aut syrupo acetato, simplici par pon-
dus syrup. stœchados cum aquis prædictis,
aut similibus miscebitur, pauloq; valentius
purgabitur: postremò syrupo stœchados so-
lo cum dictis aquis vtendum: deinde valen-
tius multò vacuandum. In his tamē vt pur-
gantibus, & victus ratione, & (vt summa-
tim dicam) cæteris affectuum mitiorum re-
mediis, ad dies quatuor primos mitioribus
auxiliis vtendum, paulatim ad valentiora
deinde transeundum, vt etiam paulo antè
dixi. Quamuis autem acetum & acetata
omnia ad pituitam crassam tenuandum &
lentam incidendum sit efficax, quia tamen
neruis (quorum affectus paralytis est) no-
cet, vt frigida & mordacia cætera: ob id eo
rarius & parcius vtendum, præsertim so-
lo: additum enim mel rosatum noxam ab
eo prohibet.

3. Vacuantibus paratam per dictos syru-
pos pituitam, primùm, vt dixi, clemen-

4 tiori

tioribus, vt pilulis de hiera, agarico, elephanginis, asseieret, mastiche, quæ etiam partes roborant. Agaricum item trochiscitum per se quidem ad scriptula quatuor dabis: cum drachma autem dimidia aliquarum ex dictis pipulis, ad scriptula duo, vt in cephalalgia pituitosa prædictum est: his postea pilulæ valentiores vsurpandæ sunt, vt fœtidæ Mesuæ, & coccia Rasis, aut de sagapeno, de opopanace, de euphorbio omnium valentissimæ raro admodum vtendæ: pilulæ tamen suæ in ventriculo mora longiore diutius à remotis partibus trahunt, ob id optatiores sunt alia quauis medicamentorum forma in affectibus partium remotarum.

4 Auertentibus in contraria materiam, quæ ad spinalem medullam defluit, vt præter dicta nunc purgantia, clysteribus, sternutatoriis, errhinis, apophlegmatismis, gargarismis ante dictis: vtendum autem his quatuor post multas corporis totius vacuationes.

5 Reliquam materiam digerentibus, & simul cerebrum, & partes alias ab hac materia læsas roborantibus, applicandis parti primario affectæ, non his quæ animali facultate ad sensum & motum necessaria priuantur, ob superiorum partium affectum:
vt Gale-

vt Galenus quendam ex casu à curru digitos habentem resolutos, sanauit emplastro digitorum spinali medullæ admotum: quæ parte offensa, neruus qui ad illos digitos ferebatur, ex dolore phlegmonem, & ab ea obstructionem, quæ spiritum ad digitos ferri prohiberet, contraxerat.

lib. i. loc. affect.

Adde quòd mitia digerètia, vt sæpe iam diximus, prima sunt exploranda: vt, oleum chamæmeli, oleum vulpinum Mesuæ ad neruorum affectus efficax: postea valentiora, vt, oleum de spica, costinum, de terebinthina Mesuæ, philosophorum eiusdem, aqua vitæ, & vnguentum ex puluere lumbricorum terræ, olla in clibano siccatorum, ex galange, piperis ana vnc. tribus, cum libris tribus mellis despumati: id in affectibus neruorum digerendis mirè efficax expertus est Gattinaria: & succum ireos, castoreum, emplastrum Mesuæ ex sinapi: sed hæc valentia parti diutius non adhæreant, ne vrant, aut phlegmonem accersant. Explorabis igitur sæpe illorum effectum, vt intelligas quando illis abstinendum sit.

Balnea quoque aquarum medicamentosarum, præsertim sulfurearum, & nitrosarum, & horum lutum parti primario affectu admotum, sunt in hunc affectum efficacissima. Sumatur autem semel in hebdo

c s mada

mada drach. vna theriaces veteris, aut mi-
thridatii, diamoschi dulcis, aut amari, aut
acori veri conditi, aut confectionis de aco-
ro, aut drach. duæ olei ex acoro in dies sum-
ptæ: stœchas quoque saluberrima in id est,
quia cærebrum valde calefacit, & siccatur;
pulueris etiam hieræ aureus vnus, piperis
aurei duo calfaciunt, siccant, digerunt.

Postremo chamæpytis in paralyfim &
ischiadē, quo voles modo sumpta & admo-
ta, est efficacissima multorum experientia,

Convulsioni curatio.

Convulsio præsertim ex repletionē &
maximè pituitosa, aliis frequentior,
curatur sex auxiliorum generibus.

1. Victus ratione calida sicca prius dicta,
in cephalalgia pituitosa, & apoplexia & pa-
ralysi.

2. Coquentibus pituitam, & expulsionem
apparantibus, primum clemētibus ad dies
quatuor, quinque, deinde clementer va-
cuantibus: post valentius apparantibus &
vacuantibus, vt locis prædictis est abunde
demonstratum. Quod præceptum est intel-
ligendum, vbi morbus est moderatior, nec
symptomata inuehit multum formidan-
da. Si enim est vehementior, ac dolorem af-
fert

fert magnum qui vires prosteruat, citra coctionem vacuandum est, etiam potenti-
bus remediis: ne si coquamus, interea vires
deficiant & æger moriatur. Quæ verò blan-
de & potenter coquant & vacuent, ibidem
scripsimus.

3 Purgantibus paratam vt dixi, mate-
riam, si morbus dat inducias, vel non ap-
paratam, si acutissimus est. Talia fuerint
pilulæ foetidæ & coccia valentes multum:
valentiores autem pilulæ de sagapeno &
opopanace: quæ tamen viribus, ob magna
symptomata, vel aliam occasionem imbe-
cillis non sunt deuorandæ: vel si potionem
æger mauult, da infusum agarici, aut aga-
ricum trochiscatum, diaphœnicon, E. In-
dum, & similia dissolue decocto capitali
ex abrotono, radice acori, saluia, &c. quæ
vim medicamenti ad caput & neruos de-
ducunt.

4 Auertentibus materiam ad inferna, vt
clysteribus ex prædicto decocto, frictioni-
bus, errhinis, sternutatoriis, gargarismati-
bus, apophlegmatismis, post legitimam to-
tius vacuationem.

5 Reliquias materiæ neruis affixæ, (quæ
spasmi causa est continens) digerenti-
bus, vt vnctionibus cum oleo liliorum, &
(nisi febris adest) vulpino costino actu
calidio

calidiorē: aut potius in his oleis, vel deco-
cto catuli ex oleo, vel vino, vel aqua saluie,
partium conuulsarū balneo. Vnguentum
quoque de bdellio in spasmo efficacissi-
mum, & pelles luporum, vulpium, melidū
(taxones vocant) felium, veruecum & si-
milium animalium, ac hepata, pulmones a-
uiuis animalibus, vt vita calent conuulsæ
parti admota quandiu calebunt, & catuli
vivi & in dorso secti circumpositi. Confert
etiam partem in bouem, aut veruecem,
aut aliud maius animal recens cæsum im-
missam continere quandiu animal calebit.
Præstantissimum quoq; est, conuulsas par-
tes oblinere adipe anseris pinguis exentera-
ti, & catō minutim conciso, ac lardo veteri,
myrrha, thymo & reliquis capitalibus, & ca-
lentibus medicamentis, farti & confuti, &
tosti: non eo qui primus defluet, sed qui se-
cundus: excipiat autem cadula aceto al-
bo si vis destillato semiplena, & eodem ace-
to anser percoquatur, adesq; aceto superna-
tans collectus, priori addatur.

Anic.

Cucurbitulas item parti conuulsæ appli-
care salubre est, leues quidem si paruus est
spasmus: cū scarificatione verò, si magnus:
alioqui largiore materia in partem mul-
tum conuulsam attracta, nec vacuata ple-
nitudine, conuulsionis causa geminatur, &
conu

conuulsio fit lethalis. adhæc pars conuulsa
 si vlcus abest, ostate media iuvene bene car- *Apho. 21.*
 noso, frigida aqua perfusa caloris intro *lib. 5.*
 à frigore compulsi, reuocatione sanatur.
 Febrem quoque ephemeram excitasse se-
 culo Hippocratis & Auicennæ, ob victus *Aph. 26.*
 parsimoniam & corporum puritatem fuit *lib. 2.*
 salubre, nunc suspectum est remedium, ob *Aph. 57.*
 id non tentandum: quia huius ætatis cor- *lib. 4. &*
 pora pleniore victu multum excremento- *70. li. 5.*
 sa sunt reddita, ob id ad febres putridas op-
 portuniora, in quas diariæ in talibus prom-
 ptè degenerant quæ homines sæpe interi-
 munt. Ne igitur febre à te excitata homi-
 nem periisse calumnientur propinqui,
 potius quàm spasmus, à febre excitanda
 abstine.

Balnea quoque purgato ritè toto corpo-
 re præsertim naturalia: vt, sulfurea, salsa,
 aluminosa, laudantur multum: & quæ à no-
 bis ex sulfure, sale, alumine in aqua coctis
 fiunt, ac etiam ex decocto herbarum cere-
 bralium, maioranæ, saluiæ, bethonicæ, cha-
 mæmeli, roris marini, aut ex sanguine bubu-
 lo ab animali calente: dum enim à singulis
 partibus materiæ reliquias resoluent, nul-
 lum erit periculum, ne fusa à balneo in par-
 tem distentam confluat.

Suffitum quoq; & vaporem prædicti de-
 cocti

cocti per lapides ignitos, præcipuè pyrites,
aut lateres coctiles in cacabum iniectos ex-
cepisse toto corpore sub papilione, ne va-
por expiret, confert.

Sumenda verò quæ etiam resoluant, &
roborent: vt, acorus verus conditus, diaco-
rum, diamoschum dulce & amarum, quo-
tidie ad drach. duas: theriace verò, &
mithridatios, fortiora tantum semel in
hebdomade, vna drachma sumantur: aut
si quotidie, parciora: vt, scriptulo vno, se-
midrachma. Confectio quoque anacardi-
na si febrem vis excitare, vt dixi, periculo-
sa est. Opopanacem quoque & castoreum
dat Auicen. post cibum, vt ab eo vis ipsorū
obtundatur: non autem antè, ne cito ad he-
par permeantia ipsum lædant, quamuis &
sumptum & admotum castoreum neminē
vnquam læserit Galen. etiam si odore dele-
terium apparet.

6 Symptomata corrigentibus præcipuè
dolorem sæpe tam intolerabilem, vt cla-
mantes audire ac sese modis miseris intor-
quentes ac iactantes spectare sit luctuo-
sum. Identidem igitur balneo tradantur
ex oleo communi temperatè calido, tum
per se, tum ei incoquendo semen lini, fœ-
nigræci, folia maluæ, violæ, vel lumbricos,
& hos iam coctos, probè tritos, parti impo-
nere

nere cataplasmatibus modo prodest. Si verò diuites sint, balneum ex oleo vulpino cui vetusto vulpes aliquot ætate florentes vixisse sint incoctæ. In his autem balneis mora longior vires resoluit. Mox igitur dolore sedato in lecto reclinandi: & cum repetet, balneo reddendi. Anodynum quoque decoctum capitis lanati & intestinorum veruecis & omasorum aliorum. Si autem contritio à sanguine est, vena secta vacuetur sanguis, sed parcius quam ipsa copia exigat, ne vires symptomatici occurrant deiciantur: satius enim est hic, ut alibi passim, vacationem partiri, quam semel quantum necesse est, vacuare. Si à bile est flaua, vacuetur mox cholagogis prius dictis. Si ab atra, appareatur, ut dictum est, ac vacuetur.

Si à flatibus (quæ cito & fit & definit) his resolutis præsertim frictione cum panis calentibus, aut vntione aliqua digerente adhibita, cessat, nisi etiam pituita flatuum mater sit vacuanda. Si contritio ab inanitione, ac siccitate est, curatur humectantibus omnibus causis salubribus, ut tum medicamentis, tum alimentis, ut iusculis carniū succulentis, optimis carnibus contritis, tandem vino dilutiore. Initio enim materias in nervos penetrare facit. Balneum item ex capitibus & intestinis verue-

cum

cum & oleis clementibus : à balneo autem conuulsam partem illinit, & astringit, & roborat Auic. oleo rosato, aut cucurbitino, ne humiditas balneo quæsitæ exhalet.

Si conuulsio est ab ictu, aut animalium venenosorum, id venenum extrahe, parti punctæ admoto ano galli, aut gallinæ depumato. Suctu enim ani venenum extrahet: sunt qui rostrum eius tunc cōprimāt, ut ano etiam respiret. Scabiosa quoque cū vitello oui in cataplasmati speciem pertrita, & admota venenum secreto quodam opere extrahit, ob id etiam bubonibus pestiferis efficaciter imponitur. Cæpa item cruda vel cocta, & cæpæ succus punctæ parti admotus venenum extrahit. Idem præstat cucurbitula cum scarificatu parti punctæ affixa, & theriaca apposita, quamuis ex quo venenum pellit, intra corpus protrusura videtur non foras attractura.

*Gal. in cōmoditati
bus theriacis.*

Gētilis 5.

Canone

*hunc notum
dum dissoluti.*

Si conuulsio sit neruo pūcto à ferro acuto, punctura sit aperta, ut sanies expiret: si angustior sit, ferro aperiatur, ne sanies retenta ibi putrescat. vnguentum multum siccans & diligerens tenuium partium imponitur apostolorum dictum, & hoc fortius vnguentum basilicon.

Quia verò punctis neruis dolor interdum adest vehementissimus, sedetur terebinthi

binthina oleo rasato mista, quæ cæterarum partium nervosarum dolorem à casu, vel causa alia mirè compescit, vel fortu partis ex oleo cui terræ humbrici fuerint incocti: ac ex iisdem tritis cataplasma est efficacissimum. Panis quoque calidus, calido lactè infusus, & cataplasmatism modo impositus valde anodynus est. Quod si nullis remediis vincatur dolor, stupefacientibus tactum vtendum est: vt, pane cum decocto papaue- ris albi, & si opus est, cum opio ipso.

Quòd si nullis remediis conuulsionem: *Gal. li. 3.*
hanc potes compescere, neruum transuer- *metli.*
sum secare præstiterit, quàm hominem cer-
tæ morti occumbere: sed periculum mor-
tis ex neruo puncto, vix vnquam super-
ueniet, si statim ab initio *Gal. li. 3.*
Gal. præcepta *cōp. ph. g.*
sequaris.

Epilepsia curatio.

Epilepsia vel imminet, vt ferè pue-
ris ad eam opportunissimis, tunc
parte artis præcautrice opus est, vt in ac-
cessionis intermissione: Vel iam præhen-
dit & nunc hominem fatigat, tunc curatio-
ne propriè dicta indiget. Si recens na- *Paulus in*
tus est infans conuulsus, vbi experrectus *fanti nato*
& accessione solutus erit, capiat in dies *ante lac,*
antequam lac fugat saccharum album, *mel exhi-*
cum oleo sesamino, vel amygdalarum dul- *bet lib .i.*
d cium,

cium, vel butyro mistum in electarij mol-
 lis formam. ad purgandos humores pra-
 uos, ex ventriculo, & intestinis, à quibus
 elati vapores prauī, epilepsiam his affe-
 runt: deinde sumant in dies cochlearium
 vnum syrup. de cichorio sine aqua. Vel
 manna, vel albi tartari puluis, vel nitri,
 si eius est potestas, vel lapidis Iudaici,
 lacti cocto misceatur: vbi autem ambula-
 re cœperint, cum suo lotio: sic medicus
 quidam filios principis cuiusdam à mor-
 te vindicauit, quæ priores eius. liberos
 epilepsia sustulerat. Pæoniæ, maris præ-
 fertim, radix transversim secta coronæ
 modo confuta, collo appensa, vel quo-
 uis modo alio gestata, vt odoretur tamen,
Gale. lib. 6. simpl. proprietate sua epilepsiam præsentem fa-
 nat, vel impendentem prohibet: sinara-
 gdus quoque, & corallium collo appen-
 sum, vt hodie fit à multis, præsidium est
 optimum. Iaspidem viridem appesum sic,
 vt stomachi regionem tangat, stomachum
Libro. 6. simpli. roborare scribit Galenus.

Ab infantibus etiam prohibebis omne
 obiectum sensus insigne & subitum: vt, so-
 nitus vehementes, strepitus, terrores: cum
 Matthæi Gradi filius infans, repentino
 tubarum clangore epilepticus euaserit, &
 alij non pauci à causis similibus, quidam à
 lapsu

METHODVS CVRANDI.

51

lapsu scalarum. Nutrix quoque infantis à
venere lac ipsum corrumpente abstineat,
& crapula, & cibis malis cæterisq; prauum
lac gignentibus.

In ipsa igitur intermissione causa epilep-
psiam genitura, quæ ferè est pituita, abige-
tur quinque auxiliorum generibus.

I. Victus ratione calfaciente & siccante,
vt aëre cubiculi aut lecti alterato per ignē
luculentum & suffitus cum caryophyllis,
cortice citri, rore marino, maiorana, saluia,
stoechade & similibus: caue tamen ne copia
vaporum, aut caput repleat, aut materiam
exagitet. Cibus & potus sit paucus, nec va-
porosus, præsertim coena: nam ex alimen-
to multo vapor multus tollitur qui accen-
sionem epilepticam, & alia capitis vitia ac-
cerfit. Viter apium vulgi, & caprarum grā-
dium carnes, quia vtrunque propieta-
tem habet excitandi, & detegendi epile-
psiam, vti odor bituminis, iecur caprinum
& hircinum assum, & sumptum, Gal. II. sim-
pli. licet capreoli, quia facilè coquuntur, su-
mi possint.

Vitentur herbæ frigidaë humidæ, lactu-
ca, portulaca & similes: fumantur autem ca-
lidaë, saluia, maiorana, & præter cæteras,
hyssopus, qua sola decoctis & cibis largiter
mista testatur Serapio se multos curasse.

d 2 Vinum.

Vinum quoque quia epilepsiam facit, vite-
tur præsertim multum: paucum autem &
aromatites aut aliter calidum permittitur,
præsertim assuetis eo citra capitis, aut ven-
triculi noxam vti, nisi corporis, aut aëris in-
temperies calida prohibet.

2 Materiam scilicet pituitam coquenti-
bus: vt, melle rosato, oxymelite simplici, cō-
posito, scillino, syru. stœchad. cum aquis ca-
pitalibus, præcipuè hyssopi & his per dies 6.
8. 10. continuos apparanda est materia.

3 Phlegmagogis, vt hieræ picræ simpli-
cis, mellitæ drach. sex, agarici recenter tro-
chiscati drachma vna cum aqua hyssopi:
vt, pilulis elephanginis, mastichinis, & in ro-
busto hiera diacolocynthidos, foetidis, coc-
ciis, cum agarico pituitam à capite poten-
ter vacuante. In accessione autem si nimis
est molesta, aut diuturna, pilularum foeti-
darum & cocciarum ana scriptula duo vel
ana drac. dimidia, ex aqua hyssopi soluta
dari possint si maius nihil intercedat, vel
diaphœnici, aut E. indi vncia dimidia, a-
quis capitalibus soluta. Melius autem ex-
tra accessionem parata, vt dixi prius, ma-
teria medicamentis purgantibus vti.

4 Aduertentibus materiam deorsum ba-
lanis, clysteribus, frictiōibus, ligaturis, apo-
phlegmatismis, errhimis dictis in paralyfi
& apo

& apoplexia.

§ Reliquam in cerebro materiam resol-
uentibus, & cerebrum frigidum humidum
calfaciendo, & siccando roborantibus, ne
similem materiam postea generet: iisque
vel sumptis, vel admotis: sumptis quidem
acoro verò condito, diacoro, diamoscho
dulci & amaro, pliris arcotico Nicolai, me-
dicamento ex scilla, quod ad præcauendā
epilepsiam præstantissimum est. Scilla au-
tem æstiva purgata, incisa cum melle in va-
se vitreo obstructo insoletur dies 40. ho-
ris singulis vertendo, vt omnia sol tangat.
Post dies hos liquor vñ solis solutus ad ele-
ctarium id componendum est capiendus
quod Rasis describit libro primo continē-
tis. & Avic. in curatione epilepsiæ. electariū
quoque à Rasi in epilepsia hac curanda de-
scriptum, multos ab epilepsia curasse pleri-
que medici testantur. Nicolaus quoque
Florentinus quēdam quadragenarium ab
infantia ad hanc vsque ætatem epilepti-
cum sanasse affirmat hoc electario quod
recipit herbæ paralytis (quæ costus, piperel-
la herba sancti Petri, vel Pauli quoque vul-
go dicitur) quantitatem idoneam minu-
tim concisam & earyophyll, pæoniæ, pyre-
thri ana portiones æquales cum melle suf-
ficienti fac electarium; sumendum in dies

viladg

d 3

ad

ad cochlearium vnum, vel theriaca, aut mithridatios, semel in septimana sumantur. Sunt & quæ epilepsiæ tota sua substantia repugnant, ruta, pæonia præsertim mas, sæpe sumpta, & modis omnibus admota, & odorata.

Vesica quoq; apri vrina plena, & cum hac elibano ficcata, puluerata cochleario vno quotidie sumpta, est efficax multum, & cornu cerui, & smaragdus collo appensus, corium à fronte asini, castorium, laseris Parthici succus, seu assa fetida sumpta, & sufflata etiam accessionem finiunt. Lapis quoq; præsertim verficolor in ventriculo pullo- rum hirundinis inuētus, corio vituli tectus & in argenteo vasculo appensus collo, maxime quosdam adiuuit. Cranium quoque maris in mare, foeminae in foemina vltum, donec sit albissimum & pulueratum, potu quotidiano epilepsiam sanare testis est Gerardus à salo, & Galenus lib. ii. simpli. de ossibus. In infantibus ergo, si à prauo est vitu, vt crebro porrorum esu, curatu facilis est: in adultis vbi confirmata est, & cerebro propria, ægrè curatur: quin & curari in his posse Gordonius negat: si verò est per consensum cum partibus subiectis, etiam diuturna curatur.

Si à sanguinis copia est, seca venam cephalic

Nos id verum exper-
ti sumus.

phalicam: postremo si opus erit, venem frontis.

Si à melancholia est, cura vt phlegmaticam, sed remediis in melancholia dicendis.

Si per consensum cum parte aliqua subiecta, elato ad cerebrum ex ea vapore prauo & venenoso accessionem committente, stricta fiat deligarura, si in artubus est, quæ viam vapori præcludat: post accessionem verò, ex parte ipsa luem ipsam vacua, etiam si opus est, partem ipsam vlcerando, vt Gattinaria quendam epilepticum sanauit aperto per cauterium tumore in coxa, & osse quod simul computruerat oblato, & parte illa putri sanie diligenter purgata.

Si per consensum cum stomacho, curatur vt epilepsia phlegmatica.

In ipsa autem accessione materiam à cerebro auerte, siue propria sit, siue per consensum, clysteribus, balanis, frictionibus, ligaturis, cucurbitulis, apophlegmatismis, errhinis, suffitu etiam castorij, assæ foetida, pæoniæ radicis & seminis. Item ruta trita, & succus eius in nares turundâ immissus per se, vel cum castorio, pæonia assa, & similibus est præstantissima ad finendam accessionem.

Incubi curatio.

Incubus ab incubando, quòd pondus quoddam nobis incumbere, & supra nos stare putamus respirationem opprimens, & ob id vocem impediens, Græcis *ἰσχυρὸς* id est insultor. Fit ore ventriculi, aut pituita crassa, lenta, aut ciborum præsertim durorum copia oppresso, resupino præsertim corpore. Curatur purgatione ventriculi per hieram picram, & victu tenui ac tenuante.

Melancholiæ morbi curatio.

Antequam ad melancholiæ morbi curationem accingamur, pauca quædam monendus est lector: primum ne solus ad melancholicos adeat, nec ad hos propius accedat, & ipsorum manus, pedes, os obseruet: nam horum multi mente constare initio videntur, sed mox deprauata ratione, medicos & alios violant. Secundo loco obseruandæ sunt melancholici phantasiæ: quarum quibusdam ad curationem feruendum est, vt si quis ranas se in ventre multas habere imaginetur, concedendum est: promittasq; ranas illas te expulsurum facile, modò is tecum consenserit: cumq; hominem purgaris, deiectionibus iube ab assidentibus ranas viuas clam immitti, ostendendas mox ægro. Sic enim falsa apprehensione

sione deposita facilius curabitur. Adde quòd quibusdam est blandiendum: alij iurgandi, & verberandi, & ligandi, ne sibi aut aliis manus violentas inferant: omnisq; ferri præcipitiiq; potestas auferenda, custodibusq; robustis nunquam destituantur.

Porro melancholia, generibus remediorum quinq; sanatur initio: nam confirmata ægrè admodum sanatur Auic.

1. Vicius ratione humectante, & temperata potius, quàm calida: vt, aëre per vaporem decocti maluæ, althææ, violæ, per odores gratos, sed blandos: vt, cibus humectantibus, capis, gallinis, phasianis, hœdis, veruccibus elixis, non assis nec frixis: adiecta portulaca, lactuca & similibus: vt, somno conciliando frictionibus, fotu partium extremarum diuturno, & capitis modico, ex decocto lactuæ, foliorum salicis, se. papaueris albi, se. lactucæ, syr. papaueris post cœnam dato, fronte & temporibus vinctis oleo violato, & nymphææ, vng. populeo: clysteribus ex simili materia, per quæ si somnus non conciliatur, ad opiata transi clementia, præsertim viribus imbecillis.

2. Melancholiam apparantibus syrup. de pomis simp. & compo. de fumaria, de thymo, de epithymo cum duplo aquarum buglossi, vtriusq; intybi, scolopendriæ, fuma-

d s riç,

riæ, lupuli.

*Correctio
apud Me-
sue in sim-
pli. & a-
pud Tral-
lium.*

3 Vacuantibus melancholiam primum lenibus: vt, epithymo per se ad drach. duas, vel infuso ad vnc. dimidiam in sero lactis præsertim caprini: myrobalanis similiter sumptis. Deinde valentioribus: vt, folliculis fenne, lapide armeno, lapide cyaneo correctis, vt in compositionibus docetur: Hammech confectio, pilulis indis, pilulis de lapide cyaneo ad scriptula quatuor, cū syrupo violato vel alio humectante. Secta basilica sinistra sanguis si niger apparet, mittatur quantum videbitur: si tenuis & clarus, mox sistatur.

4 Auertentibus à cerebro & corde ad partes ignobiles, vt partium externarum fotu ex aqua calida, frictionibus, ligaturis, cucurbitulis sine scarificatu, balanis, clysteribus acribus: vt, ex lib. vna decocti thymi, epithymi, fumarie, lupuli, polypodij, fenne, cum cassie sacch. rubri ana vncia vna, olei violati vncia vna & dimidia, falis communis drach. duabus.

5 Reliquias resoluentibus sumptis: vt, diabolosato, diaborraginato, & valentioribus. Diamoscho dulci & amaro, Elect. de gemmis Mesue, Electario letificante Rasis, Elect. Conciliatoris: addito his saccharo violato: & admotis, vt epithemate cordiali.

cx

ex florum borraginis & buglossi ana Ma.
vno, been albi & rubri, ana drachmis dua-
bus, caryophyll. drach. vna simul mistis: &
balneo totius & capitis ex malua, althæa,
viola, capitibus, & intestinis veruecum: non
tamen diuturno, ne vires deiiciat.

Catarrhi curatio.

Catarrhus rectè curabitur si antè spe-
ctes an causa, & catarrhi materia ea-
dem remedia indicent ac requirant, vt si
ambo sint, vel calida, vel frigida, vel si am-
borum indicationes pugnant, ob id reme-
dia postulant contraria, vt si catarrhi ma-
teria est calida, à frigore comprimente de-
stillans: aut frigida à calore liquante. In
hoc enim complexu pugnantium indica-
tionum virgientioris maior est habenda ra-
tio, altero tamen non neglecto.

Catarrhus autem curatur sex remedio-
rum generibus.

I Victus ratione in calida materia refri-
gerante, in frigida, calfaciente. Vitenturq;
in illa auster, affectus animi inflammantes,
cibi calidi, odores vegeti: in hac septentrio,
sœpnus longior, & supino corpore. Dor-
miat autem in ventrem magis, vt catarrhus
in nares fluat: commune vtriq; ex apta cor-
poris figura remedium.

2 Materiam apparantibus, id est, tenuan-
tibus

tibus crassam, initio mitioribus, qualia sunt mel rosatum, syrup. glycyrrhizæ cum duplo aquæ saluæ, hyssopi, vel decocti pectoralis ex glycyrrhiza, vuis passis, myxis, ziziphis, & similibus compositi: sed procedente affectu valentius incidentia & tenuantia vtenda, & primò mitiora: vt syrup. de duabus radicibus. post efficaciora: vt, syrup. de hyssopo, de prassio, tandem syrup. de stœchade cum aqua saluæ, hyssopi, bethonicæ, vel potius decocto pectorali cum ficis passis, glycyrrhiza, adianto, præsertim si sputum promouere libet. Si autem materia est lenta, & glutinosa, oxymeli simplex & compositum. Nam bilis flauæ vacuatio est facilis: pituitæ verò præsertim crassæ & lentæ etiam à ventriculo, difficilis sine incisione, & deterfione: atræ bilis difficilior.

3 Purgantibus materiam, calidam quidem: vt, pilulis aureis, aggregatiuis, à dra. vna ad scriptula quatuor, electario ex succo rosarum, rosato, diapruno scammoniato, à drachmis tribus ad drach. quatuor frigidam verò: vt, pilulis cocciis, & de agarico: quæ etiam crassam materiem à pulmonibus vacuant: Electario autem indo & diapnoico ad vnciam dimidam: quæ etiam calidam materiam vacuant, vti & phlebotomia, si corpus est robustum, præcalidum, sang

Gal. libro
7. & 11.
Meth.

sanguine abundans: aut si cynanche, aut pleuritis à tali catarrho impèdet, nisi materia reuellatur per venæ sectionem: aut si se *Mesues in cap. de catarrho.* bris catarrho adest, quæ humores immodicè calfaciat: aliàs non facienda in catarrho

sanguinis vacuatio, quia cerebrum partem exanguem & frigidam, frigidiorē reddit.

4 Auertentibus: vt, frictionibus, ligaturis extremorum, cucurbitulis in natibus, & spathulis: errhinis ex aqua violarum, vel hordei, in calida materia, quæ nares dilatent, vt viam dent liberam materiæ per has effluxuræ: in frigida autem errhinis ex aqua maioranæ, succo foliorum & radicū betæ, decocto melanthij, & his fortiore succo ireos, & cyclamini: sternutamentis etiam ad nares trahentibus: sed amborum vsus non est tutus ante coctam per quietem & medicamenta materiam, & factas totius vacuationes, quòd ambo catarrhi materiam exagitant, & motu ipso coqui prohibent. Arculanus quoque cauterio in commissura coronali imposito materiam largam per vlcus semper apertum salubriter vacuat: Alij apertionem post aurem faciunt.

5 Catarrhum sistentibus & incrassantibus, quando scilicet ab eo largiore, suffocationis periculum impendet, aut ab eo acrior

acriore, & tenuiore excoariatio: aut ab vtroque tussis aspera & insomnia: alioqui sistendus non est, nec materia in cerebrum partem principem regerenda.

Sistunt autem astrictione sua bolus Armenia, spica, thus, gummi iuniperi, mastiche: nec pectori nocent precipue spica: ad hęc materiam crassant & preter hęc etiam succus glycyrrhizę, syrup. eiusdem & violarum, iulep. violatus, saccharum violatum, penidia, diatragacanthum, syrup. papaue-
ris, eclegma eiusdem, diacodium, trochisci bechici in ore retenti: cum aliorum quędam deuorentur & suffiantur: vt, thus, gummi iuniperi, mastiche: quędam gargarizentur: vt, syrupi cum aqua rosarum, oxalidis. cętera ex Mesue repete. Si autem tussis aspera cum insomnia predictis non vincitur, pilule de cynaglossa Mesue sunt dandę, quę ad omnes morbos catarrho succedentes valere ei dicuntur, quia opiate sunt: sed his non vtendum, nisi affectus curatione deplorata.

6 Affectus catarrho succedentes sanantibus, vt obstructionem ossium ethmoidum, quam decoctum lentium iuuat, & synanchen etiam impendentem gigni impedit, vt phlebotome fluentem materiam auertes.

Si autem catarrhi materia est frigida,
intemp

intemperies cerebri frigida est corrigenda, sicq; roborandum cerebrum, sacculis ex salvia : maiorana, milio, thure, sale : & lotione capitis ex vino aromatico, vel maluatICO, addendis etiam caryophyllis, pipere, zingibere : lotionem item ex lixiuio, cui plantæ capitales incoctæ fuerint, sumptis quoque Elect. diamoscho. dulci & amaro, pliris arcotico, theriaca. Si autem materia est calida, frigidis vtendum syrupis, conseruis, & admotis oleis, & vnguentis frigidis.

Ophthalmia curatio.

Ophthalmia non vera, est intemperies oculi calida, cum rubore, exiguo sine tumore, à causa externa excitari solita : vt, fumo, sole, humorum ex corporis motu agitatione, qua causa ablata, si corpus est purum, quiescere solet. Iuuatur autem multum aëre frigido, lacte mulieris puerum lactantis cum albo oui & aqua rosarum agitato : Hæc enim humores ab oculis repellunt, & horum motum sistunt.

Si à casu aut percussione initium est fluxionis, eadem adhibe : si incrementum, rosarum, & feminis fœnigræci decoctum, vt rosis repellas fluentem materiam, & fixam resolvas fœnogræco : si vigor est, fœnumgræcum solum : si robor paruus superest, quum

ouum ad duritiem coctum, & calens admotum reliquias potenter digerit: remedium etiam vulgo probatissimum, vti & pomum putre vel coctum, & calens admotum, modo non sit adstringens.

Ophthalmia vera, est phlegmone oculi tunice coherentis à sanguine, aut bile flaua proueniens: curatur autem sex remediorum generibus.

i Victus ratione refrigerante: vt, aëre frigido natura, vel industria nostra sparsis per aream aquis, & partibus plantarum refrigerantibus: & obscuro, quia lumen humores commouet, spiritusq; resoluit.

Vt, victu tenui, quo partes inanitæ auidius quod habent humorum, retineant, ne ad oculum confluant. Vinum interdicitur ad vsq; declinationem: tunc permittitur cum Hippocr. & Gale. lib. 6. Apho. 31. quando venæ oculi sanguine crasso sunt plenæ, sine totius plenitudine: & oua, carnes, reliqua sanguinem augentia. Vt, somno per quem oculus quiescit à motu & dolore, quibus fluxio trahitur: per somnum quoq; magis quieti sunt humores.

Vt fuga animi affectuum, qui humoribus inflammandis conducunt, vt cæteris refrigerando prohibentibus phlegmonem gigni, vel si coepta est, augeri.

Fluent

2. Fluentem sanguinem auertentibus, vt sectione venæ cephalicæ lateris eiusdem, nisi magna plenitudo prius venam cubiti internam, aut communem secari suadeat, horis octo aut circiter interpositis. Extrahatur autem in iuvene carnosio, sanguineo, robusto, vere, largior: vt medicamento purgante, clysteribus, partium extremarum frictionibus, fotu ex aqua calida, ligaturis dolorificis, cucurbitulis sine, vel potius cū scarificatione in spathulis & brachiis summis.

3. Repellentibus fluentem materiam admotis fronti, si fluxio fit per venas & arterias extra cranium, vt ferè fit, cum tunica hæc à pericranio producat: qualia sunt aqua rosarum, plantaginis, solani, albumē oui, oleum rosatum, acetum, cortices granatorum, balaustia & similia, cataplasmatibus modo admota, vt vias contrahant per quas fluit materia. Si autem per venas & arterias intra cranium materia fluat, nocent hæc repellentia, cūm materiam versus nervos opticos impingunt: repellimus autem gosapio, aqua lactucæ, aut potius rosata imbuto, oculis superposita, ligatura deinde laxæ & comprimentis media adhibita.

Oculo autem ipsi immittimus aquam

c rosarum

rosarum albo oui permistam : vel lac ex mamma emulgemus:collyria quoque,vel ficca,vel liquida in cote medica ex aqua rosarum , vel simili pertrita,ex corallio rubro , gummi arabico , tragacantho , pompholyge,cerussa,lotis,ne oculū morfu suo lædant.Quibus si dolor non vincitur,etiā opii,vel opiatī aliquid ad sensum tactus oculi stupefaciendum additur, aut quod repellendi simul & stupefaciendi facultate pollet:vt aqua rosarum cui incoctum sit semen papaueris albi,etiam addito oui albo immissa oculo per se,vel ex mica panis decocto imbuta.Quæ si dolorem non leniant,trochiscis albis Rasis ex aqua rosarum solutis vtendum,si dolor est vehemens nullis cedens remediis:aliàs ne vtaris,quia cum valenter stupefaciant,spiritus crassos reddūt,& facultatem visoriam infirmit,Ob id narcoticorum vsus semper Galeno fuit suspectus aph.31.libr.6.& alibi passim:præcipuè in oculo & partibus capiti vicinis frigidis natura & etiam morbo.

4 Materiam crassam apparantibus in cacochymia,syrupis granatorum,oxalidis,acetato simplici,rosato,de ribes cum aqua rosarum,oxalidis,plantaginis.

5 Euacuantibus materiam , vt myrobalanis citreis, pilulis aureis,aggregatiuis,& electa

electario rosato de succo rosarum. Secta etiam vena cephalica lateris dolentis ad partem cubiti externam, non autem secto cum quibusdam ramo venæ cōmunis inter indicē & pollicē, nisi longius vis auertere.

6 Reliquias materiæ ex oculo vacuantibus: vt decocto seminis fœnigreci, vel meliloti, ex spongia, vel linteo molli oculis admoto.

Balneum quoq; in declinatione salubre cū humores sunt acres, authore Galeno: In principio autem noxium, quia materiā liquat, & meatus dilatat, fluxionemq; hac ratione geminat. Vinum autem quale, & quantum, & quando, & qua ophthalmiæ differentia sit salubre: vt, balneum, fomentum, venæ sectio, purgatio pulchrè Gal. distinguitur Aph. 31. libro 6. & alibi passim. aloës drach. vna, aquæ fœniculi vncia vna, si soluatur, & oculo applicetur, ipsum roborat, reliquias ficit & absomit: sarcocola quoq; aqua rosarum, vel potius lacte muliebri soluta, & oculo immissa coquit materias, & digerit: ouum quoque coquendo duratum, vt calet, oculo impositum: trochiscus etiam seu puluis citrinus.

Visionis imbecillæ curatio.

Visionis imbecillæ causa, vel oculo est propria in ipsoq; existit, vel à partibus sub

Lib. 6.

Aph. 31.

c 2 bus sub

bus subiectis communicatur, in hacq; curanda scopi sunt duo seruandi: prior est partis, vel totius affectus imbecillam visionem faciens, sanandus: vt si ventriculus cōsensu laboret, est illi antè prospiciendum deiectionis potius quàm vomitoriis si purgatione opus est. Si corpus atrophiam defectum imbecillam visionem facit, vt in hecticis, nutritione instaurandum: vt ex sanguine bono auctiore, largior fiat spiritus animalis & visorius. Alter scopus est oculi curatio per cōtraria causæ, vt si est siccior, is cum capite humectetur lacte, lacte ebutyrato, decocto maluæ, althææ, vel capitis, pedum intestinorum veruecis, idq; longo tempore: quia intemperies sicca vix etiam diuturnis auxiliis emendatur. Si ab alio oculi partium vitio est visio imbecilla, id sanandum est.

*Libro 7.
mecho.*

*Vitia par-
tium oculi
curare do-*

*cet Pau-
lus lib. 3.*

Si vitium est oculo proprium, & ab humore largiore, quinque remediorum generibus curatur.

I. Victus ratione tenui & ficcante: vt, aëre natura partis anni, & ventorum sicco, aut industria per ignem luculentum, per suffitus aromatum, vt caryophyllorum, foliorum siccorum rorisinarini, maioranæ, lauri. Vt proba cibi & potus parci coctione in ventriculo: quæ fiet, si donec, cibus prior perco

percoctus descenderit, nouus non iniiciatur. Defendisse coniciēs ex coctricis robore & alimento pauco, tenero, grato, concisso, contuso, præmanso, coctu facili: nō descendisse, ex contrariis: adhæc ructibus, grauitate ventriculi, aut morfu, aut tumore. Ex crudo enim alimento vapor crudus in caput elatus oculo nocet, multo magis ex cruditate nidorulenta acer vapor.

Si ciborum natura variorum vsum pastu eodem vitabis, nisi coctu faciles primos, difficiliōres secundos sumas, vt illi simulatq; cocti erunt viam aliis parent iam coqui in superiore ventriculo cœptis, in fundo percoquendis: qui si priores sumantur, cū tempus longum ad coctionem sui postulent, exitu per pylōrum prohibent alios coctu faciles in superiore ventriculo iam diu percoctos & putrescentes: ex hisq; vapor multus, & natura varius in caput effertur.

Si ante expletam famem, cibo & potu abstineas, quia victus tenuis, vt inedia, per accidens vacuat & siccatur.

Si post pastus ea sumas quæ vapores in caput efferri prohibent: vt, panem tostum, coriandrum tostum, vel conditum, cydoniatum, trypheram ob myrobalanos, vel quæ oculum roborant, vt fœniculum: id

e 3 quod

Huius no
te libr. i.
alimento-
rum.

quod serpentum & bufonum nos exemplū
docuit. Oculorum enim aciem ex mora
hyberna in cauernis imbecillam affricu
foeniculi recreant. Rapæ etiam tota sua
substantia visionem iuuare creduntur: &
viperarum, vt opus est, paratarum caro:
Vide pa- sed aqua cui incoquantur, sæpe abiecta, si
stillorum edatur: quomodo elephantice curandis
theriaco- est edenda: quanquam in his aqua non sit
rum para mutanda, & possint gallinæ his carnibus
tionem in prius nutritæ donec deplumentur, edi ab
theriaca elephantice, vt post Matthæum Gradi fe-
cōpositio- cisse se Gattinaria confirmat.
ne libr. 2. Si denique somnus nec sit diurnus, nec
ad Glau. diuturnus: si quoque aluus quotidie per
& lib. 11. se, aut à medico adiuta descendat ne teter
simpl. vapor à stercore in cerebrum elatus, ani-
malem spiritum vitiet. Omitto quæ sum-
pta aut admota coctionem iuuant, vt gra-
Libro 5. na piperis, mastiches, iuniperi integra ali-
simpl. ca- quot inter epulas aut post eas sumpta, ca-
pit. 5. tellus, aut venter puelli non facile sudan-
Causas tis foris applicatus, aut palma manus, aut
etiā alias simile aliquid.
coctionis Si labor etiam corporis, aut animi nul-
imbecilla lus accedat, sed tantum mollis quædam
lege in deambulatio, qua cibus in fundum ventri-
causis culi tantum descendat: potus etiā largior,
symp. quia fluctuationem facit, coctionem im-
pedit.

pedit.

Esu multo lentis, visionem ab humiditate larga imbecillam iuuari scribit Gal. lib. 1. aliment.

2 Materiam apparantibus: melle rosato initio, oxymelite simplici, deinde syrup. fœchados cum aqua hyssopi, saluæ & simili bus antè iam sæpe repetitis.

3 Materiam eandem vacuantibus, primum pilulis elephāginis cum agarico trochiscato: vel mastichinis cum eodem, vel de hiera simplici aut composita, vel pilulis lucis Mesuæ: vel pilulis sine quibus, etiam si calida sit materia: postremo cum materia radicitus est vacanda, cocciis, vel fœtidis à diachma vna ad scriptula quatuor.

4 Auertentibus ad partes infernas, aut posticas, vt capitis reuerſi pexu multo occipitium versus: vt, clysteribus, balanis, ligaturis, frictionibus, fomento extremorum ex decocto capitali, apophlegmatismis, errhinis, cauterio post aures, vel in commissura coronali, cuius vlcus apertum diu tenendum est: vel in collo setone (quem vocant) infixo. Cutem autem colli forcipe apprehendimus donec sensus tactus abeat: postea acu filum aliquod crassum habente perforamus, vt in vulnere ablata acu

c 4 filum

filum maneat, quod vlcus diu apertum feruet, ac per id materiæ multæ vacuationem moliatur. Diuitibus autem quidam fili loco ablata acu anulum aureum æqualem apertum immittunt, postea ne excidat, eius extrema adducunt, & identidem quotidie dimouent, vt dolore & attritu materiam trahat & vacuet multam, mane & vespere quotidie terendo.

§ Roborantibus partem, reliquias materiæ tergentibus & resoluentibus: sumptis quidem, vt nuce moschata (qua vna in dies manè sumpta, visionem recuperat Mesues) myrobalanis cepulis conditis duabus bis, aut ter in hebdomada sumptis ad roborandum, pliris arcotico, acoro vero condito, diacoro ad cochlear vnum, seu drachmas duas, mane & vespere hora somnij, mithridatio, diamoscho dulci & amaro: ad motis autem oculo, vt emplastro Mesuæ succo & aqua fœniculi, collyrio Mesuæ ex succo fœniculo in vase æneo per residentiam purgato, qui cum saccharo & melle & foliis auri ætate insoletur, sæpe & leniter transfundendo excrementosum subsidens abiiciatur: vt, aqua Arculani destillata capitello ex fœniculo, verbena, rosis, chelidonio, ruta.

Vt, collyrio Gentilis in consiliis, ex pompho

pholyge vero & stibio lotis: quod cum aqua fœniculi mirè siccat oculo immissum.

Vt Gerardi de Solo puluere ex pica vsta cum aqua fœniculi.

Vt Serapionis liquore torrendo cadente ex hepate vrsi prius in frusta dissecto, & interposito inter hæc pipere longo.

Vt felle gallinæ, perdicis, piscium plurimorum. Animalium autem rapacium, & aliorum natura calidorum: vt, leonis, canis fel acrius: suis autem, veruecis, agni clementius: piscium fel est clementissimum, reptilium verò & aliorum venenosorum: felle nemo vnquam tutò vtatur. Felle autem quouis in oculum instillato adsit medicus: vt si rodendo dolet, obtundat aqua rosarum affusa oculo: vel oui albo, vel lacte: aut pannum lineum horum aliquo mersum applicet. Vsus autem emplastrorum in oculo parum tutus est, nisi sint moderata: & frequenter eximendo, ipsorum opus explores.

Suffusionis curatio.

HYPochymia, id est, suffusio, & affectus *Catara-*
 In quo visa suffusorum visis similia ap- *ta vulgò.*
 parent, remediis egent similibus genere, sed illud valentioribus.

Vterq; hic affectus proprio oculi vitio contingit, aut per consensum eius cum cerebro, aut ventriculo, aut parte alia: tunc

c s parti

parti primariò affectæ prospiciendum, vt pituita ex ventriculo, apparatus est purganda, si ea vapore suo visioni officit: si bilis in ventriculo visa vapore excitat, ea mox vomatur, si æstas est, ac æger facillè vomit, nec pulmonicus est: alioqui deicienda potius est cholag^ogis: deinde oculo prospiciendū, quibus dicemus remediis. Si autem suffusio iam adest, eaq; iam absoluta: acu puncto ad angulum paruum oculo deturbetur, modo nec liquidior sit, nec tenacius oculi tunicis adhæreat, sed mediocri sit cōsistentia, quam oculo aliquandiu compresso, facillè obseruabis. Si verò nondum absoluta sit, quinque his remediorum generibus curatur.

1 Victus ratione calida sicca (quia materia eius est vaporosa vel aquosa) vt aëre æstiuo, qualem arte, & igni, & suffitibus moliri oportet, si desit. Vt, victu tenui & tenuitate: quin & ieiunium atq; abstinentia plurimum est huic chronico affectui salubris, vel Auicennæ testimonio: quòd si die semel comedisse his non sufficit, saltem leuius cœnent. Vino & iusculis abstineant: in aliis quoq; sumendis, adinouendis, faciendis, educendis, calida sicca sunt deligenda.

2 Aquosam materiam coquentibus, vt melle rosato: & si lentor aliquis adest, oxymelite

melite simplici, syrup. stœchados, cum duplo aquarum fœniculi, maioranæ, ad dies nouem, aut circiter: quin & sacculus lineus puluere maioranæ plenus, oculo & naribus admotus multum iuuat hunc affectû Auicennæ, & practicis aliis.

3 Aquosam hanc materiam vacuantibus pilulis lucis vtrisque in id efficacibus, & cocciis à drachma vna, ad scriptula quatuor, agarico trochiscato, pilulis de agarico: pilulæ etiam tres mastichinæ, vel elephanginæ, vel de hiera, vel asseieret dormitum ituris sumendæ, sunt salubres: neque munia consueta, postridie impediunt, vt prædictæ.

Toties autem vacuanda est materia hæc, *Auic.* donec in totum curatus sit affectus, nō solum semel, bis, ter, quater.

Phlebotome autem rarò facienda, ne *Auic.* per hanc cerebrū refrigeratum, aquas largius cumulet, ac in oculum transfundat. *Gentilis.*

4 Auerrentibus præter dictas vacuationes: acribus clysteribus & balanis, frictionibus, & fotibus per aquam calētem partium extremarum, & harum ligaturis dolorificis: phœnigmo quoque & cauterio in coronali, aut prope aures, aut setone, quem vocant, ceruicibus affixo è regione oculi affecti, & cucurbitulis, primū leuibus, deinde

deinde cum scarificatu: manus sæpe & diu clausas si tenebis in lecto, vel alibi, vt largius sudent, & sudorem crebrò terferis, omnia capitis & thoracis vitia materialia multum iuuat.

§ Materiæ reliquias dissoluētibus, & dissipantibus, partim sumptis hora somni, vt cum cibi vapore vis eorum in cerebrum, & oculos rapiatur: vt, drachmis duabus confectionis humain laudatæ à Mesue capite de visus imbecillitate: partim admotis: corpore tamen toto atque adeò capite ipso exquisitè vacuato. Nam hæc in oculum vapores novos, & aquas largiores, qua vi digerunt, etiam traherent. Admouentur autem primò clementiora (quo ipse oculus sensu tactus exacto præditus, paulatim etiam valentioribus remediis assuescat) vt, fœniculi, rutæ aqua, vel succus per residentiã purgatus: aqua ex melle destillata: Hæc enim mirè terget albuginem ac maculas oculi, & faciei. Idem præstat puluis sacchari candi à multis probatus. Sagapenum quoque ad hypochyses resoluendas admotum, efficacissimum docet Auic. cap. de sagapeno: quod verum probabis ipsum dissoluens vino granatorum, vel aqua rosarum, fœniculi, mellis destillati, & lacte, & albo oui cum saccharo cando, vt oculus sagapeno soli
 paula

paulatim affuescat. Idem præstat Auicennæ pulvis capitem hirundinū: easdem siccatur vrina pueri nondū polluti cum pauco sceniculo destillata, vt seruari diutius incorrupta possit, nec oleat grauiter. Balsamum quoque ob eius penuriam vsu rarū, eas etiam siccatur, & oculum sanitati pristinæ restituit.

Ossis sepiæ pulvis oculo immissus, aquas illas terget. Quibus si non cedit malum, valentiora sunt tentanda: vt, fella primum mitiora, qualia piscium, suum, agnorum, gallinarum, perdicis: deinde etiam acriora: vt, auium prædacearum, accipitris, aquilæ, falconis, & item viperæ & aliorum reptilium: sed hæc venenosa cum sint, suspecta mihi omnino sunt, nec vtenda censeo: etiam si tunc aquam sæpe mutatam, & cum theriaca, vel alio alexipharmaco ore contineas, ne in ventriculum aut pulmones, id venenum per magni canthi & palati foramen penetret: præsertim cum valentia satis fel tauri, fel bouis, fel apri, nobis ad manum sint.

*Hæmorrhagie è naribus
curatio.*

*Omnis hæ-
morrhagie cura-*

Sanguinis per nares profluuium criticū non sistendum, nisi copia vires immodicè prosteruat: non criticum autem sistitur

*gio. lib. 5.
metho.*

quat

quatuor remediorum generibus.

1 Victus ratione refrigerante, & astringente vias per quas fertur sanguis: vt, aëre in id parato per acetum & aquam rosarū, folia vitis, rubi, salicis, nymphææ, violarū. Vt cibus ex omphacio, vino granatorum, aranciorum, limonum paratis & sumptis: & his glutinosis, quales sunt, pedes & capita vituli, veruecis, & aliorum animalium: caseus recens, pinguis, opus pistorium, præsertim vbi sanguis est biliosus, & tenuis. Oua item præsertim dura, quia sanguine paucum & crassum gignunt, præsertim parte alba: sorbilia autem & tremula largiorē & liquidiorē, præcipuē vitellis: ob hæc illis vt carnibus, hac præsentē causa abstine: aqua item chalybata sanguinem astringit mista potui, & coctis in hac obsoniis: vt denique ipsa corporis & animi quiete, quod vtriusque motus humores exagitat, ad fluē dumque concitat.

2 Auertentibus, in quibus spes curationi præcipua versatur: vt, brachiorum & crurum ligaturis dolorificis, frictionibus, fotibus ex aqua calēte, cucurbitulis hypochondrio è regione nāris sanguine fluentis appositis, & inter scapulis sine scarificatione: vel, si opus est, cum ipsa: vt phlebotome in id efficacissima ad floris impetum in contraria

ria reuocandum: secetur autem vena basili-
ca, aut cephalica, aut communis lateris
eiusdem. Timorem quoque incussisse
confert, cyathis aquæ frigidæ duobus,
tribus, interuallo iniectis in faciem ægri
incogitantis, vel alia ratione. per eum
enim calor cum sanguine & spiritu ad
cor reuocatur. sed vide ne sit epilepsiæ
obnoxius, vel viribus omnibus prostra-
tis.

3 Sanguinem sistentibus & cohibenti-
bus sumptis vel admotis, nunc frigidis tan-
tùm sanguinem velut glaciantibus, & ob-
id ad fluendum ineptiorem reddentibus,
viasque densantibus, & cōtrahentibus, per
quas sanguis fluit: vt, lactuca, portulaca, &
alimentis aliis refrigerantibus: adhæc man-
næ vncia vna, vel fescuncia, syrupi rosati,
oxalidis, cydoniorum, granatorum, præfer-
tim vbi tenuior sanguis: vel si is etiam in-
flammatuſ est, syrupi omphacij, limonum,
acidæ partis citri, cum duplo aquarum plā-
taginis, rosarum, oxalidis, solani, &
cum scriptulis duobus, aut drachma vna
trochiscorum terræ lemnix sigillatæ, vel
trochiscorum electri: quæ etiam in na-
res immitti possunt tusa, & fronti appli-
cari: & præter hæc, si necessitas vrget,
hyoscyamo, opio, & opiatis recentibus:

sed

sed à mitioribus incipiendum : & impensè
frigida capiti frigida parti sed principi ne
adhibe, quia sanguinem & spiritum ani-
malem glaciant ac extinguunt. Nunc etiam
astringentibus, vt lanugine salicis, & vasa, si
ue oribus hiantia, siue tunicis rariora, siue
rupta, vel incisa, vel erosa vnientibus, & cō-
trahentibus: vt, rosas, balaustiis, gallis, mali-
coro, rhu : nunc emplasticis & meatus ob-
struētibus: vt, farina moletrinarum tenuis-
sima, aloë, oui albo, caseo, gypso, muccagi-
nibus. Nunc escharoticis, quæ vrendo es-
charam gignunt, quæ crusta hiatui vaso-
rum est opericuli vice: vt, calce viua, facce
vini vsta, sed potius chalciti & chalcanto,
& similiter astringentibus, simul & vrenti-
bus, vt ab his eschara valentius hæreat, quæ
ab aliis effecta promptè cadit, & aucto hia-
tu hæmorrhagiam maiorem, & periculoso-
rem reuocat Gal. libro 5. metho. Nunc his
quæ sanguinem sistunt tota sua substantia,
seu proprietate occulta, & nobis ignota an-
te experientiam: vt, succo basilici, porri, vr-
ticæ, vel tritis ipsorum foliis in nares im-
missis (misto tamen his impensè calidis re-
frigerante aliquo, vt caphura) stercore aſi-
ni recente in nares cum bonibace immisso,
vel ipsius siccati puluere in nares per cala-
mum efflato: puluere item sanguinis colū-
bæ,

bæ, vel limacum simul cum testa afflatorū,
similiter efflato, aut cū oui albo subacto:
cerebellis gallinarum, iaspide.

Nunc stupe facientibus (vbi scilicet fa-
cultate prædictorum omnium victa, salus
deplorata est) quæ sanguinem glaciant, vt
athanasia recente, Philonis antidato à dra-
chma dimidia ad drachmam vnā. Hæc
quoque somnum conciliant, & hoc etiam
modo fluorem sedant. Refrigerantia au-
tem & astringentia non solum sumenda,
aut naribus sanguine fluentibus immitten-
da: sed fronti quoq; & vertici capitis, & col-
lo, & inter scapulis, & lumbis, & testibus, &
hypochondrio narem fluentem respicien-
ti, applicanda; ex bombace aut linamentis
in hæc mersis, & modicè expressis. Adhæc
vertici ex alto torrentis modo hæc illidi,
vel incidere est multo efficacius, vti & aquā
ē stillicidio in verticem illabi. Galenus au-
tē ad hæmorrhagiam etiam arteriæ, aloën,
& thus cum oui albo subigit, & pilis leporū
mollissimis excipit. Sunt qui per bolum ar-
meniam, & sanguinem draconis, & oui al-
bumina, idem præstant: nec vereare aloën:
foris enim admota glutinat, licet sumpta
venarū ora aperiat Mesuæ: cū nihil sum-
ptum & foris admotū vires habeat. eadē, Gal. li. 3.
vt in Mesue probavi. Quæ autē vi sangui-

f nem

nem sistat papyrus gestata, cui ex sanguine ipso fluente inscriptum sit, consummarum, est, Theologis relinquo: & item bursa pastoris collo appensa, sed quæ genibus flexis antè sit collecta, cum oratione dominica, & salutatione angelica ter dicta, & oratione adiecta, Concede deus cum tuo pretioso sanguine, &c. apud Nicolaum Florentinum.

3. Causam hæmorrhagiæ auferentibus: ut, medicamentis cholagogis, si biliosus & acer & mordax is fuerit: vel glutinantibus remediis, si vas apertum est: & cæteris, quæ abundè docet Gal. lib. 5. meth.

Cynanches curatio.

Cynanche nondum absoluta, si resoluenda est, sex remedium generibus curatur, hisque statim initio potentissimis: quia morbus acutiss. ut Aph. 4. & 24. lib. 1. & Aph. 10. lib. 4.

1. Victus ratione phlegmonem augeri prohibente: hoc est, tenui & refrigerante: ut, aëre frigido: ut, unius diei vel bidui inedia, si vires ferre poterunt: vel saltem solo cremore ptissanæ, vel amylo aqua hordei soluto: in potu autem aquæ aqua hordei, iulepo rosato, vino granatorum, vel similibus liquidis, & deglutiri facilibus. Vini autem & ouorū & carniū abstinentia, quòd hæc

hæc sanguinem augent & calfaciunt, præsertim vinum & ouorum vitelli.

Archig.

2 Auertentibus sanguinis ad laryngem fluentis impetum, ob id phlegmonē ipsam augeri prohibentibus, vt phlebotome ad leuopothymiam, si vires valent, & corpus plenum est: alioqui eam partiri est satius. Secatur autem Galeno primum cephalica: sanguinis deinde vbi fluxio constitit, ea quæ sub lingua est: Arabibus verò, si plenitudo magna subest, vena malleoli prima inciditur, post hanc interna, vel communis: deinde cephalica: qui ordo, vt parum efficax, sic admodum ægro molestus fuerit. Auertimus etiā purgatione, si à sanguine synceriore nō sit, sed aliis humoribus largis misto: vt, succo fructum, cū Rasi (valentibus enim medicamentis purgantibus humores agitare prudenter metuit Auice. præsertim principio, ne ad locū affectum largius fluant) vel purorum, tamar indorum ana fescuncia cōsta, in vnc. octo aquæ, ad tertiæ partis consumptionem, expresso scilicet huic adiecta manna bonæ fescuncia. Auertimus etiam clysteribus, sed ob febrim acutam clementioribus: quæ si mitior est, vt in cynanche pituitosa, & externa etiam, valentioribus. Reuellunt etiam cucurbitulae spatulis affixæ, & brachiis prius iniis, deinde

nes apud

Aëtii fa-

cta medio-

cri sectioe,

partitam

sanguinis

vacuatio-

nem facit:

dānat fa-

cta ad les-

po: hymia

vt per quā

in hoc affe

ctu prom

ptam, flua

aro in pul

mones

ruat, &

periculū

maius mā

netur.

f

2

inde

inde summis, si plenitudo maior adest: frictiones item valenter comprimentes manuum condylos, & earundem & pedum fortis ex aqua calente:

3 Materiam ad musculos laryngis, in quibus fit cynanche, fluentem repellentibus, & augeri cynanchen ob id prohibentibus, frigidis, & astringentibus leuiter gargarizatis, aut potius donec incaluerint, relictis in vltimis faucibus, quæ partem roborent, & vias contrahant, per quas affluit materia: vt, plantaginis, solani, lactucæ, oxalidis, rosarum, nucum viridium, mororum, granatorum, succo potius quam aqua ex his destillata, vel syrup. granatorum, rosato, oxalidis, omphacij, vel omphacio ipso: diacaryo, diamoro simplici, diacodio, aceto præsertim cum aqua simplici vel rosata: & *Gal. li. 6.* his omnibus actu frigidis. Foris autem repellentia ne adhibe, quia materiam intro *cap. ph. p.* ad partem inflammata[m] protruderent, sed post principium clementer digerentia: vt, oleum chamæmeli, amygdal. dulcium: quando etiam gargarismatis repellentibus aliquid miscetur detergens, vt cæteris internarum partium phlegmonis: vt quæ ab his sanies tenuis resudat, targeatur.

4 Materiam apparantibus, frigidam, vt melle rosato, oxymelite simplici, syrup. oxalidis,

Idis, cum aqua absinthij, quæ repellit, digerit, & terget sine manifesto calore: biliosam verò, vt quæ ferè turgent statim vacuare licet.

5 Materiam vacuantibus: vt, sectione venæ, primùm cephalicæ dextræ, nisi sinistra parte laryngis, angina magis sæuiat: deinde vbi fluxio constitit, eius quæ sub lingua est, quam si priorem secueris, ad partem affectam tracta materia phlegmonem augebis: quanquam rustici quidam parùm excrementosi, eam sæpe solam serant, sed vix vnquam initio, cùm tardi sint ad remediorum vsum. Secunda autem omnino in angina sic vena est, etiã si corpus atque adeò caput purum tibi videatur. Vt purgantibus materiã calidam: vt, pilulis aureis, vel polychrestis, vel electario de succo rosarum, vel myrobalanis, aut ipsarum infuso: frigidam verò pilulis de agarico, & aliis prius dictis in pituitosis capitis affectibus.

6 Materiam laryngi impactam coquentibus & dissipantibus: partim gargarismatis ex decocto vuarum passarum, ficuum passerarũ, dactylorũ, chamæmeli, fœnigræci, croci: addito etiam melle rosato, vel diamoro composito: nam simplex principio conuenit, vt lac incremento: partim admotis:

f 3 vt,

vt, oleo chamæmeli, liliorum, amygdalarum dulcium per se, aut cum farina se. fœnigræci, lini, vel cum nido hirundinum, si vis, prius cocto ex vino albo: is enim tota substantia hunc affectum iuuat, vt puluis ipsarum hirundinum, cum Auic. paratarum, & stercus humanum, & caninum ex Gal. libr. ossibus album: vtrunq; Gattinaria cum 10. simpl. melle bono in fauces quôq; efflat, & filum laneum purpura tinctum, & quo postea vipera est strangulata, collo cynanchici circumdatum: filum quoq; multum cum cineribus, aut lixiuio coctum, & collo, vt calet, circumdatum. Hęc autem omnia sunt vten-
da, vbi fluxio constitit, in statu scilicet ipso, & præcipuè in declinatione, non principio, vel incremento inflammationis.

Li. de in- Si autem cynanche resolui nequeat (que
e. qual. in- tamen curandi ratio est optatior) suppu-
temp. rantibus est coquenda: amplastro ex farina se. lini, & fœnigræci: deinde abscessus est rumpendus, manso & deglutito duriore crusto panis, vel immisso altius digito, vel, si cerni potest, scalpello: tuncq; inclinato capite, ne in pulmones ruat pus, effluere permittendum est. vlcus melle rosato, & aqua hordei tergendum: postremò glutinandum bolo armenia, sanguine draconis, & thure.

Tussis

Tussis curatio.

TVssis tot modis curatur, quot causas habet varias: si enim fit à causa externa, ea prius ablata, dispositio partibus respiratoriis ab ea causa impressa, est abigenda: Si verò fit per consensum partium spiritalium cum aliis primariò affectis, præsertim quæ ab illis motis mouentur, vt ventriculo, hepate, liene, & si gurgulio, aut caput destillet: primùm his est succurrendum: deinde si qua dispositio partibus respiratoriis inhæsit, tollenda: si à pleuritide est, aut peripneumonia, per harum phlegmonarum curationem post dicendam prospicitur: vt si à pure collecto in thorace, aut pulmone est tussis: curationem eius in empiemate audies: si à rupta in pulmone vena, in sputo sanguinis: si à catarrho, is tibi ante est curandus, vt dixi. Si autem tussis est ob alium proprium partium spiritalium affectum, id est, intemperies calida, frigida, humida, sicca vel sola, vel cum materia: omnis per contrarium corrigenda. Si enim frigida sola, calidis sumptis, & admotis: vt, diamoscho dulci, amaro, & aliis calidis, ouo forbili, & vino, reliquaq; victus ratione calida: quæ si imbecilla est, etiam anhelitus cohibitio sanat: pulmone, per

Paulus.

retentam expirandam materiam fuliginosam calfacto, & spiritu cohibito in omnes arctos meatus penetrante. libr. 5. sympt. Similiter intemperies calida frigidis, humida siccis, sicca humidis curatur.

Si autem tussis ab intemperie cum materia calida frigida excitatur (id quod frequentius accidit, & ob id à Rasi tractatur) sex remediorum generibus curatur.

1. Victus ratione calida, si materia est frigida: frigida, si calida, ut in catarrho diximus,

2. Materiam fluere paratam apparantibus, crassam quidem tenuantibus, & lēram incidentibus, & tergentibus: calidam verò & tenuem frigidis, crassantibus, sed lenientibus vias, non autem materiam pulmoni affigentibus, & inculcantibus: ut syrupis pectoralibus, violato & zizyphorum. si tamē humor calidus acer insomniam parit, ut sæpe fit, hora somni capiat syrup. papaue-
ris vnc. vnam, syrup. violati, aut zizyphorū vnc. dimidiam cum duplo aquæ violarum, vel decocti hordei, vel prunorum, tamarindorum, myxorum, zizyphorum se. fri. cōmunium, vel bibat tunc aquæ frigida per se, aut saccharata, vel decocti hordei vncias quatuor, quinque, sex: hæc enim omnia materiam calidam aut frigidā tenuem, crassant.

erassant. Si verò frigida est materia & crassa, dabis syrup. glycyrrhizæ, mel rosatū etiā terforium: syrupum hyssopi terforium magis, & syrup. marrubii, maxime horum omnium tergentem cum duplo aquarum scabiosæ, hyssopi, prassii, fœniculi, adiantorū, vel decocti horum simplicium & glycyrrhiza, dactylorum: quod etiam per se (dulce enim est) mane calens dari potest.

3 Purgantibus materiam: calidam quidem, cassia, manna, electario rosato Mesuæ, E. de succo rosarum, diapruno scammoniato, pilulis aureis, vel polychrestis à drachma vna ad script. quatuor: sed scammoniata & similiter valentia vitabis aëre, & ægri natura calidiore. frigidam verò pilulis cocciis, de agarico: quibus sumptis nocte, domi postridie manendum est: nō item si hora somni mastichinas, elephanginas, ex agarico trochiscato, ex hiera simplici aut composita sumpseris. Cū autē ægrè hæc purgatoria à pulmonibus vacuent, Auic. & Rasis in hoc affectu purgationibus abstinēt, ob distātiā pulmonis, & asperarum arteriarum ab intestinis, & negatam viarū communitatem: purgando autem à capite fluxuram materiam commodant.

4 Auertentibus prædictis purgantibus, & errhinis, & cæteris eiusdem classis reme-

f 5 diis,

diis, prius saepe declaratis.

5 Materiam pulmonibus conceptam, expui facilem reddentibus (in quo studio curationis pars est præcipua) calidam quidem & tenuem pulmonibus immerfam crassantibus, ut efflatione expellatur, non autem tussim ob tenuitatem eludat, nec dissiliat: talia sunt eclegmata quædam lenta: ut, de papauere, & diacodion, saccharum violatum, iulep, & syrupus violatus, traganthum. E. diatragacanthi, decoctum hordei saccharatum: quæ cochleari sumpta in fauces, paulatim diglutiuntur, ut portio

Gal. libr. 10. eius quædam in asperam arteriam deer-
vsus par- ret, uti nobis edentibus & bibentibus cibi
etum. & potus portio tenuior eodem transfer-

tur: vel potius inspiratu violento in asperas arterias trahantur, & aliquanto post tussi reiiciantur: foris autem thorax oleo violato inungendus: si autem frigida est materia, sumat eclegma sanum & expertum, vel ex pulmone vulpis scriptum à Me sue in curatione phthisis, mirum in pulmone roborando: syrupum glycyrrhizæ: sumat autem saepe, ut prius cochleario per se, vel cum decocto vuarum passarum, ficuum, glycyrrhizæ, & aliorum pulmonariorum: sumat item penidia E. diairis Nicolai ad ciceris magnitudinem: Foris autem

tem illinat oleum amygdalarum dulcium per se, aut etiam cum butyro recenti non falso, & croco pauco, vel etiam oleo, & mucagine se.lini, fœnigræci, maluæ, althææ.

6 Materiam reliquam digerentibus, vt trochiscis, & suffitibus Rasis à Matthæo Gradi expertis.

Asthmatis curatio.

Asthma, id est, anhelatio à pituita crassa tracheas arterias obstruente (Nam quæ à sanguine fit angustia, & inde spirandi difficultas, in sputo sanguinis: quæ à peripneumonia in capite de ipsa: quæ ab ulcere pulmonis in capite de phthysi: quæ à luxatis intro spinæ spondylis, capite de gibbositate dicetur) curatur sex remediorum generibus.

1 Victus ratione calida sicca: vt aëre: vt cibo, carnibus scilicet tostis vel assis, non pinguibus neq; neruosis: vt, potu in pastu quidem parco, post pastus autem nullo, etiam si vehementer sititur ob cordis calorem minus quàm exigit, refrigeratum. Potus enim tunc ventriculo distenso diaphragma premit, & respirandi auget difficultatem: potest tamen bibere vbi cibus prior ventriculum iam egressus est. potest verò etiam prius os potu lauare, & gargarizare,

zare, & liquoris sputum promouentis aliquid in asperas arterias inspiratu trahere.

2 Materiam in cerebro, pulmone, vel partibus aliis transmittentibus collectam apparantibus, calfacientibus, humectantibus, incidentibus, tenuantibus, tergentibus. Ne vero calidis multum initio vtere, quia tenui resoluta crassum expuitioni ineptum relinquunt. ne etiam in hoc affectu chronico iisdem continenter vtere: quia quibus remediis natura assuescit, ea contemnit, quod ab assuetis non fiat passio. Adhuc quamuis hec medicamenta qualitatibus manifestis conueniant: diuersam tamen habent proprietatem occultam, qua hec illis corporibus, illa aliis magis conueniant & conferant.

*Galen. in
simp. pas-
sim.*

Sunt enim medicamentis cum corporibus totius substantiæ proprietates, & familiares & repugnantes; quæ sola experientia noscuntur. Conueniunt igitur syrupi glycyrrhizæ, hyssopi, prassij, & his valentiores, de duabus, & de quinque radicibus: oxymeli item simplex, compositum, & valentius scilicet cum duplo aquarum hyssopi, fœniculi, vel decocti radicis helenij, vuarum passiarum, dactylorum, adiantorum & cæterorum thoracicum.

3 Materiam si multa est, purgantibus (si enim tam pauca est, ut per sputa excerni possit,

possit, purgatione non opus est) vt, agarico trochiscato, pilulis ex agarico Mesuæ (is enim cerebrum, thoracē, pulmones, tacito cōsensu mirè purgat) pilulis cocciis pituitā à cerebro vacuātibus per se à drachma vna ad script. quatuor, vel ipsarum, & pilularum ex agarico, aut agarici trochiscati ana script. duobus, vel ℥. indo ad semunciam, vel expresso drach. duarum agarici, cum salis gemmæ, & zingiberis ana scriptulo vno, decem horis infusarum in aquæ hyssopi, & scabiosæ quantitate sufficienti, addendo ℥. indi drachmas duas, syrupi glycyrrhizæ vnciam vnam. Vt tamen à pulmonibus tandem attrahant purgatoria, in pilulis sunt efficaciora, vt quæ mora in ventriculo longa à remotis partibus attrahunt. Conueniunt & asthmati à catarrho pilulæ aromaticæ, de hiera simplici, vel composita, cum agarico semper, vt omnium simul dentur scriptula quatuor, quarto aut sexto quoque die, hora somni. Potest etiam elleborus & colocyntis, aut potius hiera diacolocynthidos his tandem exhiberi, parata multum materia, vt facilius vacuetur. Sæpe autem repetenda purgatio est ob morbi longitudinem, modò ne purges dum velut in pulmone feruet, & exundat sursum materia per quosdam pa-

roxy

roxysmos, & sæpe certis periodis repentes.

Accessionis enim tempore medicamento purgante materiam non agitabis, ne largius in pulmones fluat, & suffocet, sed blandè sputū tunc prouocabis, aut per cucurbitulas, paulò suprà renum situm affixas, & recto corpore reuelles materiam ad arteriæ asperæ truncum, confestim ruentem, & suffocationis periculum afferentem.

4 Auertentibus remediis: vt, errhinis, apoplegmatismis, causticis, & cæteris antè in catarrho & tussi descriptis.

5 Sputa promoventibus, hoc est, thoracem roborantibus, arterias asperas dilatantibus, & incidentibus: hisq; vel simplicibus: vt, glycyrrhiza, uis passis, ficis siccis, mixis, zizyphis, adiantis, hyssopo, scabiosa, rad. helenij, aristolochiæ rotundæ, foliis & femine vrticæ, & cæteris dulcibus, nitrosis, salis, amaris, acris: vel compositis ex his, & similibus syrupis, electariis, eclegmatis: quale ex brasica & ex pulmone vulpis factum, ab omnibus scriptoribus celebratur proprietate pulmones iuuare, vt pulueris ericiij syluestris drachmæ duæ sæpe sumptæ. Radix quoq; ari. cruda, vel potius elixa, aut sub cineribus assata, trita, & syrupis.

thorac

thoracis mista, sputum efficacissimè promouet: si eius, exempli gratia, semuncia cum eclegmatis de pino: & de pulmone vulpis, ana drachmis sex, cum syrup. glycyrrhizæ misceantur: cui addunt quidam vuas passas purgatas, ficus, dactylos, penidia, hyssopum, adiantum. Foris autem corpus linatur oleo amygdal. dulcium, butyro recenti, cum paucis croci, & linteis asperis molliusculè fricetur, vt per poros apertos aliquid materiæ exhalet.

6 Siccantibus & dissipantibus materiæ reliquias suffitu cum thure, sulphure purgato, & etiam arsenico: quod mirum in id Gentilis prædicat, etiam si sit deleterium, & ob id vix vtendum, nisi ritè castigetur: sumptis etiam theriaca, mythridatio, diamoscho dulci & amaro, pliris aromatico, & similibus.

Pleuritidis curatio.

Pleuritis vera & resoluta, & sputis perurgari apta, curatur sex remediorum generibus: phlegmonem augeri prohibentibus, & quod eius iam est genitum resoluentibus.

1 Victus ratione ad quartum vsq: diem tenui, si vires ferre possunt, vt potione ptissanæ, vel ptissana tota, aut colata, seu aqua hordei, & hordeato curiosè cocto, vt voluit

Libr. 1. de rat. victus acutorū. voluit Hipp. deinde ad septimum vsq; pa-
ne loto, vt salis & fermenti calor tollatur,
& ex aqua alia percocto, portione butyri &
sacchari exigua, ad saporis gratiam adie-
cta: post diem septimum, amygdalatum pa-
nis, aut hordeum, ex iure pulli coctum. Vi-
ni autem loco bibat decoctum hordei, vel
aquam saccharatam. Vinum autem nun-
quam ante declinationem: quod si vires ni-
mis collabuntur, paulò pleniore victu vten-
dum est: vt, pullorum, vel aliarum carnum
contuso cum mica panis, vel expresso, vel
cōsummato, quod vocant, id est, carnibus
per se, aut cum pauca aqua in phiala vitrea
coctis in vase alio aquam feruentem haben-
te. Vinum autem ob consuetudinem, aut vi-
rium imbecillitatem dare si cogaris, sit im-
becillum, dulce, aut aqua saccharata dilu-
tum: nisi in hepate, aut liene sit phlegmone,
aut saltem obstructio, quam dulcia omnia
excitant, & geminant.

Dormiat eger in partem affectā, vt ma-
iorem ipsius calore sic quæsito, phlegmones
materia largior resoluatur, & indolentior
sit decubitus. Aluus sit facilis: animi affe-
ctus tollantur, & cetera phlegmonem au-
gere potentia.

2. Auertentibus materiam incrementum
phleg

phlegmones facturam: vt, sectione venæ cubiti internæ lateris eiusdem: aut si non apparet, communis: sed presso tunc cephalicæ ramo, vt ex sola interna vacuetur, pro virium robore (quas alioqui morbus acutus, sæua symptômata, victus tenuis deiciunt) ætate, morbi magnitudine, ad coloris vsq; mutationem: vt lib. 2. victus rat. acutorum docent Hipp. Gal.

Auertunt etiam cucurbitulæ inguinibus affixæ, & hypochondriis: frictiones, & ligaturæ, & fots calidi artuū, & balani, clysteres, sed clementes: quòd pleuritidi fluor alui sæpe superuenit, idemq; periculosus. *Aph. 16. lib. 6.*

3 Materiam apparantibus crassam (tenuis enim biliosa præsertim, à qua pleuritis frequentius fit: quia ferè turget, mox est vacuanda) & thoraci familiaribus, & sputum faciliè reddentibus, calidam quidem vt syrup. violato, zizyphorum cū duplo aque hordei, vel aquæ coctæ & saccharatæ: syrupi autem acetati quanquam eadem præstant, thoraci tamen nocent: syrup. intybi, rosarum, cydoniorum, hepatici magis sunt quàm thoracici. frigidam verò, dictis in tussi & asthma. Lactuca autem & portulaca valenter refrigerando, sputum prohibent. Vteris etiam decocto violarum, zizyphorum, myxorum, hordei, cum syrup. glycyrrhizæ,

g

rhizæ,

rhizæ, zizyphorum post tertium aut quartum diem.

4. Materiam parti inflammatae affixam vacuantibus, ut dicta phlebotome ad coloris sanguinis mutationem, ut medicamentum purgante, si materia ad ventrem repat: purgante autem non valenter, nec astringendo, sed tantum leniendo: Vitanda igitur scammoniata, licet Gal. libr. 2. rat. virtus acutorum, hieram quæ colocynthidē recipit, propinet, & Hipp. ibidem elleborū, & peplium valentia medicamenta, quod illorum ætate clementia nondum erant inuenta, qualia sunt cassia, ad fescunciam cū decocto thoracico sumpta. Vitandæ etiam myrobalani citreæ, licet sint cholagogæ: quia immoderatus astringunt. Eadem ratione rhabarbarum hic damnat Arcul. rhabbari tamen drachmæ duæ vel tres, cum pauca spica minutim cōcisa infusæ, aut potius nostro more sine spica, horis decē vel duodecim in aqua violarum, & scabiosæ, & valenter expressæ cū cassiæ recentis drach. quinque vel sex: vel cum mænæ bonæ vnc. vna, tutò potantur diuitibus. vel mannæ vnc. duæ vel tres, dissoluātur decocto thoracico, additis quinque vel sex drach. syrup. violati & glycyrrhizæ.

5. Sputum materiæ pleuritidem committentis,

tentis, & in pulmones exudantis, facile & fluidum reddentibus aliis atque aliis, per varia eius phlegmones tempora: vt, syrupo violato, & zizyphorum ad quartum circiter diem: deinde syrup. violati vncia vni misceatur semuncia syrup. glycyrrhizæ: semper eo magis augendi quo propior est status, violato interim proportionem diminuto, cū aquæ saccharatæ, aut decocti hordei vnc. tribus.

Ore etiam retenta, sputum promouent: saccharum album, saccharum candum, & violatum, iulep. violatum, pilulæ, albæ hypoglottides, diatragacanthum per se, aut iulepo violato exceptum: diabuglossatum quoque ad cordis robur. His ad diē quartum perfectis syrup. glycyrrhizæ per se, vel eclegma de pino. Si autem febris est vehemens, minus calidis vtendū est. Foris quoque ad quartum vsque diem illinitur ceratum ex cera & oleo violato, & amygdalarum dulcium, postea ex amygdalino solo, vel chamæmelino.

6 Materiam reliquam digerentibus: ad motis linimentis, vnguentis, cataplasmatibus, emplastris: fotu item per spongiā ex decocto chamæmeli, meliloti, furfuris: vel per vesicā eodem decocto plenā, aut frixo cum pauco vino, milio, & fure.

g 2

*Hipp. & Gal. libr. 2. rat. vi-
tus acu-
torum.* **fure.** Qui fatus initio adhibiti, si materia est tantum flatulenta, flatibus resolutis dolore sedant. Si autem est vera pleuritis, materia largiore tracta, eam augent: ob id initio, vel nō tentandus, vel minimum diu hic fatus, & primum colli, aliquanto pōst partis dolentis.

Olea fuerint idonea, amygdal. dulcium, & chamæmelinum, & cataplasma ex farina aut muccagine, sem. lini, fœnigræci, maluæ, althææ, & radicum, floribus chamæmeli, meliloti.

*Aph. 20.
lib. 6.*

Si autē pleuritis suppuretur, eadem olea cum butyro recēti, & adipe gallinaceo coctionem promouēt. Tussis frequēs abscessum rumpet, & vociferatio, & vomitus, & sternutamentum, & vehemens corporis cōcussio, & tulacha herba. Aqua deinde saccharata, vel hordei decoctum vlcus terget: si febris autem est remissior, etiam hydromeli, vel aqua ex melle destillata, & decoctum cicerum rubrorum.

Vlcus denique glutinabunt, bolus armenia, terra lemnia, ad script. vnum, & cætera in phthisi dicenda.

Si autem pleuritis notha est, cucurbitulis, & phœnigmon excitantibus, foras magis trahatur, coquatur, rumpatur, tergeatur, glutinetur.

Perip

Peripneumonia curatio.

Peripneumonia, remediis propè iisdē,
quibus pleuritidis curatur: quæ autem
utrique curandæ sunt propria, abundè do-
cet Auicennas.

lib. 3. fen.

Sputi sanguinis curatio.

10. tracta

Sputum sanguinis tussi reiecti, curatur
quinque remediorum generibus.

tu 24.

1 Victus ratione refrigerante, siccante,
astringente: vt, aëre, inspersis humi herbis,
aqua rosarum, aceto, rosis, santalis, caphu-
ra, iisdemq; odoratis ab ægro.

Vt cibo tenui, potius quàm multo, ad bi-
duum aut triduum: sed præterea empla-
stico & glutinoso: vt, cremore ptissanæ, la-
cte cocto cum amylo, aut farina hordei: in-
speris utrique malorum punicorum gra-
nis, panibus azymis, piscibus glutinosis: vt,
anguilla, cyprino, tinca, extremitatibusq;
animalium & partibus aliis nervosis, carti-
laginosis, pinguibus, caseo recenti non sal-
so (nam vetus calet) quæ sanguinem cras-
sant, & ora vasorum illitu suo obturant.
Lentes quoque, lac acidum, milium, pani-
cum, oryza, quatenus siccant & astringunt
huic affectui sunt salubria, & quæ etiam re-
frigerant: vt, lactuca, plantago, cucurbita,
portulaca, etiam trita, & ore retenta. Aqua
ferrata, aut chalybata per se, aut cū iulep.

g ; rosa

rosato. aut (si vires sunt imbecillæ, & vini
semper consueti cupiditas) vino austero,
crasso: alioqui abstinendum vino est. Ex ea-
dem aqua omnia eius alimenta coquenda.
Vt, quiete corporis & animi, & silentio, &
somno fluxus omnes cohibente.

2 Auertentibus sanguinem à vena aper-
ta, vel rupta, vt secta cubiti vena interna
misso sanguine frequente, vt tertia quaq;
hora, vel quoties necesse est: sed paucò, si
iam multus est reiectus: si verò paucus, &
æger plethoricus est: etiam paulò largiore,
ex vena poplitis, aut malleoli: vt, mensibus
in muliere prouocatis: vt, cucurbitulis co-
xæ, & natibus, & inguinibus affixis: vt, par-
tium infernarum, & manuum frictionibus,
ligaturis dolorificis, fotibus ex aqua cali-
da: nam calor & dolor attrahunt.

3 Sanguinem æquantibus, & ad humo-
rum. 4. ipsum constituentium proportio-
nem iustam reducentibus. Vt victu tenuio-
re, & parum nutriente, si sanguis ipse est lar-
gior: si biliosus est & acer, ac mordax, syru-
po vtendum rosato, ex oxalidis succo, ex
omphacio, ex succo granatorum, cydonio-
rum, myrteo, cum duplo aquarum oxali-
dis, plantaginis, rosarum, portulacæ, sola-
ni. quæ omnia bilis vim obtundant, & si-
mul astringendo fluorem sanguinis cohi-
beant.

beant. Deinde bilis vacuanda non scam-
moniatis, sed astringendo cholagôgis, vt
myrobalanorum citrearum drachma vna,
& dimidia, cum semuncia syrupi violati,
vel rosati, vel earundem vncia dimidia,
aquis prædictis infundenda, & cum cassiæ
vncia vna, vel semuncia, vel rhabarbari
drachma vna & dimidia, cum Mesue.

Si pituita aquosa, mistis melle rosato, &
syrupo rosato cum aqua bethonicæ, & ab-
sinthii etiam astringente, parata vacuetur
myrobalanis cepulis, vel rhabarbaro, vel
turbith siue zingibere: cum hoc enim pi-
tuitam crassam vacuat, sine eodem aquo-
sam & tenuem.

4 Glutinantibus vlcus, aut oris hiatum
contrahentibus, & ob id sanguinem sisten-
tibus, statim cum ad ægrum accedis, adhi-
bendis, ne sanguis immodicè fluat: vt, por-
tulaca mansa, & ore retenta: Hæmatitæ la-
pidis aureo vno sumpto: corallo albo, vsto
potius quàm rubro: cornu cerui vsto, à
drachma vna ad sesquidrach. bolo arme-
nia, terra lemnia sigillata, ad drachm. vnā
hora somni: balauistiis, malicorio, semini-
bus myrtorum. Nā vlcus glutinant, fluxū
astringunt, catarrhum tenuem crassant &
obtundūt. Tragacanthum autem, gummi

Rasis 4.
cōtinētis.

g 4 arabi

arabicum, mastiche suo lentore glutinant,
& vasis hiatum opplent. Composita idem
præstantia sunt, trochisci ex terra sigillata,
troch. ex electro, ex spodio ad drachm. vñā
cum syrup. vel aquis astringentibus.

Antidotus Philonis, vel hac mitior atha-
nasia Nicolai, primis quatuor diebus etiā
efficaciter sumuntur contra catarrhum te-
nuem: & vt frigore suo, partes sanguine
fluentes contrahat. In idem sanguis hirci
non concretus proprietate sua valet Auic.
Differen- & centaurium eidē, & Cōciliatori, & Dio-
tia. 360. scorid. à drach. vna, ad drachmas duas.

Syrupi quoque, rosatus, cydoniorū, myr-
tinus granatorum, ribes per se, vel cum
aquis rosarum, portulacæ, & similibus: vel
etiam cum drachma vna, nunc cornu cer-
ui, nunc lapidis hæmatitæ, nunc trochisco-
rum prædictorum, ne vni affuescat natura.

Hæc vero etiam suppresso fluxu conti-
nuanda, ne repetat: Eclegma quoq; ex sac-
chari rosati, tragacanthi ana vñc. vna, boli
armeniæ, cornu cerui, balauitii, gummi ara-
bici, ana drachma vna: exceptis syrup. vio-
lato: glutinat. Illinatur foris thorax oleo
chamæmeli, vel amygdalarum dulcium,
potius quàm rosato, myrtino, cum aqua
scabiosæ, potius quàm solani, vel portula-
cæ, ne hæc astringendo sanguinē intro cō-
pellant,

pellant, & sputum sanguinis redintegrent.

§ Symptomata, præcipuè sanguinis in pulmone & arteriis asperis concretionem corrigentibus: vt, oxycrato, oxymelite simplici, composito, scillitico ad vncias duas, cū aqua oxalidis, si tussis abest: si verò adsit, aceto eam prouocante abstinendum est.

Theriaces quoq; drachma vna & dimidia cum aqua hyssopi, & scabiosæ, vel diacurcumæ drach. duæ, vel coaguli leporis script. vnum per se, vel drach. dimidia cum aqua hyssopi & scabiosæ. Si tussis quoque molesta adsit, curetur vt dictum in catarrho & tussi.

Phthiseos curatio.

P Phthisis, id est vlcerosa pulmonum dispositio curatur (si curabilis est) quinque remediorum generibus.

I Victus ratione, si febrem & emaciationem spectes, refrigerante, humectante: si vlcus causam mali, calida sicca. Sit igitur calido, frigido temperata, sed siccior vlceris gratia, nisi indicatio à febre præpolleat, & minus siccantia exhiberi cogat: tamen à causa præsentē, vlcere scilicet sumpta indicatio magnarum est virium, ob id Gale. phthificos mittebat Thabias vbi aër erat siccior, & sanabantur. Cibi autem sint co- Libro 5.
ctu faciles, quod calor natiuus phthifico metho.

g § est im

est imbecillus: sint item boni, & multi alimenti, ut corpus emaciatum instauret: sed liquidi & tenues: ut vias phthysicorum ob siccitatem contractas facilius subeant, & penetrent: ob febrim quoque refrigerent non nihil, & ob ulceris saniem, detergeant, & ob solutionem continui, glutinent. Quas doctes omnes habet lac: facile enim coquitur, ac omnium quæ alimenti gratia sumimus, lac, butyro & caseo multum nutrit: optimū optimi est succi: sero casei & butyri liquidum est, subfrigidum est: ut cap. 20. libr. 5. simpl. terget sapore dulci butyrosæ substantiæ, & acrimonia feri: glutinat caseo, & eodem, ac butyro est emplasticum. Lac autem asininum & caprinum frigidum magis & terges: quia serosius. ouinum autem, & eo, vaccinum plenius nutrit, & valentius glutinat, quia butyrosius & caseosius: muliebre autem ad omnia simul est præstantissimū. In singulis autem prædictis lactis differentiis, potes singulas eius facultates augere, aut minuere idonea victus ratione ipsius animalis: ut, lactuca, portulaca, cichorio nutritum, refrigerans magis lac habet: fœniculo, hyssopo, adianto, hordeo, terget magis: rubi, lentisci, salicis, vitium foliis: glutinat potentius, &c. à Gal. scripta, libr. 7. metho. de lacte asinino, & lib. 3. alimen. & 1. sanitatis

*Serum va-
riis etiam
substantiis
constat.*

nitatis tuendæ. Sumatur autem mane ieiunis, horis tribus, aut quatuor ante cibum, vnc. quatuor primùm: quas si rectè confecerit, postridie quinq; sex vncias, & sic diebus consequentibus auctum, si bene cōcoquat, vsque ad lib. vnam. Sumat autem ex mamilla, aut minimum diu extra propria conceptacula moratum (illic enim vt sanguis & semen promptissimè corrumpitur) per se, aut cum paucō melle, vel saccharo, & sale, ne in ventriculo acefcat. à lacte hausto, non dormiat, ne corrumpat, nec corpus exerceat motu aut frictione, ne crudū lac in corpus trahat.

Salubria etiam sunt iura multum succulenta, ex carnibus caporum, phasianorum, perdicum, cum amygdalis, glycyrrhiza, seminibus frigidis, bolo armenia, saccharo rosato. Ex hisq; & similibus, velut buccella, aut marcipanes, & similia, parua mole multum nutrientia. Cicera etiam ex iure prædicto multum cocta, sunt multi nutrimenti, & ob lento rem diuturni, canceri fluuiatiles, limaces, testudines, & ex limacibus aqua capitello destillata.

Potus sit præditus iisdem facultatibus, quibus est cibus: vt, vinum album tenue, non vaporosum: quidam potu solius lactis sunt persanati, vt testatur Rasis lib. 4.

conti

continentis, quod erit præstātius, si chalibz,
aut ferrum candens, in eo fuerit extinctū.
Cætera sumenda, admouenda, facien-
da, educenda, eodem spectant, quo aër, ci-
bus, potus.

2 Causam phthisis abigentibus, quæ si est
catarrhus, curetur, vt diximus: si vas ruptū
curetur, vt in sputo sanguinis habes, si hu-
mor in pulmonibus erodens, apparetur &
vacuetur.

3 Vlcus pulmonis tergentibus dulcibus,
& amaris: vt, syrupo glycyrrhizæ, hyssopi,
præsiij, melle rosato cum aqua scabiosæ
dupla, vel adianti, fœniculi, hyssopi, vel
decocto pectorali: si verò febris vrget,
cum decocto violarum glycyrrhizæ, se-
frigidorum communium, myxorum, de-
tur syrup. violatus, rosatus, mel rosatum,
aqua saccharata, vel parum melsita, deco-
ctum cicerum rubrorum: laccum saccharo
violato.

4 Vlcus carne implentibus, & glutinā-
tibus, quæ duo naturæ sunt opera, si ipsius
impedimenta tergendo sordem, & siccan-
do saniem sustuleris: maxime vsu crebro
sacchari rosati, sed pauci: hoc enim terget
saccharo, & rosarum amara substantia, sac-
charo nutrit, rosis refrigerat, & glutinat.
Cum igitur id vnum omnia complectatur,
quib

quibus eget hic affectus, non abs re Rasis,
& Auicennas plurimos phthificos sacchari
rosati vsu persanatos affirmant: id quod si
recens est, acrimoniæ particeps est, eaque
potentius terget. Si verò glutinatione ma-
gis opus est, quia sputum adhuc cruentum
est, non purulētum, vetus dabitur cum bo-
lo armenia, vel sanguine draconis: quo-
rum astrictione, si materia pulmoni affigi-
tur, sumatur syrup. glycyrrhizæ, vel hyflo-
pi cum decocto pectorali, aqua scabiosæ, &
similibus.

Sunt præterea quæ phthisi prosunt to-
tius substantiæ proprietate: vt, pulmo vul-
pis, & ericij ficcatus & pulueratus, & ex pul-
mone vulpis, eclegma Auic. liquidum.

Quibusdam etiam catarrhosis animalibus, & inde phthisi multum obnoxiiis, her- *Concilia-
tor.*

ba quædam est cognita, hominibus ignora *Quibus-
dam Bipē
nella puta-
tur.*
ta: cuius vsu vlcus in pulmone ouis glutina-
tum inuenit Auenzoar: sunt enim, vt idem
ex Hermete scribit, plantis & metallicis

corporibus facultates, quas si homo co-
gnitas haberet, ea faceret, quæ magicorum
putantur.

5 Symptomata corrigentibus: vt, alui *Aph. 4.
lib. 5.*
fluorem, ob coëctricis & retentricis ventri-
culi, & aliarum partium facultatis imbecil-
litatē: vt, puluere à Rasi descripto, & dia-
rhodo

rhodo Abbatis, vētriculum, hepar, & alias partes male nutritas roborante. Emaciatio nem verò etiam phthiſeos ſymptōma corrigunt, aqua carniū, iura prædicta. Si verò phthiſis omnino eſt inſanabilis, vel non tractanda, vel blandè, & callus perſiccantia excitāduſ eſt, quòd mulieri furnariæ phthiſicæ dicit accidiffe Matthæus Gradi: inſpirato enim ſepe furni aëre ſicco, vlcus occaluit, vixitq; poſtea annos viginti octo.

Palpitationis cordis curatio.

Cordis palpitatio, ſeu tremor quinque præſidiorū generibus ex Auic. & Rasi curantur.

I Viſtus ratione, ſi à cauſa eſt calida, refrigerante (vt aëre alterato frigidis odoribus, oxycrato, roſis, aqua roſarum, caphura: addito vino odorifero pauco, aut moſcho, aut ambra aut alio calente, vt frigida ad cor promptius penetrent) à cauſa verò frigida: calfaciente: vt, aëre alterato, roremarino, maiorana, origano, ambra, moſcho, & ſimiliter calidis odoramentis. Aëris enim ratio præcipua eſt habenda, vt qui inſpiratus ad cor mox penetret, citoq; iuuet, vel noceat.

Cibi quoque in calida refrigeretur, oxalide, aceto, omphacio, ſucco arāciōrum, citroc

trorum, limonum Auicennæ laudatorum
in febribus acutis. Vitetur vinum præfer-
tim generosum, & vaporosum: si imbecillo
est ob consuetudinem vtendum, diluatur
aqua, decocto hordei, vel alio refrigerante,
aut bibat decoctum coriandri præparati,
cum iulep. violato, aut rosato. Similiter cæ-
teris sumendis, admouendis, educendis, fa-
ciendis prius sæpe dictis, contra causam pu-
gnandum est.

2 Materiam apparantibus, & tenuanti-
bus crassam: calidam quidem, frigidis: frigi-
dam verò calidis: sed ambobus moderatis
ne cor pars princeps, & vitæ fons, ab immo-
deratè tam calidis quàm frigidis in contra-
riam intemperiem præcipitetur. Sed in ca-
lida, frigidis aromata quædam calida (vt di-
xi) miscenda: quæ frigidorum aditū sibi de-
fando præcludētium vim ad cor ipsum de-
ducant, nisi magnum sit cordis incēdium,
vt in causo. Tunc enim solis frigidis pu-
gnandum, quales trochisci de caphura Ra-
sis in tremore cordis: alioqui crocus, & pau-
ca quædam aromata cum Auice. & Mesue
illis sunt miscenda.

Materiam igitur crassam, calidā tenuā-
do apparant: syrup. violatus, intybi, ex suc-
co oxalidis, ribes, acetatus: & si valentius re-
frigerandum, syrup. maxime cardiaci,

ex succo acido limonum, aut potius citro-
rum, cum aqua rosarum, portulacæ, lactu-
cæ, intybi, solani, plâtaginis: quibus se mul-
tos curasse affirmat Matthæus Gradi. Fri-
gidâ verò & pituitosam incidunt, tenuant,
tergent, mel rosatum, oxymeli simplex, cō-
positum, squilliticum: & si valentioribus est
opus, syrup. de duabus vel quinque radici-
bus cum aqua bethonicæ, scabiosæ, melisso
phylli, quæ sanguinem cordis, humore me-
lancholico expurgat. Eodem pertinent sy-
rup. pectorales, glycyrrhizæ, hyssopi, praf-
sij: syrupus quoque de thymo, epithymo,
de pomis à Mesue scriptus in melancholia:
syrup. fumariæ cum aquis buglossi vtriuf-
que, fumariæ, scolopendrij, quod vt prædi-
cta efficax est ad purgandos humores melā-
cholicos & adustos.

3 Vacuâtibus materiam, calidam quidē,
rha barbaro à drachma vna ad sesqui drac-
puluerato: infuso autem à drach. duabus
ad drachmas tres, in aqua intybi: bilē quo-
que vacuant myrobalani citreæ: additis vbi
que etiam cordialibus, ne cordi noxa infe-
ratur: ob quam scamoniata sunt vitanda.
Frigidâ verò materiam, præsertim pituito-
sam vacuabis diaphœnico, electario Indo,
li. de viri myrobalanis cepulis, agarico etiam cordia-
bus cordis. *li. Auic.* Si autem materiam melancholicā
fumus

sumus vacuaturi, confectio Hamech, Mesuæ pilulæ ex lapide cyaneo, pilulæ Indæ dentur. Vena quoque basilica secetur, dex- *Gal. Co*
tra quidem si palpitatio à sanguine est: fini *Auic.*
stra verò, si à vapore spirituofo largiore in
ventriculo cordis sinistro: si autem palpita
tio vrget multum, vacuamus nondum ap-
paratam materiam.

4 Materiam à corde ad partes ignobiles
auertentibus, præsertim dum sympt^amata
ipsius vrgent: vt, secta vena malleoli, frictio
nibus, & ligaturis dolorificis partium extre
marum, clysteribus: cucurbitulis.

5 Cor ipsum roborantibus, & intempe-
riem ipsius corrigentibus, etiam per dicta
omnia auxilia miscendis: calidam quidem
frigidis: frigidã verò calidis, & iis vel sum
ptis, vel admotis: sumantur verò simplicia
in frigida: vt, buglossus, zedoaria, daroni-
cum, melissophyllon, citri cortices & semẽ,
moschus, ambra, caryophylla: Composita,
diabuglossarum, diaborraginatum, E. de
geminis, diambra, diamoschõ dulce & ama-
rum Mesuæ. E. Conciliatoris differentia.
196. confectio de hyacintho Auic. regibus
& principibus dicata.

Admoucantur autem medio thoraci
epithemata ex lib. vna aquarum melisso-
phylli, buglossi vtriusque, E. rosati aroma-

h tici

ici vnc, vna, cum cinnamomo, caryophil.
 nuce moschata, & aliis simul calefactis cum
 panno linco, ex iisdem pulueratis moscho,
 ambra, ligno, aloës, been vtroque, corallio
 omni, fragmentis cordialibus, floribus bu-
 glossi, melissophylli, sacculi ex panno con-
 chiliato consuti & calfacti, medio quoque
 thoraci applicetur. Ex iisdē pulueribus cū
 ladano, & cera, pomū odoretur cōtinēter.
 In calida verò causa sumantur diarhodon
 abbatis Nicolai, & cōmune Mesuæ, E. triū
 santalorū, saccharum rosatū, & violatū, tro-
 chisci caphuræ Mesuæ: aut si magna est ca-
 liditas, Rasis sine croco. Simplicia itē, spo-
 dium, caphura, rosæ, violæ, acetū, corallia,
 santala, margaritæ, mirè cardiaca omnia.
 Admoueantur autē epithematta ex prædi-
 ctis, cum aquis rosarū, violarū, plātaginis,
 oxalidis: pomū quoque aut sacculi ex iisdē.
 Si autem tremulus iste motus cordis à vene-
 no est, aut vermibus, postea tractabitur.

Syncopes curatio.

Si syncope adest, spirituum in partibus
 externis paucorū resolutio prohibēda
 est aqua frigida, aut rosata, faciei & aliis
 partibus nudis, inspersa: nisi syncope sit à
 causa frigida, vel ab alui fluore, quem frigi-
 da materias intro comprimens auget.

Vbi autem syncope est ab æstu, aut fe-
 bris

bris incendio resolutis spiritibus, saluberri-
mum est aqua frigida, aut rosata per se, vel
cum aceto faciem rigare, & spiritus nutrire
odoribus bonis, nisi syncope est à præfoca-
tione ex vtero. Tunc enim grauitè olètia,
sed ori stomachi grata, naribus sunt adhi-
benda. Spiritus autem non solis odoribus
bonis, & vino aromatico instaurandi sunt:
sed etiam ouis sorbilibus, carnibus bonis, &
ex his aqua, aut iure, intritis, contusis, con-
cretis, analeptis. Aeger itè à syncope, hoc
est, virium omnium lapsu præsentè est re-
uocandus, & spiritus intro cõculcati foras
sunt euocandi frictionibus partium extre-
marum, ligaturis dolorificis, vellendo na-
sum, auriculas, pilos: sternutatoriis, cucur-
bitulis in coxis, & spathulis: si autem synco-
pe est, ob magnam spirituum largà vacua-
tione inanitorum penuriam, frictionibus,
& dictis nunc remediis abstinendum: quie-
tiq; æger permittendus, hausto vino, & odo-
ribus admotis. Syncope curationem singu-
lis causis debitam, ex Gal. lib. .1. ad Glau-
& lib. meth. .11. repete.

Cholera morbi acuti curatio.

Cholera morbus est cum vomitu, & de-
iectione biliosa deiciuntur tanto sæ-
e impetu, vt inanito simul spiritu multo-
res lægueāt, & tremor cordis, ac syncope

h 2 sape

sæpe succedant, & mors: ob id morbis acutis adnumeratur Hippocrati. Curatur autem remedium generibus quatuor.

I. Victus ratione varia in affectu incipiente, & procedente, & ob symptomata succedentia. Affectu incipiente, sit aër calido frigido temperatus, parùm luminosus: nam lumen & calor humores exagitat, & spiritus resoluit: tenebræ contrà sedant, & quietos reddunt: frigus verò quanquam spiritum resolui prohibet, quia tamen materias intro ad ventriculum & intestina ex ipsius corporis habitu protrudit, noxiū est. Odoribus bonis spiritus nutriantur & instaurentur. Cibus detur paucus, coctu facillis, si virium prostratio impendet. Si autem oppressio tantum & aggrauatio, cibo abstineatur. Ventriculus autem ad vomendum & deiciendum effusus, ante cibum est roborandus, admotis, si materia frigida & pituitosa est, calidis: vt, oleo de spica, menthæ, absinthij, mastichini, nardini, vel vnguentis, ex iisdem oleis & puluere menthæ, absinthij, mastiches, spicæ nardi, caryophyllorū, cinnamomi, cardamomi, galangæ, nucis moschatæ, xylaloës, & pauca cera, vel fotibus ex iisdem in vino rubro austero incotis: si calida, frigidis: vt, oleo violato, rosato, cydoniorum, myrteo & puluere rosarum,

rum, violarum, santalorum, corallij, balau-
stiorum, malicorij factis ex his linimentis,
vnguentis, fotibus pro varia ægri gratia.
Sumptis quoque roboratur, in frigida qui-
dem calidis: vt, syrup. de mentha, miua cy-
doniorum aromatica, syrup. cydoniorum
cum aromatibus Mesuæ, syrup. de cortici-
bus citri grato & cardiaco, ob id idoneo, si
etiam adest syncope. In calida verò frigi-
dis: vt, syrup. & iulepo rosato, de ribex, de
granatis, de limonibus, de acida citri par-
te, datis à duobus aut tribus cochlearibus
ad quatuor, & non multo pòst cibo coctu
facili, & grato, etiam si parum affectui con-
ueniat: vt, aqua carniū perdicis, vituli,
agni: q̄ quomodo sit facienda, docet Auic.
Detur etiam vna pensilis siccata: si appeti-
tur contusum, oua sorbilia cum succo limo-
num, aranciorum in calida: cum cinnamo-
mo autem, cardamomo, paucò vino puro
in frigida. Odor quoque pullorum tosto-
rum, & aliorum ita conditorum instaurat
vires, ac appetentiam excitat. Potus sit: in
frigida, vinum generosum, odoriferum:
id enim omnium celerrimè vires instau-
rat, præsertim si syncope adsit: in cali-
da autem, Vinum granatorum. Vitentur
autem quæ causas has augere possunt,
& animi affectus, qui materias intro tra-

h 3 hunt:

hant vt, mœror, timor, cura.

2. Materiam in ventrem receptam vacuantibus, vomitu, aut potius deiectione, vtro natura repet. vomitum igitur iuuabis sola aqua tepida: vt quæ nec materiam nouam attrahat, neq; repertam foueat, sed temperet & vacuet. Remedio est eadem ventriculo à bile flaua in ipsum ruente oppresso, vel roso: in vtroq; autem affectu per se detur, non cum oleo aliquo, vt quod ventriculum & intestinum relaxet. Potes aquæ tepidæ miscere syrupum acetosum ad saporis gratiam, non ad incidendum, aut tenuandum, quòd materia in hoc affectu non sit crassa, lenta: aqua saccharata, aut decoctum hordei, aquæ loco propinari potest. His tamen astringentia non miscenda (nisi virium cadentium imbecillitas id suaderet) quia materiam ventriculo contumacius affigunt. Cùm verò aqua sit flatulenta, illi incoque vel misce cumini semunciam, vel circiter, aut nitri ʒ. ij. Ea autem ad vomitum quàm ad nutrimentum multò largior est bibenda, vt ea copia retentrix grauata expultricem mox stimulet. Si autem materiæ ad sedem feruntur, eas iuuamus, si vires valent, cassia, vel manna, vel rhabarbaro in substantia, vel decocto myrobalanorū: non autem valentiore, quòd materiæ

ad

ad fluendum sunt paratę. Si verò vires sint imbecillę, sunt firmadę: post humores abundantes familiari ipsis medicamēto purgādi.

3 Materiam à toto corpore in ventriculum & intestina ruentem apparantibus, & vacuantibus, si aquosa aut biliosa: si autem corrupta & maligna turgat, sine apparatu vacuantibus: si benigna est, in contrarium auertentibus (quibus etiam vtendum est, vbi ventrem nimium fatigat aquosa aut biliosa) vt, balneo ad cutim trahente, ligaturis dolorificis, frictionibus. Venter etiam inferior per sumpta & admota astringētia, & refrigerantia, si calida est materia, roborandus, & viæ claudendæ, ne tam promptę fluxionem recipiant: præsertim vbi pro copię ratione iam præcessit vacuatio.

4 Symptomata in hoc affectu sæuissima corrigentibus: vt, sitim, aqua hordei, iuleporosato, succo, & syrupo granatorum: vt spasmus ex inanitione, litu, vel fotu, vel balneo, ex oleo violato, si causa est calida, liiaceo, si frigida, & cæteris in spasmo dictis: vt vomitum immoderatum sistentibus, cucurbitula ad fundum ventriculi affixa, vel cataplasmate ex pane, vino rub. astringente, & puluere mastiches, cinnamomi, absinthij, menthæ, cariophyllorum: vel si causa est calida, aceto, aut vino granatorum,

h 4 puluere

pulvere malicorij, balauftij, & similium frigidorum astringentium.

Imbecillitatis ventriculi curatione.

Imbecillitas ventriculi curationem propriam non requirit, sed cessat, morbo, eius causa, profligato. Nullum enim symptoma, quod symptoma est, aliquid indicat. Si enim ventriculus est imbecillus à tumore præter naturam, curato tumore, imbecillitas, tumoris symptoma cessat: eodem modo in aliis eius affectibus, quos dolor & imbecillitas sequuntur. Quæ vero imbecillitas ventriculi à magno aut longo morbo reualescentibus adest, ea roborantibus qualitate, tum manifesta, tum occulta corrigenda est. Si enim imbecillius est ventriculus ab intemperie calida, per refrigerantia curatur, & contrà: similiter in aliis intemperaturis, tam simplicibus quàm compositis: tam solis quàm cum materia est faciendum. Non autem semper in ventriculo imbecillo utendum calidis, siccis, astringentibus: quem errorem præceptoribus suis appingit Gal. lib. 7. Meth.

Si imbecillus est ventriculus ab intemperie frigida, humida ex cruditate, coctioni prospiciatur exercitatione, somno, taciturnitate, & silentio: & ad motis caloricis ficcant

Libro 7.
Meth. 7.

siccantibus: sed in primis sumptis: alimentis quidem delicatis, coctu facilibus parum humidis: medicamentis verò materiam appariantibus, incidendo, tenuando, tergendò: deinde vacuantibus vomitu, aut potius deiectione. Similiter à morbo reualeſcentibus, ventriculus laxior, frigidior curatur syrup. stomachicis, quorum præstantissimi sunt, syrup. absinthij Ro. etiam hepar roborans: syrup. seu miua cydoniorum aromatica, & diacodonium Galeni in fine 6. lib. sanat. tuend. syrup. menthæ, cum dupla aqua menthæ, & absinthij præcipuè, vel fœniculi, bethonicæ: cùm E. rosato Gabrielis, E. diaromato Mesuæ, galanga puluerata cum vino albo sumpta, vel in pilulas cum syrup. menthæ, vel simili, formata, per horam vnā ante cibum, & diagalanga secreto quibusdam remedio, præsertim ad flatus ipsius resoluendos: E. ex xylaloë, zingiberis conditi radice vna mane sumpta, vel theriacæ, aut mithridatij drachma vna semel in septimana, granis piperis 6. 7. 8. integris (ne puluerata ad hepar rapiantur: quod ferè calidum est, quibus ventriculus est frigidior) hora antè cibum dimidia deuoratis. Corallium etiam probatur, præsertim cùm imbecillius est ventriculus ab intemperie calida: quia ipsum est frigidum:

h 5 & tun

& tunica interior ventriculi gallinarum, quam ut ventrem mergi, & struthiocameli damnabis cum Galeno. Per admota quoque ventriculus est firmandus, & dolor sedandus: in frigida quidem causa, per calida: ut, oleum de spica, mentha, absinthio, mastiche: ut, vnguenta, vel cerata, vel emplastra ex iisdem oleis, cera & aromatibus stomachicis: ut per nucem moschatam, xylaloën, caryophylla, galangan, mastichen, mentham, absinthium: forma remediorum, sæpe mutata, ne vnu assuefacta natura eius vires contemnat, ab eoq; nihil patiatur. Ob id etiam foueri potest ventriculus paulò antè pastus, spongia imbuta vino aromatico, cui incocta sint menthae, absinthij, schoenanti ana Ma. vnus, cinnamomi, ciperi, calami aromatici ana drachmæ duæ, mastiches, nucis moschatæ, ana drach. vna. Post hunc verò forum poris ab eo apertis, salubriter prædictis oleis partem illines. Bombax quoq; bene carptus, eodem vino aromatico mersus & siccatus: deinde pulueribus prædictorum aromaticum fartus, in epithema ventriculi, forma scuti consutum, rectum, ligatum imponatur: vel ex iisdem sacculi.

Gale. lib.
5. Simpli.
cap. 5.

Pueri quoq; carnosius non faciliè sudantis venter admotus, calore suo coctionem
potens

potenter adiuuat, & catulus pinguis, & palma manus, si carnosa est: decubitus quibusdam probatur, principio in latus dextrum, vt ad fundum ventriculi carnosius, & ob id calidius, & ad coquendum valentius, alimentum descendat: deinde in sinistrum, vt hepar ventriculum amplectatur, & suo calore ipsius coctionem iuuet: postremo absoluta coctione, rursus in dextrum: vt tum per pylorum fundo insertum os ventriculi infernum chylus excernatur in ecphysin, & tenuia intestina distribuendus per venas mesaraicas in hepar. Quibus tamen hepar calidius, salubre non est primo in dextrum cubare, nec diu, nisi consueuerint. Si verò causa mali calida est, sumantur frigida hæc: syrup. cydoniorum, rosatus, ex succo oxalidis, de ribes cum duplo aque rosarum, plantaginis, oxalidis: diarhodon abbatis, aut commune, E. trium santalorum, conferva rosarum, saccharum rosatum, caro cydoniorum. Sumantur autem horis tribus ante pastus: quæ omnia præter oxalidem, astringendo quoque laxam à calore partem roborant. Admouenda autem oleum rosatum, cydoniorum, myrteum per se, vel cum rosis, balaustis, malicoriis, fantalis, spodio, corallio: forma linimenti, vel alia. Caue autem ne ventriculum partem

partem natura frigidam, immodicè refrigeres, & sic vim eius coëtricem prosterne.
Gale. lib. 7. Meib. Quamuis enim ventriculi intemperies calida & frigida, æquè citò curentur, vtraque per sibi contraria: non tamen æquè tutò: tutius enim calefacis quàm refrigeras. Si imbecillius est ventriculus ab intemperie sicca, curatur vti febris hectica humectantibus: vt, lacte, balneo ex decocto maluæ, violæ nigræ, lactuæ, capitibus, & intestinis veruecum, vino imbecillo, fuluo, diluto, herbis humectantibus.

Doloris ventriculi curatio.

Dolor ventriculi magna cura, præcipuoq; studio placandus, quod is actionem habet chylōsin, seu alimenti in chylum mutationem toti corpori communem, seu quo chylo in sanguinem mutato, partes corporis omnes nutriuntur. Fit autem hic dolor vt alius quiuus ab alteratione subita, aut solutione continui. Alteratio ipsa intemperiem facit calidam aut frigidam, (nam duæ reliquæ vix per se sunt dolorificæ) aut solam, aut eum materia. Si intemperies est cum materia, curatur quinque remedium generibus.

1. Victus ratione contraria ipsi materiæ: vt, calida, aromatis &c. in frigida: frigida, vt vino granatorum &c. in calida, vt paulò antè

antè fufius diximus.

2 Sedantibus dolorem ftatim vtendis, quòd ventriculus fenfu eft tactus exacto præditus: præfertim ore fuo: qualia funt quæ caufam ipfam, hoc eft, materiam dolorificam ventriculo expellunt vomitu, aut deiectione: fi verò altius in ventriculi tunicas fit recepta materia, antè apparanda eft incidentibus, tenuantibus, tergentibus, quàm vacuari poffit: ac interea vt fedetur dolor, adhibe anodyna, quæ temperatè calida funt, & ferè humida, partimq; relaxât, materiæ aliquid digerunt, tensionem minuunt: vt, fofus cum impleta vefica, vel cum fpongia imbuta decocto chamæmeli, meliloti fe.lini, fœniculi: vel linimentum, ex oleo lini, chamæmeli, anethi: vel vnguentum, ceratum, emplaftrum, fimili materia cõftans: vt, farina fe.lini, fœniculi, radice althææ. Cyathi etiam duo, aut tres, feu vnciæ tres vel quatuor & dimidia decocti chamæmeli potu mirè iuuant. Quæ fi vincantur, & vires dolor profternit ftupreficientibus fumptis, vt opiatif zazanea Me fuæ ad drachmas duas, vel athanafia Nicolai à drachma vna, ad fefquidr. vel Philonio Romano, Auic. valentiffimo à femidr. ad drachmam vnam. Illa enim fomnum conciliant, per quem vires inftaurantur,

nec

Lib. 7.
Metheor.
Lib. 5. fim
pli.ca. 18.

nec dolor sentitur. virtute autem forti adhuc dentur, imbecilla, ne dentur: quia reliquum calorem extinguerent.

3. Materiam parantibus, calidam quidem refrigerantibus, & si affluit in ventriculum bilis, etiam astringentibus: vt, syrup. ex succo oxalidis, acetato, rosato, granatorum, cichorii, intybi, violato cum aquis oxalidis, rosarum plantaginis, solani, cichorii, intybi. Frigidam verò & pituitosam (qualis plurima esse consuevit) melle rosato, oxymel. simpli. vel (si valentiore opus est) composito & scillite cum aqua bethonica, saluiæ, maioranæ: syrup. autem & aqua absinthij pontici, pituitam affigit tenacius ventriculo: bilem verò indidem deturbat: absinthium vulgare, vtrunq; humorem potenter deturbat: sed malum est stomacho: quia minimum astringit, vti & seriphium. Melancholicam deniq; syrup. thymi, epithymi, fumariæ cum aquis fumariæ, scolopendrij datis ad dies octo. Si à sanguinis copia dolet ventriculus, vena basilica dextra secta sanguis mittatur quantum indicationes suadent.

Gal. lib. 7 *Methe. &* 4. Materiam vacuantibus, sed clementibus: & quorum vis hepar non transcendat: *lib. 10. ca.* vt, hiera picra bilem & pituitam à ventriculo, & venis mesentericis, ac sima hepatis tant.

tantum purgante, non autem scammonia-
tis, & aliis trahentibus etiam à remotis par-
tibus: vt turbith, agarico. Hiere loco, præ-
sertim vbi ventriculi intemperatura est ca-
lidior, cassia, manna, cum paucis rhabarba-
ro, myrobalani citreæ vsurpentur.

Vomitibus quoq; ex aqua tepida, bilem *Aphor. 4^o*
flauam sursum ad os ventriculi repentem *lib. 4.*

vacuat. Quibus si malum non vincitur,
etiam diaphœnico vtendum, cuius vis at-
tractrix hepar quoque non superat, licet
scammonium, & turbith recipiat, sed quo-
rum vis lentore & astrictione dactylorum,
amygdalorum, penidiorum, & aliorum co-
hibetur. Eadem ratione tutum est diacydo-
nium scammoniatum, in quo vis calidorū
carne cydonia obtunditur. Idem præstant
pilulæ ex hiera simplici & composita, ele-
phanginæ, mastichinæ Conciliatoris.

§. Intemperiem abigentibus, calidam
frigidis, & contrà, tam sumptis, quàm
admotis dictis capite superiori. Si verò
ventriculus dolet à flatibus, si qua ipsos
materia fouet, apparanda & vacuanda:
deinde flatus dissoluendi, primum cle-
mentioribus: vt, temperatè calidis, vt
chamæmelo meliloto: deinde valentio-
ribus: vt, baccis lauri, alliis: vt Galenus
libro 7. & 12. ~~Metheorum~~, aniso, cumino,
galang

galanga cum vino aromatite, aut cretico
dulci, seu maluatice, vel diacumino, dia-
galanga, dianiso, & valentiore his confe-
ctione ex baccis lauri.

Phlegmones ventriculi curatio.

Phlegmone ventriculi curatur vt phle-
gmone pulmonis, & phrenitis principio
scilicet repellentibus & auertentibus mate-
riam: deinde additis etiam digerentibus: in
statu his propè solis. astringentia enim &
partem roborantia resoluentibus semper
Lib. 7. & miscenda in ventriculo, vt hepate, ob actio
11. Methe. nis eius necessitatem, Si resolui non potest,
Lib. de in- quod tamen est longe optatius, coquenti-
aquali in bus est suppuranda: & vlcus, vbi accessus
temperie. erupit, tergendum, siccandum, carne im-
plendum, cicatrice tegendum, remediis
quæ docent Rasis, Auic. & alij.

Singultus curatio.

Singultus curationem recipit variam pro
causa varia. Si enim est à causa externa
(id quod rarò accidit) vt aëris calidi aut
frigidi occurfu: hac ablata, & ægro in aë-
rem contrarium translato, facile cessat: si
verò iam dispositionem reliquit, ea contra-
riis quoq; oppugnanda sumptis & admo-
tis. Si verò fit à materia in ventriculo cor-
rupta, aut cibo crassiore: si sursum repat, &
æger facile vomat, vomitu expellatur: si ad
fund

fundum ventriculi, clysteribus leniētibus,
aut etiam purgantibus medicamentis, cas-
sia, manna, hieræ mellitæ vnc. vna diaphœ-
nico à drach. tribus ad drach. quatuor va-
cuetur: deinde ventriculus roboretur, par-
tim ad motis oleis, menthæ, absinthii, ma-
stiches, & vnguentis, ceratis, emplastris, re-
liquisq; dictis in ventriculi imbecillitate,
partim sumptis: vt aromatico rosato, cary-
phyllato, zingibere condito, & aliis prius di-
ctis. Si fit à sensu tactus ventriculi exquisi-
tiore, vel re aliqua mordaci: vt, acribus, cæ-
pa, allio, porro, sinapi, pipere, zingibere:
hæc vacuentur deiectione, aut vomitu ex
aqua dulci, vel hordei tepida, largiore qui-
dem quàm potus gratia, non tamen tam
copiosa, vt mox vomitum moueat: aliquan-
diu enim retenta, melius purgabit ventri-
culum: postea ventriculus roborandus fac-
charo rosato, violato, iulepo rosato, viola-
to, diarhodo, & cæteris tam sumptis, quàm
ad motis, in ventriculi imbecillitate descri-
ptis. Si à flatibus est (vt plurimum fit) deco-
ctum menthæ & cumini, & aliorum Rasi-
scriptorum. ad vnc. quatuor sumptum, est
salubre: adhæc semen anisi, cumini, casto-
rium, baccæ lauri, dianisum, diacyminum,
diagalanga, elect. de baccis lauri cum vino
bono sumpta. Cucurbitula quoque ventri-
i culo,

culo, vel etiam umbilico admota, miraculi modo affectus flatulentos ventris inferioris derepentè mitigat, aut tollit.

*Lib. 14.
meth.*

Somno etiam longiore coquat venter materiam flatulentam: decoctum quoque chamæmeli, meliloti, anethi, pulegii, calaminthes, origani, abrotoni, seameos, fœniculi, baccarū lauri in vino albo, vel aqua, & pauco vini albi odoriferi flatus potenter dissipat, si spongia hoc imbuta decocto, aut vesica eodem semiplena vetriculo admoveatur: illitus etiam ex oleo chamæmeli, liliorum, de spica, & ex his cum aliis, vngueta cerata, emplastra: filum quoque cum cineribus frixum, linteum involutum vtiliter admouetur, vel ipsi cineres per se frixi in scutella ex lixiuio vel vino aromatico, vel potius aqua vitæ super carbones ne flammam concipiat: Balneo quoque si vires valent, & ieiuni sint, multum iuuantur. Sternutatio quoque & cohibitus anhelitus, quia cor calidius efficit & vicinas partes suppressis in ipso fumidis excrementis, coquit, aut dissipat flatus singultū excitantes: id quod etiā vulgò fieri videas. Si ab hepatis phlegmone est illa, prius curāda. Si aut singultus est à materia in ventriculo contenta, curatur quinque remediorum generibus.

*Gal. aph.
22. lib. 5.
& aph.
17. lib. 7.*

1. Victus ratione contraria ipsi materiæ.

2. Ap

2 Apparantibus materiam : pituitosam melle rosato , syrup. de duabus radicibus, cum aquis supra scriptis. Melancholicam denique syrup. de pomis, thymo, epithymo cum aqua scolopendrij , fumarix, & ceteris. Si autem bilis est, vt pituita tenuis, proptè vacuatur, nisi altius in tunicas ventriculi infarcta sint: tunc sequere Galenum.

3 Materiam sic paratam vacuantibus, *Libr. 7.*
sed clementibus, & quorum vis hepar *meth.*
non transcendat capite superiori scriptis.

4 Remediis materiam reliquam ventriculo tenacius affixam excutientibus: vt, vomitu, sternutamento Hippocrati libro 6. Apho. 13. clamore, saltu, equitatione in equo succussatore: aqua etiam faciei clam & repente inflicta: quia timorem efficit, quo calor intrò retractus coquit & dissipat. Parum autem probandus est potus largior aquæ frigidæ, nisi æstate media, iuvene bene carnosio, in assueto, in causa calida: *Aph. 21. lib. 5.*
quamuis etiam vt tetanum, sic frigidam causam dissolvere possit. Syrup. de papauere datur ad cochlearia duo interdum deploratis ad obtundendum ventriculi sensum, vel semen papaueris albi tusum cum aqua lactucæ, vel eius seminis, & *semi. lactucæ, & se. hyoscyami albi deco-*
i 2 ctum.

etum. Quæ leuia, si non sufficiunt, philonium Romanum sumatur, quod partim frigidis simplicibus stupefacit, partim calidis resoluit.

Intemperiem ab humore relictam à calido, calidam, à frigido, frigidam tollentibus contrariis. si sicca est, iusculis instaurantibus, & nutriendo humectantibus; illitu quoque vetriculi, & spondylorum, ei propinquorum, ex oleo violato, vel amygdal. dulcium.

Appetentie immoderate curatio.

Appetentia immoderata, vel est ab inanitione, ualis ex longo morbo reualescentibus ferè aduenit: quibus cibo paucō, & frequenti, sed coctu facili opus est, nec pingui. Nam multus, quia non coquitur, corrumpitur: pingua, ut iura, carnes, quia ventriculum laxant, nauseam potius excitant, & prosternunt appetentiam illam immoderatam. Si à ventriculi imbecillitate, curetur ut dictum est. Si ob hepatis calorem vehementius distribuentem: post, quæ ratione curatur, dicetur. Si ob humorem melancholicum à liene ad os ventriculi largius transmissum, qui os ventriculi immodicè contrahat & exugat, dicetur in affectibus lienis. Si à lumbricis omnia vixdū deuorata depascentibus excitetur: audies in affectu.

Gal li 4.
vsus par-
num.

affectu hoc intestinorum. Si à pituita multa frigida, acida, ventriculum, ac præsertim ipsius os infestante, curatur quinque remedium generibus.

1 Victus ratione calida, sicca, omnibus pituitosis affectibus communi, præter quàm quòd acria, vt, cepæ, allia, porra, sinapi, & acida, pituitæ incidendæ, tenuandæ, tergendæ profunt: sed appetentiam excitant, ob id in hoc affectu fugienda: aliis tamen pituitosis sunt salubria.

2 Materiam apparantibus sæpe dictis.

3 Phlegmagogis, frequenter etiam antè scriptis.

4 Materiæ reliquias resoluētibus etiam sæpe antea descriptis: vt, famem thorexis, Aph. 28. id est, meri potio soluit Hippocrati. Vinū lib. 2.

autem generosum post cibos pingues largius, imperat Gal. ad fluctuationem & vomitum. Auic. verò idem vinum ante cibum propinat, vt materiam coquat. *Gētilis sic Galeno conciliat Auic.*

5 Appetitum prostermentibus, vt ventriculi corpus laxum reddētibus, qualia sunt pingua iura, & cibaria omnia: vt, oryza cū pinguibus cocta. Si autem ab intemperie calida ventriculi, alimenta corrumpantur, coctu difficilia offerantur: vt, castanæ, bulbula, suilla, panis silignites, cremor alicæ, & similia. Cū autem calor appetentiā pro-

1 3 sternat,

sternat, non debet hæc causa recenseri inter eas quæ appetentiam caninam excitât.

Doloris hepatis curatio.

Lib. II.
meth.

Dolor hepatis sedatur, vt ventriculi & aliarum partium dolor, per remedia causæ dolorificæ contraria, mistis semper quæ partis robur conseruent: quod hepar, vt ventriculus actionem toti corpori communem habet. Si igitur dolet ab intemperie sola, hæc contrariis corrigitur, tutius tamen frigida per calida, quàm cōtrâ. Si cum materia est, vt in phlegmone, scirrho, obstructione, per remedia, singulis his affectibus dicata, pōst dicenda.

Phlegmones hepatis curatio.

Hepatis phlegmone diligenter curanda, ob principis ipsius partis actionē toti corpori communem: cauendumque ne intempestiuè & immodicè refrigerando, aut resoluendo, aut copia humorum largiore in scirrhum abeat hæc phlegmone: id quod sex auxiliorum generibus provide rimus.

1. Victus ratione tenui & refrigerante, & ita sanguinem ad fluendum ineptiorem reddente: vt, aëre frigido natura, vel nostra industria, cremore hordei, vel iusculis cum pane loto, fuga vini, carniū, ouorum, & cæterorum sanguinem augmentium, & calefacien

facientium.

2 Materiam ad hepar fluere paratam, & malum aucturam reuellētibus, vt secta interna vel communi vena dextra misso sanguine quantum vires ferre possunt, ac morbi causa, & magnitudo postulat: vt ligaturis, frictionibus, cucurbitulis in artus ipsos impactis.

3 Frigidis stypticis repellentibus materiā ad hepar fluentem, & fluxuram prohibentibus astrictis hepatis poris, & meatibus angustis: sed mitioribus vtendum, ne viis hepatis contractis obstructionem in eo excites, & ne immoderatus refrigerando ex phlegmone scirrhum efficias, morbum, aut insanabilem, aut sanatu difficilem: ne item saniem ex phlegmone hepatis, vt pleuræ & aliarum partium internarum resudantem vacuari prohibeas, & in hepar regeras: sed modicè tergeas: ne denique bilem flauam ita compingas, & folliculi fellis stomachorum orificia sic contrahas, vt bilis in folliculum recipi nequeat. Sint igitur clemēter frigida, & styptica: hisq; misceātur quæ modicè aperiunt & tergent: siue sumantur, vt syrup. rosatus ex hepatica, ex eupatorio vero, ex succo oxalidis, cydoniorum cum aqua solani, intybi, oxalidis, foliorum & radicū plantaginis, quæ refrigerat, siccat,

i 4 astrin

Gal. li. 6. simpl. astringit sanguinis profluvia, & si quid aduratur, refrigerat, addita aqua cichorii, adianti albi, quæ etiam aperit & terget: siue admoueantur, ut, litus ex oleo rosato, & cydoniorum: ut, fons ex aqua rosarum, plantaginis, solani cum linteo: ut sacculi ex tribus santalis, malicorio, balauistiis, rosis tritis, additis caphuræ granis quatuor, aut sex, si valentiori remedio est opus.

Si autem sanguis est pituitosus, sumendum est mel rosatum, cum syrup. rosato & aqua absinthij: admouendaque cum dictis frigidis calida: ut, absinthium, schoenantham, mastiche: siue fons est faciendus, his coctis aut destillatis: siue sacculi ex his parum tritis: siue lit⁹ ex oleo absinthij, mastichino.

4 Materiam coquentibus mistam, additis tamen semper astringentibus ad partis principis robur seruandum: ut, syrup. rosato, ex succo oxalidis, de ribes. Si pituita adest, mel detur rosatum, oxymeli simplex, syru. de duabus & quinque radicibus: præsertim si phlegmone erit in gibba hepatis, & cocta iam sit, & corpus reliquum purum: si melancholia, syrup. fumarie, & de pomis simplex.

*Lib. 3.
metho.*

5 Materiam illam vacuantibus clementer: per deiectionem, si phlegmone sinam hepatis partem obsidet: vel si gibbam, mouenti

uentibus vrinam, si pauca est vtroque materia: si enim multa, etiam per intestina est suspecta purgatio. Galeno. Cassia igitur, manna, & rhabarbari infusum bile (si abundat) vacuando sunt salubria, quia non trahunt à longinquo, nec materias exagitando ad fluendum incitant.

6 Reliquias materiae digerentibus, mistis tamen stypticis: vt, absinthio pontico, rosis, mastiche, schoenantho, spica nardi. (Pars enim hæc opus habet toti corpori commune, & ad vitam necessarium) cū chamæmelo, meliloto, anetho, althæa, siue decoctum ad fouendum hypochondrium dextrum facere libet, siue ex his tritis sacculum, siue linimentum, vel vnguentum ex oleo lilij chamæmeli, anethini, absinthij.

7 Intemperiem à materia relictam ferè calidam à sanguine & bile corrigentibus frigidis: vbi scilicet phlegmone resoluentibus est persanata. Si enim suppuratur (quod dolores & febres tunc intensiores declarant) coctio hæc nobis iuuanda cataplasmate ex decocto ficuum siccarum, vuarum passerarum, althææ, maluæ, se. lini & fœnigræci, cum butyro, oleo, amygdal. dulcium, adipe gallinæ, anseris. Abscessum deinde ruptus motu violento, qualis in saltu, vomitu, tussi, sternutamento fit: postea tergebis per

i s vreticæ.

Apho.
47.2.

Gal.li. 2.
Art. cur.
ad Glau-
conem.

vretica : vt, decoctum cicerum rubrorum,
vel hordei cum mulsâ , vel aqua sacchara-
ta , si vlcus est in gibba : per cassiam verò,
mānam, serum lactis caprini, & alia aluum
deicientia, si est in sima. Postremò vlcus est
glutinandum cum bolo armenia, sigillo lē-
nio. Si autem hepar obduruit, molliatur
emplastro meliloti Mesuæ vel malua, al-
thæa, farina lini, fœnigræci, butyro, cerato
œsypato Philagrii apud Mesuem : adhæc
œsypus ipse cum oleo amygdalarum dul-
cium, vel butyro, mirè scirrhus emollit : qui
si sint exquisiti & absoluti, sunt insanabiles
in hepate, & cæteris partibus.

Imbecillitatis hepatis curatio.

HEpatis, vt aliarum partium imbecil-
litas, à quavis intemperie insigni fit,
per contrariaque corrigitur, additis clemē-
ter aperientibus : quòd ferè simul adest ob-
structio à congestis in eo per imbecillā san-
guificationem excrementis : additis etiam
modicè astringentibus, quæ partis princi-
pis robur : præsertim à calore solutum, aut
soluendum tueantur. Sint præterea tenuiū
partium, tergeant, leniant, vt dicta excre-
menta vacuent. Quas vires habent tere-
binthina, cinnamomum, vuæ passæ, pista-
cia, schoenanthum, spica nardi, absinthium
ponti

ponticū: quāuis enim caleant, sunt tamen
 ob id salubria, quòd ferè hæc imbecillitas
 ab intemperie frigida fit, vel primo, vel suc-
 cedente calori immodico, & ob id hepatis
 sanguinem, & spiritum, & calorem natiuū
 dissipanti: si tamen calor adhuc subest, vi-
 tentur calida, & vix passæ hepati tota sub-
 stantia familiares acidæ (quales nobis cli-
 bano coctæ) sumantur loco dulcium: vt
 quæ etiam dysenteriam hepaticam sanent.
 Tam intybus quoque & hepar lupi, quàm
 caro limacum, hepatis intemperie, tum ca-
 lidæ, tum frigidæ, salubris est tota sua sub-
 stantia, ablato limacum lentore multis lo-
 tionibus & frictionibus in lixiuio calido,
 vel aqua calida, sali aut arenis mista: frigi-
 da enim durefcunt. Aqua etiam ex limaci-
 bus destillata mane ad vncias sex sumpta,
 hepar imbecillum mirè roborat, & phthi-
 sicis gracilibusque est remedio: absinthium
 ponticum idem promittit, vt etiam solo
 ipsius vsu hydrops sanetur: cuius species
 omnes drachmis duabus diacurcumæ ma-
 nie cum liquore aliquo, vt aqua absinthij
 sumptis, sanari scribit Auicē. Aqua hor-
 dei intemperiem hepatis calidam post fe-
 bres biliosas relictam persanat. Dialaccæ
 etiā cochlear vnum, hepar roborat. Δι' ὧν,
 Gale. libro 8. c. ph. p. cap. 14. dysenteriam
 hepa

hepaticam sanat, Auicennæ & aliis multis probatus pastilus. Rhabarbarum hepatis vita, & aliorum medicamentorum frænū, bis in hebdomada sumptum ad drachmā vnā dysenteriam hepaticam secreto quorundam inuento persanat. Idem possunt trochisci de rhabarbaro, bis quoque in hebdomada sumpti à drachma vna ad drachmas duas: & trochisci de rosis, vel de eupatorio cum syrup. absinthij, eupatorij, vel aquis similibus: sæpe enim mutanda sunt medicamenta in affectu hoc longiore, ne naturā partis vni assueta, eius vires contemnat. Quòd si aliquod horum sit paulò calidius, temperabis aqua cichorij, intybi, & aliarum seridis specierum: spodium quoque & diarhodum abbatis, & commune, & E. trium santalorum Nicolai. Quòd si facultas hepatis coëtrix est imbecilla, salubria sunt calida humida: si retentrix, sicca: quia tamen vna partis alicuius facultate naturali imbecilla, reliquæ debiles esse consueverunt, ob id medicamentum compositum, omnes istas facultates naturales roboraret oportet: vt, electarium trium santalorū, syrup. de eupatorio vero, vel de absinthio pōtico seu Romano, adiectis simplicibus medicamentis, quæ facultates quæsitae sortita sint, qualia & abundè sunt dicta, & dicentur

tur postea.

Icteri curatio.

Icteri varia est curatio pro causis variis: qui autem est à billis copia, hepatis, & venarum intemperiem calidā sequente, curatur quatuor auxiliorum generibus.

1 Victus ratione refrigerāte, humectāte.

2 Bilem, si crassior est, & tenatior apparentibus: vt syrup. ex succo oxalidis, granatorum, omphacij, limonum, citrorum, intybi, cichorij, violarum, rosarum cū duplo aquarum solani, plantaginis, lactucæ, oxalidis, intybi, cichorij.

3 Cholagôgis, vt cassia, manna, electario rosato, vel de succo rosarum, diapruno scāmoniato, rhabarbaro vel puluerato, vel, si timetur obstructio, infuso. Venæ etiam sectione, si toti corpori est communis intemperies, & si nō est suspicio, ne billis largior, calidior, tenuior furiosa turgeat, cū sanguis aliorum humorum sit velut frēnum & retinaculum.

4 Intemperiem calidam, quæ icterum regnare possit, tollentibus sumptis & admotis. frigidis & tenuibus prædictis. Horis enim duabus ante pastus vacuata ex hepate bile (alioqui retenta putreret, febresq; auget, vel gigneret) hypochondrio. dextro applicetur pannus lineus mersus his: aquæ
intybi

intybi lib. vna, aquæ rosarum roborantis
 vnciiis duabus aut tribus, aceti ad penetrā
 dum vncia vna, spicæ scriptulo vno, vel
 croci granis quatuor, ad calorem partis
 sanguificæ tuendum, santalorum, spodij
 ana drachma vna: fiat epithema hepatis
 vel cordis calidi: cui tamen cordi hæc om-
 ni tempore applicari possunt: quia coctio-
 nis instrumentum non est, additis tamen
 aquis buglossi, been vtroque, caphura, ca-
 ryophyllis, ligno aloës, croco multum car-
 diaco: sed his tribus quæ calēt, manu parci-
 fima. Sumuntur verò conferua violarū, ro-
 sarum, & alia nunc dicta in apparanda bi-
 le. Si verò icterus est ab obstructione per bi-
 lem crassam aut pituitā, curatur remedio-
 rum generibus quatuor.

1 Victus ratione tenuante, aperiente, cal-
 faciēte minus si à bile est obstructio, quā
 si à pituita.

2 Materiam apparantibus, vt syrup. inci-
 dentibus, tenuantibus, aperientibus, primo
 mitioribus: vt dictis, & de bizantiis cū ace-
 to: deinde de duabus radicibus, postea de
 quinque: & item melle rosato, syrup. eupa-
 torij cum aqua cichorij, asparagi, lupuli,
 foeniculi, apij, cassuthæ, eupatorij: purga-
 to prius ventriculo per cassiæ drach. decē,
 vel mānæ vnc. duas, vel diaphœnici drach.
 duas,

duas, tres, vel pilularum elephanginarum scriptula quatuor, ne prædicti syrup. materiis multis & crassis à ventriculo in hepar tractis obstructions augeant.

3 Bilem crassam, & mistam ei pituitam vacuantibus: vt, agarico potèter obstructa liberâte: vt rhabarbaro ad drach. duas, vel tres infuso horis decem, vel duodecim in aqua cichorij, vel intybi, & pauco vini albi odori, & fortiter expresso: cui in robustis addere potes agarici trochiscati drach. vnâ & ad saporis gratiam iulepi violati vnciam vnâ: vel diaphœnici, aut E. indi. vnc. dimidia, vel hieræ simplicis, cum melle, vnc. vna, agarici trochiscati drachma vna. Clysteribus etiam acribus, & quorum vis intestina tenuia attinguat, est opus: quibus etiâ citetur aluus alioqui his pigrior, quia bilis ad eam ferri ferè desit propter obstructionem. Vena quoque secatur, vel basilica vel saluatella vulgò dicta, inter minimum & annularem digitum media dextræ manus: præsertim cum bilis sanguini est mista: sic enim humores in hepate fixi agitantur, stationemq; deserunt. & obstruere desinunt.

4 Meatus aperientibus syrupis, & a-
quis prius dictis materiam apparare: præ-
terea

terea radicibus quinque apij, fœniculi, asparagi, rusci, petroselini lotis, & ad dimidias ex aqua coctis: adhuc foliorum raphani cōtusorum decoctū, vel eo gratior aqua inde destillata matutinis quatuor, sumpta ad vnc. quatuor. Lumbrici quoque siccati & sumpti cum vino albo, & saccharo ad saporis gratiam, à nesciente ne auerfetur, icterum sanant Auic. & aliis permultis, vi quaedam secreta: idem pulvis cum syrup. de bizantiis in pilulas formatus, quæ auri foliis intectæ sumantur: & postridie bibat serum caprinum. Idem præstat Auic. stercus canis ossibus tantum pasti: prassij itē decocti ex vino albo tenui vnciæ quatuor saccharatæ matutinis aliquot potes, omnem icterum sanant: vel vnc. quatuor decocti perfecti cicerum rub. & radicum asparagi. Capræ item prius nutritæ herbis aperientibus, fœniculo, apio, petroselino, rusco, lupulo eupatorio, asparago. lactis libræ tres, accipiant nocte vna seminis cnici pugillum vnum: postridie caseosa eius substantia separata serum potu icterū liberat Auic. Idē præstant aperientia hæc, scilicet dialacca, diacucurma, diacalaminthe, à drach. duabus, ad drach. quatuor, & trochisci rhabbarbari, eupatorii, rosarū. ad drachinā vnā cum aquis prædictis, mutata sepe remedij forma, vt in cæteris.

cæteris affectibus diuturnis: ne vni natura assuescat, sed semper in id fiat mutatio, quod affectus & affectæ partis natura & aëris ex postulat. Cutis autem & oculorum color flauus tollitur, partim mouentibus vri- nas dictis, partim admotis, scilicet balneo ex decocto chamæmeli, meliloti, & similiū: balneo item sulfureo, & aëre calido, cæteris- que poros aperientibus, & humorem tenuā- tibus, forasq; trahentibus, & sudore vacuā- tibus. Oculo autem conferunt sternuta- menta, quia materiam excutiunt, & acetū calidum odoratum: vt eius vapore apertis- poris materia exhalet. Eisdem initio aqua rosarum applicari potest, ne adeò tingan- tur: aliis autem temporibus hæc & cætera astringentia sunt noxia.

Si autem icterus est niger, curatur vt præ- cedens, sed remediis melancholiæ debitis: de quibus in lienis affectibus.

*Obstructionis hepatis
curatio.*

Hepatis obstructio à materia multa, crassa, lenta, curatur remediorum ge- neribus quatuor.

I Viçtus ratione tenui & tenuate, præfer- tim vbi multus & crudus est succus: post co- ctionem verò vino albo tenui, capparibus, radicibus petroselini, cichorij, apij, fœni-
k culi.

culi. vitentur autem vina crassa & dulcia omnia, & acerba & cruda, & cetera crassum & lentum succum gignentia: somnus item diurnus, præsertim mox à cibo, & diuturnus.

2 Post purgatum per cassiam, aut hieram picram, aut pilulas elephanginas ventriculum, incidentibus, & tenuantibus, & tergentibus materiam: ut melle rosato, oxymelite, syrup. bizantiorum, radicum duarum aut quinque, eupatorii cum aquis fœniculi, cassuthæ, eupatorii, asparagi.

3 Materiam obstruentem vacuantibus: ut venæ basilicæ dextræ sectione, omni magnæ obstructioni hæpatis, etiam initio statim competenti: præcipue si à sanguine est, aut etiam pituita cum sanguine mista, aut etiam sola. Cum enim materias exagitet, locoq; moveri cogat sanguinis missio, obstructioni hepatis, etiã à pituita confert: & post hæc diaphœnicon, E. indum, ad drachmas quatuor cum decocto radicum asparagi, fœniculi, rusci, petroselini, apij, & similium, vel agarici trochiscati drachmæ duæ aquis fœniculi, asparagi, & similium, cum paucis salis gemmæ, ut actio eius sit vegetior, infuse horis decem: vel rhabarbari drachmæ duæ aut tres iisdem aquis cum paucis vino albo odore infusæ, addita, si opus est, drac

drachma vna diaphœnici vel agarici trochiscati: pilulæ etiam de rhabarbaro, cum paucio diarhodo ad calorem earum remittendum.

4 Vias iam purgatas aperientibus, frigidis quidem, sed tenuantibus in materia calida, vt, bile crassa, qualia sunt intybus hortēsis & agrestis, cichorium, & omne seridis, sonchi, hieracij, chondrillæ genus: syrup. cichorij à Nicolao scriptus, cum rhabarbaro, aqua foliorum, & radicum plantaginis, decoctum quinque seminum communium frigidorum, rhabarbarum. Si frigida autem est materia, calidis syrupis, & aquis ante dictis in secundo remediorum genere, aperiendum. Si vtræque misceatur, temperatis: vt, lupo salictario, vuis pæsis, glycyrrhiza, adianto albo, trochiscis rosarum, vel eupatorij: vel calidis, & frigidis prædictis certa mensura mistis: vt, dialacca, diacucurma, præsij decoctum, trochisci rhabarbari cum aqua cichorij, intybi diarhodo. Si ob vasorum hepatis, & in his extremis osculorum angustiam obstructio fit, hac percurata vitentur crassa, lenta, multa alimenta, motus, balneum, studium: somnus mox à cibo. Si ab hepatis imbecillitate, illi prospiciatur vti antè scripsimus.

k

z

Hyd

Hydropis curatio.

HYdropis ascites curatur tribus reme-
diorum generibus.

1. Victus ratione calida sicca: quoniam causa eius tumoris in ventre continens, & propinqua, est aqua frigida humida: ad hęc hepatis actio, scilicet sanguificatio frustrata est ab intemperie frigida, licet eam intemperies calida sanguinem & spiritum resolvendo excitet interdum: tuncque minus calidis pugnandum est, quàm dum à frigidis causis abolita est sanguificatio. Viuat igitur in aëre libero, calido, sicco, natura partus anni, aut nostra industria, ignibus luculentis, suffitibus aromatum. Cibi condiantur pipere, caryophyllis, & similibus aromaticis: sed ij si vires valent, sint pauci, vt calor natiuus aquas illas interea resoluat. Vinum sit album tenue, sed paucum: vinosum tamē, nisi à causa sit calida. aquam verò ne spectent quidem, quod siti inexplata cum torqueantur, visa illa ad bibendum incitantur.

Exercitatio & vigilia largior quiete, & somno est salubris, nisi magna ex tumore spirandi difficultas prohibeat.

2. Aquas hydropem excitantes, vacuantibus primò purgatorijs: vt, sero lactis caprini, rhabarbaro, hepar etiam roborâte, agarico

rico hepati innoxio, succo brassicæ marinæ
(quam soldanellam vulgus, arabes cachitā
vocat) citra molestiam hydragogæ, & he-
par roborante (Quæ duo effecta in hydro-
pe curando sunt necessaria) ac etiam faciei
maculas tergēte. *Serapio.* Datur autem à drachmis
tribus ad quatuor Myrobalanis citreis
etiam in causa calida : sagapenum item in
catapotia Mesuæ formatum drachma vna,
valentius purgat quàm brassica marina.
Radicum quoque ireos syluestris, aut ex lo-
co sicciore, purgatarum, lotarum, & trita-
rum succus residēdo purgatus, quarto vel
sexto quoque die sumptus: primò ad dra-
chmas duas, tres, tandem ad vnciam
vnā, seu cum Gordonio, quantum di-
midia oui testa contineri potest, aquas va-
lenter purgat, & curabilem omnem ascii-
tem persanat intercedentibus verò die-
bus hepar roborabis succo vel aqua, praf-
sij, absinthij, cassuthæ : his etiam omni-
bus aquas hydropis purgantibus miscen-
da sunt hepar roborantia : aut post illa
sunt sumenda : datur etiam eius succi se-
muncia cum syrup. capil. vene. vel si friget
cœlum cum syrup. absinthij, aut prafsij
vncia vna, & vini albi parui vnc. duabus,
vel decoctum ireos diebus nouem, horis
tribus ante cibum datur : vel radicis hu-

ius talecolæ decem, vino albo imbecillo macerantur nocte: postridie vinum ipsum mane bibitur diebus aliquot magno successu.

*Aph. 27.
lib. 6.*

Fiant autem vacuationes aquarum parvæ, sed frequentes, ut interim roboretur natura. Thymelæa quoque (mezereon Arabes vocant) & ex ea electarium Mesuæ drach. duabus sumptum, magna molestia multas aquas vacuat, nocetque hepati: ob id non utendum: nec daphnoides, quam laureolam vocant: succus quoque cucumeris agrestis siccatus, elaterium vocant, omnium purgantium durantissimus: nam Plinio etiam centum annos integer servatur. euphorbij quoque grana octo, & pilulæ de euphorbio Mesue, vna parva pilula, datæ etiam in quartana, & arthritide frigida, multum vacuant, sed clementia sunt tutiora: ut, agaricus, rhabarbarum, brassica marina, iris.

*Apho. 12.
lib. 6.* Venam verò in hydrope ne seca, quia intemperiem frigidam hepatis vacuato sanguine auxeris, nisi hydrops sit à suppressis mensibus, aut hæmorrhoidibus, sanguine utrinque vacuari consueto, in vasa, & hepar regurgitante, & colorem eius nativum præcopia, & crassitiæ, & qualitate sæpe aliena strangulante. Quamquam autem in ascite & tympanite interdum rubra sit urina, non
ob id

ob id vena secanda est, quia talis fit ob imbecillitatem facultatis hepatis coquendo fecermentis. Si hydrops est ab hepatis tumore aliquo præter naturam, is antè est curandus, vt antè est præceptum.

2 Secundò, vreticis & aperientibus inter purgatoria sumptis : vt, syrup. bizantiorum, duarum & quinq; radicum cum aqua, aut decocto absinthij, fœniculi, prassij, cassuthæ.

3 Tertiò per insensilem transpiratum resoluentibus : vt, ventris solius insolatu, aut in arenis calentibus inpositu, aut balneo ex vrina pueri biliosi, aut suffitu per mensam, foramen ventri recipiendo æquale habentem, facto ex decocto saluiæ, maioranæ, rorismarini, pulegij, chamæmeli, anethi, origani, calaminthes, stœchados, foliorum lauri, salis, aluminis, sulphuris in vini albi, & lixiuij, ana lib. octo : impositis sæpe lapidibus ignitis, ne frigescat. Ne autem vapor disperdatur, dolio suffitus materiam continenti, aut panno denso prohibe. Ventri etiam applicare possis sacculos, arena, sale, alumine, sulphure plenos, vel oleû lilij, anethi, vel puluerē seminis anisi, baccarū lauri, & similiū: vel ex his & stercore caprino, aut vaccino à vacca adhuc calido cataplasma : vel vnguētum agrippe, vel

k 4 limaces

Gal. libr. limaces cum testa tritos cataplasmati mo-
11. simpl. do, donec per se cadant, admouere.

Postremò ventris incisione aquas emitte-
 re licet, vbi cætera nihil profuerunt, si æger
 est iuuenis & robustus: nec tamen vniuer-
 sim vacues, sed particulatim per dies ali-
 quot. Aperitur autem ad musculum obli-
 quum ascendentem dextrum, si hepar pri-
 mariò est affectum: sinistrum verò si lien cu-
 te prius deorsum reuulsa, vt post incisionē
 locum naturalem repetens, hiatum obtu-
 ret, ne aqua largior effluat, vel immisso si-
 phone in hiatū: aqua autem quotidie bis,
 aut ter siphonis operculo ablato mittatur,
 ægro interim roborato cibis delectis, & con-
 dituris analepticiis: vt dialaccæ drachmis
 duabus mane sumptis: vel diacucurma,
 cum aqua intybi, absinthij, cassuthæ, & ci-
 bis calidis modicè humidis, tenuibus, co-
 ctu & distributu facilibus: aut si causa est
 calida, electario trium santalorum, diarho-
 do abbatis Hepar quoq; lupi, & rhabarba-
 rum, & trochisci ex eo hepar mirè robo-
 rant, bis in hebdomada dati ad drachmas
 duas, & alia q̄ rota sua substātia hepar robo-
 rant electuariū de vino, syrup. de bizantiis,
 si calida est causa, si verò frigida, syrup. ab-
 sinthij cū aqua præsij, cassuthæ, eupathorij.

Hydrops tympanites curatur:

calida

1 Victus ratione, vt prædictus hydrops calida sicca, & flatus resolvente, & fuga eorum omnium quæ flatus gignunt, fame, siti, exercitatione.

2 Flatus ipsos dissipantibus medicamentis, & aquas, pituitasq; flatuum fomites vacuantibus antè dictis & dicendis. Flatus autem dissipant, ventri impositi calentes sacculi ex milio, panico, sale, cinere, fufure, & sulphure: spongiæ item vel panni merfi decocto chamæmeli, meliloti, organi, calaminthes, & similiter resoluentibus: vesica eodem decocto plena.

Cucurbitula quoq; magna cum larga flâ *Gal. libro*
ma, bis, terve vmbilico imposita sine inci- *13. Mehe.*
sione mirè flatus in colico dolore, & tympania resoluit. Galâga, cuminum, diagalâga, diacyminû, dianioschus salubriter sumuntur, & E. de baccis lauri drach. tres, vel semuncia, clysteribus miscetur factis ex rutæ, saluiæ, ana ma. vno, florum chamæmeli, meliloti, anethi, centaurij parui, chamædryos, ana pug. vno, se. anisi, cymini ana drachmis duabus coctis in lixiuio, aut vino, aut hydromel, aut aqua fabrorum, addita hieræ picræ semuncia, & olei anethi, aut rutæ, vnciis tribus: balani quoque ex dictorum puluere, misto cum melle cocto ad consistentiam idoneam. Ventrem quoque lin-

teis calidis fricuisse bonum est, & apertis poris tenuati flatus exhalent: melius cum manibus carnosiss, & calentibus, & admotis animalium visceribus natura sua calidis.

3 Dispositionem hepatis, causam mali, tollentibus: iis scilicet, quæ illi dispositioni sunt contraria, & hepar roborant: de quibus sæpe prius est dictum. Raro autem hydropis species sunt simplices, sed ferè secum implexæ.

Hydrops sarcites (qui & anasarca, & hypofarca, & leucophlegmatias dicitur,) curatur victus ratione, vt hydropes dicti, calida sicca: vt, aëre æstivo, natura vel industria, fuga frigidi, humidi: qualis pluuius, nebulosus. Cibo pauco, raro, ob coëctricis & sanguificæ facultatis imbecillitatem coëctu facili, sed euchimo, aut tenui potius quàm crasso: vt, vino flauo, sed pauco, carnibus delectis, vitellis ouorum recentium forbilibus, pane duro, aut biscoëcto: vino, si opus est, merso, & asperfo interdum puluere cinnamomi, caryophyllorum, galangæ, macis, anisi, amomi, lacæ lotæ: aut per hunc puluerem vino aliquoties colato.

Exercitatio quæ sudorem excitet continenter tergendum, est salubris, si vires valent, aut eius vice frictio multa, mollis, aut
medio

mediocris: vigiliæ item & affectus animi, & siccantia reliqua.

2 Materiam pituitosam per carnem & habitum corporis totum sparsam, primum apparantibus dictis in ascite: vt, melle rosato, oxymelite simplici, syrup. duarum & quinq; radicum, cum aqua absinthij, fœniculi, cassuthæ per dies quinq;, aut sex: diutius enim apparanda, quàm ascitæ materia fluxilis & liquida, ventriculo propinqua, & hepati. deinde vacuantibus: vt, hieræ picræ mellitæ vncia vna, vel eiusdem semuncia cum agarici trochiscati drachma vna, vel pilularum de rhabarbaro drach. duabus, quarto quoq; die sumptis: (pituitam enim, & ex hac putrefacta bilem purgant, & hepar roborant,) vel rhabarbari, & agarici trochiscati, ana script. duobus septimo quoque die sumptis, vel diaphœnico, E. indo. quamuis scammonium hepati noxium est: post ea autem scammoniata dantur, quæ noxam emendent, aut potius cum his vel ante hæc, quæ noxam prohibeant: in quibus enim affectibus hepar imbecillum est, quæ ipsum lædant fugienda sunt: vt scammonium, elleborus, colocynthis: quibus si coacti vtimur, diebus consecuturis ea demus, quæ ipsum roborent, & noxam corrigant, vel potius

tius ante: propinanda autem simul quæ prohibeant. Vacuandum est autem sæpe, quia affectus est longus, & solui contumax. Bilem verò in hydrope vacuari nolunt quidam, quòd ea calida sicca pituitam frigidam humidam coërceat & emendet: nisi fortè hydropi complexa sit febris biliosa, aut pleuritis. Tunc enim vt in complicatis affectibus contraria remedia indicantibus, vrgentioris maior est habenda ratio, non neglecto tamen altero. Venæ autem sectio quanquam omni hydropi est noxia, maxime tamen tympaniæ, medio modo ascitæ, minimum hypofarcæ: quia in hac hydropis specie, minus quàm prædictæ duæ maligna (tympanias enim pessimus, ascites amborum est medius) cùm in venis contineatur, vt in aliis duobus sub peritonæo, aliquid eius cum sanguine vacuatur, præsertim si anasarca est à suppressis menses, aut hæmorrhoidibus. Vacuatur item materia hæc vreticis: vt syrup. bizantiorum, & succo prasilij, vel decocto eiusdem, aut rad-

Libro 11. cum petroselini, apij, fœniculi, rusci, aspa-
simp. et 3. raji. Cantharides autem vitandæ, quia
sempe. & flatulentæ, & vesicam vlcérant: Foris ad-
de theria. mota materiam hanc resoluunt: sol æsti-
us. uus nudo corpori occurrens, aut arenæ
 ab hoc calfactæ, cinis ex vino frixus, laco-
 nicum

nicum, suffitus per lapides ignotos: ex decoctis in vino, foliis lauri, anetho, origano, abrotono, saluia, roremarino, & similibus. Balneum quoq; salsum, nitrosum, aluminosum, sed sulphureum naturale, aut etiam artificiale melius: salubre etiam ægrum mensæ incubantem inmitti in clibanum extracto pane tepentem, sic tamen vt caput sit extra præfurnium, ne calido aëre suffocetur.

3 Dispositionem hepatis, anasarcae causam tollentibus, vt obstructionem, vt tumorem præter naturam, vel intemperiem aliquam simplicem vel compositam, imbecillitatis effectricem, sanantibus contrariis: vt intemperiem frigidam oppugnabimus electario dialacca, diacucurma, absinthio, eupatorio, rhabarbaro, throchiscis de rhabarbaro per se, aut cum puluere diarhodi, si calor metuitur.

Doloris splenis curatio.

Dolor splenis si ab intemperie est sola calida, frigida, humida, sicca, simplici vel composita: contrariis æqualibus sumptis & admotis est alteranda: vt pars ad temperiem iustam redeat: quam rem victus ratio in sumendis, admouendis, educendis, & faciendis, abundè præstabit. Si verò est ab intemperie cum materia, calida quidem, vt
melanc

melancholia, tribus remediorum generibus curatur.

1 Materiam apparantibus syrup. fumarię, epithymi, acetato, intybi, cum aqua intybi, oxalidis, fumarię.

2 Eandem vacuantibus, vt pilulis aureis aggregatiuis, folliculis fennę, ꝥ. hamech.

3 Reliquias resoluentibus, & partem roborantibus, sumptis quidem: vt, diarhodo, abb. ꝥ. trium santalorum, saccharo rosato, & prædictis syrupis, & aquis. ad motis verò oleo rosato, violato, vel aqua plantaginis, rosarum, violarum, cum ipsarum puluere. Si autem materia est pituitosa, aut succus melancholicus, apparanda est sæpe dictis prius auxiliis, sed valentioribus, quàm si in hepate esset similis affectus, quòd lien à ventriculo per venas mesaricas longius abest: ob id ipsius remediis accitum est miscendum, vt si causa est calida, syrup. aceratus: si frigida, oxymeli simplex, compositum, scilicet syrup. de radicibus duabus, quinq;. Post vacuanda agarico, hiera picra Gal. diaphœnico. Intemperiem verò splenis frigidam tollent, sumpta quidem, theriaca, diamoschum dulce & amarum, ꝥ. aromaticum rosatum, ꝥ. ex baccis lauri admota verò decoctum rutę, anethi, pulegij, calaminthes, chamæmeli, se. anisi, cumini

lib. Meth.

II.

cumini, ex spongia, aut vesicæ impositum: post id, oleum capparum, rutæ, anethi. Si dolor est à tumore præter naturam calido, vt, phlegmone, auertenda est fluxio, secta basilica sinistra, nisi mensium suppressio, aut hæmorrhoidum eam phlegmonem excitarit: tunc enim secanda vena malleoli, aut poplitis: repellendumq; foris ad motis frigidis: vt, oleo rosato, violato, aqua ipsarum, & plantaginis: idq; in principio fluxionis. In augmento autem repellentibus frigidis, & parum astringentibus, misce pauca quædam leuiter digerentia: vt, oleum chamæmeli, amygdal. dulcium. In statu digerentibus magis agendum: vt, decocto chamæmeli, meliloti, althææ, se. lini, fœnigræci, oleo amygdal. dulcium, capparis, in varias medicamenti formas compositis: sed caue ne durescere paratum lienem obdures: ac ex ipsius phlegmone scirrhum excites, valentius & intempestiuius, vel refrigerando, vel digerendo. Postremò vacuata omni materia pars roboranda oleo mastichino, & rosato. Si autem splenis est tumor durus, vt ferè fit, ab humore melancholico, curatur tribus etiam remediorū generibus.

¶ Post victus rationem ex curatione melancholiæ morbi repetitam: his quæ materiam melancholicam expelli apparant: vt,
 syrup.

syr. thymi, epithymi, fumarix, de pomis,
 & simul acetatis, syr. acetato simpl. oxy-
Gal. li. 4. melite aliquo (nam in liene & carnosis par-
Meth. cor. tibus scirrho affectis, tutus est aceti vsus
 Gale.) cum duplo aquarum scolopendrij,
 asplenij, fumarix, tamaricis: quæ omnia to-
 ta substantia lienem iuuare probata sunt.
 Ob id vinum iisdem aquis diluunt, vel va-
 se ex tamarice continent antequam bi-
 bant, vel vino macerant folia aut cortices:
Hippo. in præsertim radicum tamaricis. hæc q; mul-
natura hu tos dies sumenda: quia humor hic appara-
mana. tu & purgatu difficilis.

2 Vacuantibus melancholicum succum:
 vt confectione hamec: pilulis fumarix, in-
 dis, lapidis armeni, vel cyanei, à drach. vna
 ad script. quatuor, myrobalanis indis, cum
 epithymi drach. 2. & oxymelite. frequenter
 autem materia hæc tum apparanda, tum
 vacuanda est: propter dictam prius cau-
 sam.

3 Tumorem durum mollientibus, & di-
 gerentibus: vt, vnguento ex medulla cruris
 cerui, aut vituli, adipe anseris, gallinæ, oleo
Gale. lib. amygdal. dulcium: vt, emplastro de meli-
14. Meth. loto, vt ceratis Mesuæ cæsypatis, vt hammo-
 niaco in aceto communi, vel scillitico solu-
 to, addito oleo amygdala. dulcium, vel cap-
 parum: quod remedium est efficacissim.
 vt vng

vt vnguento ex succo, vel substantia tota
radicis bryoniæ, aut cyclamini, cum oleis
prædictis, & cera pauca facto: quod effica-
ciss. post victa alia est, ac certiss. Vt fotu ex
decocto florum genistæ, radicum capparis,
foliorum tamaricis, scolopendrij, asplenij,
ex spongia vel vesica imposito: vt, butyro
liquato, & subacto diu, cum hoc decocto: &
deinde spleni illito.

Doloris colici curatio.

Colicus dolor citò curandus, quia ob
vehementiam vires maximè proster-
nit. Si verò est mitior, & dat inducias, cly-
stere primùm vacua: vt viam aperias, per
quam facienda est vacuatio, etiam si aluus
est libera: deinde purga medicamento, phle-
gmagôgo, si pituita est causa: cholagôgo, si
bilis eo refusa, vel attractæ ab eo in ventrè
materiæ, & libero exitu prohibitæ, ad par-
tes principes sursum regurgitant. Si autem
intestinis solis hærent, medicamento opus
est, cuius vires hepar non superent: vt hie-
ra picra. Si verò materia est rodens & mor-
dax, & vlcerans: clystere blando laua, & do-
lorem mitiga. Si pituitosa & flatuosa, etiã
scammonio & turbith: cum cibo, vel mitio-
ribus aliis sumpta, sunt remedio. Dum au-
tem materia est crassa, lenta frigida, mul-
ta, quæ valenter calfaciunt sumpta, inie-

1. Et. ad.

*Gal. li. 12
met. ubi
pulchra
est colicū
dolorem
curandi
ratio.*

Sta, admota, flatibus excitatis tensionem, & ab ea dolorem augment: vt etiam docet Galenus libro methodi septimo, & duodecimo. Sumpto autem clystere, æger in partē magis dolentem cubet. Si autem iniectio recipi in intestina per flatum prohibetur, habe fistulam biforem: vt foramine vno, materiam iniicias, altero flatum foras erumpant. Si balanis vtendum, sint longæ digitos circiter septem: vt, penitus vim suam immittant. Quod si dolor his non cedat, & sit maximus, narcoticis vtendum, præsertim si materia est calida. Si enim frigida est, vsu narcotic. crassior euadit, & contumacior expelli, malumq; paulopost grauius sæuit, siue pituita erat, siue flatum.

Foris autem admoventur narcotica emplastri forma: intro autem recipiuntur probe castigata: vt, philonium, theriaca recens: sed victis prius remediis omnibus aliis, & parua mensura. Dolor igitur imprimis est sedandus prædictis remediis causam auferentibus, qua desita, dolor cessat: materia interdum prius apparata, & post vacuata: interdum ad vomitum reuulsa, resoluta ve per admota. Quod si dolor vehementer vrget: admotis, aut iniectis primò pugnandum est anòdinis, hoc est calidis moderatè, vel non vltra primum gradum, (vt partem

mate

materiae clementer digerant, neq; nouam, vel attrahant, vel ex pituita ibi cōtenta excitent) & humidis, vt partes laxatae tensioni magis obediant: ob id minus doleant.

Qualia sunt, decoctū seminis, & foliorū lini, foenigræci, foliorū maluæ, althææ, anethi, foeniculi, florū chamæmeli, meliloti, & similiū: vel clepsydra ex alto vētri vndique lana munito affusum, vel potius ex magna spongia expressa, aut in vesica admotū. Fōtus itē cū simili spōgia, aut vesica ex oleo cōmuni, lini, chamæmeli, anethi: stercus etiā vaccinū vtiliter admouetur: filū itē ex lixiuio cū cineribus coctū, calidū admotū: infessus vētris totius inferioris per semihorā in balneo ex dictis plantis cocto. Mora nāque in ipso, vires dolore, inedia, vigiliis fractas nimis deiiceret: ob id interea dū infessu dolor placat, olfaciat aromata, & suaues alios odores ad viriū robur: manus etiā & pedes lauet aqua rosarū, & vino aromatico.

Clystere item iniicitur decocti prædicti, vel iuris pinguis, vel olei chamæmeli, vel nucum, vel lini, quod efficacissimum est, lib. vna, cum cassiæ & saccha. ana vncia vna, vitellis duobus ouorū. Sumuntur verò decoctum, vel aqua destillata chamæmeli, ius galli, aut gallinæ, aut simile pingue, cum multo croco. Quibus victis & viribus

1 2 deficient

*Mesues in
theorema
2is tertij
fine.*

deficientibus, narcotica iniiciuntur potius
quàm sumuntur, præsertim causa calida:
nam frigidam augment, siue pituita est, siue
flatus: fitque dolor non multo post sæuior.
Clysteribus ergo prædictis misce philonij
Romani drachmas duas, tres: vel idem il-
line balanis filum habentibus, vt tempesti-
uè retrahantur: nam mora calorem nati-
uum interdum extinguunt, & occidunt ca-
ro vel apoplexia. Opium etiam castorio fla-
tus dissipante, & sibi maximè cōtrario cor-
rectum, interdum victis prædictis inditur.
Vinum quoq; aromaticum clystere iniectū
in materia frigida, & flatu, salubre est. Si su-
mi ea est necesse, egetea, aut fortior atha-
nasia à drachma vna ad sesquidrach. vel
his valentius philonium ad drachmam vnā
dantur. Tutissimè autem horum drachma
vna, vel scriptula quatuor sumuntur cum
purgantibus: vt, hieræ picræ Gal. mellitæ
drachm. sex, diaphœnici drachmis duabus,
E. indi drachma vna: nam calida opij vim
frangunt, & ipsum mox vacuant cum par-
te materiæ: opium contra calidorum vio-
lentiam obtundit, & tamen agit, sed mode-
ratus. Ea mistio medicorum probatissimis
maximè probatur in colico dolore vehe-
menti, quòd tuta sit & efficax. Tota verò
substantia colicos iuuant, stercois lupi ossi-
bus non

*Ga. li. 10.
simpli.*

bus non præmansis plenum, aut ipsius intestinum collo appensa: castorium etiã caliditate & siccitate idoneum: lumbricorum terræ, vel cornu cerui drachma vna, cum vino albo pota: scorpiones affati per se calculum quidem renum frangunt, motis verò vrinis auertūt materiam, & sic colicum iuuant: tanti tamen momenti in id non sunt, vt sumi debeāt. Ofsium mespilorum drachma vna cum semine anisi cum vino sumpta calculum frangit, & colicum dolorem sedat: secretum quorundam remediū. Si autem à pituita est dolor colicus, victus rationem pituitosis affectibus debitam seruet: ventrem leniat dictis clysteribus: sumat etiam blandum phlegmagogum, vt hieram picram Gale. diaphœnicon, electarium indum. Apparetur deinde oxymelite aliquo, vel syru. radicum duarū, aut quinque, iterum purgetur, sed valentius: vt, hieræ mellitæ vnc. vna, diaphœnici drachmis duabus, vel E. indi: quanquam materia in viis istis capacibus non magnoperè eget apparantibus: præsertim vbi magnus dolor non dat inducias, nisi materia sit multum crassa, lenta, infarta, etiam hiera diacolocynthidos vacuanda. Reliquiæ postremò resoluuntur oleis chamæmeli, lilij, anethi, rutæ, cum se. cumini, anisi, fœniculi, baccis lauri,

l 3 lauri,

lauri, cum abrotono, pulegio. Sumitur aromaticum rosatum, E. de baccis lauri, diagalanga, diacyminum, diamoschum. Si succus est biliosus (quod rarum est) aut melancholicus, vacua dictis clysteribus. Sumat cassiam, mannam, terebinthinam ad vnciam vnam, vel ius galli antiqui cum polypodio aniso, foeniculo, vel agarico, turbith pro variis scopis cocti ad dissolutionem: ad vncias octo, vel decem sumatur. Si dolor in colo sit à phlegmone, cura phlegmonem, ut dixi sæpe. si à vermibus, post audies. Si à malo situ, vel hernia, elatis cruribus succusso corpore per crura reddatur loco suo. Si à flatibus, leuiora primum tenta, quæ flatus dissipent: præsertim cum adest materia flatum fouens: ut puluerem anisi, cum vino dabis: valentiora, diacyminum, diagalangam, E. de baccis lauri. Cucurbitula magna loco dolenti affixa mirè leuat, & repente clyster ex oleo nucum, vel rutæ, cum hieræ, terebinthinæ, E. de baccis lauri ana vncia dimidia, valens est, etiam si pituita subest.

Ca. li. 12.
meth.

Flueris alui à catarrho curatio.

Fluor alui à catarrho, vel acri, & pungente & salio, vel vitreo, vel acido, vel insipi

insipido, vel dolci, ex cerebro ruente, nunc per œsophagum in ventriculum: nunc per mesaræum in intestina: nunc in vtraque: qui vim retêtricem, vel qualitate, vel quâ-
tate molestat: aut lubricam, & ad continē-
dum ineptam reddit. Hunc autem indicât
catarrhus, vel præcedens, vel etiam dum
præsens: capitis grauitas ex austrino flatu,
statu pluuiæ, somno diuturno, victu intem-
perato, cerebri intemperie frigida, sensus
fluxionis ab egro perceptus. Curatur quo-
modo affectus cæteri ex fluxione profecti,
prospiciendo scilicet imprimis parti flu-
xionem transmittenti cerebro ipsæ, per di-
cta prius remedia in catarrho. deinde par-
tibus fluxionem recipientibus: vt, ventricu-
lo per remedia antè dicta in ventriculi im-
becillitate, materiam scilicet primùm appa-
rantia: deinde vacuantia: vt, hieram picrâ,
diaphœnicum, & indum. Postremò reli-
quias dissoluentia, & ventrem totum robo-
rantia: vt fofus ex absinthio, rosis, mentha,
spica, roremarino, pulegio, calaminthe, ga-
langa, caryophyllis in vino aromatico co-
ctis, vt ex iisdem sacculi, cataplasmata, vn-
guenta cum oleo mastichino, absinthij, mē-
thæ: spicato, vt cerata stomachica: vt sum-
pta aromaticum rosatum, garyophyllatū,
diagalanga, zingiber conditum.

Leuenteria curatio.

Gal. aph. **L**euenteria, id est læuitas, & lubricitas
 1. lib. 6. et intestinorum, sed etiam ventriculi,
 lib. 6. loc. fit, vbi ventriculus à re quapiam, vel mor-
 aff. ca. 2. daci, vel grauante sic irritatur, vt eam ex-
 Libro 6. pellere cupiat. Res verò mordax & rodens,
 sympt. vel medicamentum est per se, aut cum ci-
 bo sumptum, vel alimentorum corrupte-
 la, vel excrementa mordacia in ventrem à
 corporis habitu defluentia, aut in ipso ge-
 nita: vel mordax iudicatur ob vlcera ven-
 triculi, & intestinorum, ab humore acri, &
 tenui excitata, aphthis in ore similia. Gra-
 uatur autem à copia alimenti, vel excremē-
 ti, vel ob imbecillitatem coëtricis, aut retē-
 tricis, aut vtriusq; ex intemperie natam.
 Vnde fit vt alimentum celeriter deiicia-
 tur, quale & quantum est assumptū. Nam
 Aph. 1. Leuenteria vētriculi affectus est qualis dia-
 lib. 6. betes renum, & vesicæ: fit etiam interdum
 resolutio sphinctere intestini recti. Est quā-
 do pituita multa & glutinosa, ventriculum
 & intestina intus sublinens, lubricum facit
 ventrem. Noscitur facilè causa quæuis præ-
 dicta per responsa ægri, & symptōmata
 vnamquamque causam peculiariter sequē-
 tia: vt excreta purulenta, aut cruenta, vlcus
 indicant: & dolor ab acribus sumptis, aut
 iniectis: qua parte vlcus est, magnus: si me-
 dica

dicamentum violentum æger sumpſiſſe dicatur, aut cibum largiorem, vel coctum difficilem, aut crudum, aut frigidum immodicè. Curatur contrariis cauſæ remediis: ſi enim à cibo multo coctum difficili, vel corruptibili: paucum coctum facilem, vel non facilem corruptu impera: ſi à frigidis, calida. Si corrupta eſt materia in ventriculo, vomitu ex aqua tepida vacuetur, vel deiectione per mannam, caſſiam: ſi eſt in inteſtinis, clyſtere educatur.

Si ob materiam multam ventriculo afixam, quod ſæpe contingit: curatur quatuor remediorum generibus.

1 Viſtus ratione incidente, tenuante, tergente: vt, ſaliſis, amariſis, acribus.

2 Pituitam parantibus ſæpe dictis.

3 Vacuantibus vomitu, aut potius deiectione, niſi materia ad os ventriculi erumpat: qui ſi non ſufficit, addatur deiectione per medicamentum à longinquo non trahens: vt, hieram picram, diaphœnicon, pilulas maſtichinas, elephanginas, de hiera: quæ etiam ſalubris eſt, ſi ambigis, an pituita, vel bilis ventriculum offendit: vtrunque enim vacuat.

4 Ventriculum roborantibus ſtypticis, & intemperiem frigidam tollentibus calidis: ad motis quidem, oleis abſinthii, men-

l s thæ,

thæ, masticheis, ex spica illitis : & item vnguentis, acceratis, tum ex his, tum ex pulveratis absinthio, mentha, mastiche, schœnantho, ciperio, galanga, balauistiis, malicorio, cinnamomo, caryophyllis, calamo aromatico: ac denique fotu cum spongia ex vino nigro austero, cui prædicta fuerint incocta. Sumptis autem, aromatico rosato, diacymino, diagalanga, zingibere: condito, myrobalanis cepulis conditis duabus in hebdomada ante cibum, diacydonio cum saccharo & aromatibus, in causa verò calida, sine aromatibus: cochlearibus etiã duobus miuæ cydoniorum aromaticæ ante cibum: syrupo menthæ, absinthii. Hæc enim coëtricem vim & retentricem roborant. Coriandrum quoque cibum in ventriculo valenter continet Auic. Si verò Leienteriæ causa est calida, similiter victus ratione, sed frigida oppugnetur: deinde materia expelli facilis vacuetur, myrobalanis citreis tritis, vel infusis. Postremò intemperies calida tollatur frigidis, & pars roboretur stypticis: vt, iulep. rosato, syrup. & saccharo rosato, syrup. cydoniorum, granatorum, E. diarhodo abb. E. trium fantalorum. Si Leienteria est ab vlcerebus, quales aphthæ sunt in ore, tergeantur, & cicatrice tegantur remediis aphtharum, aut phthysicis. Si à flatibus,

tibus, curetur remediis colicis. Si à dolore ventriculi, remedia prius scripta habes.

Dysenteria curatio.

DYsenteria, id est intestinorum difficultas ab vlceribus, remediorum generibus quatuor curatur.

I. Victus ratione, si materia est calida, vt ferè fit, refrigerante: vt cibus parùm acidis ad excitandam appetentiam per consensum prostratam (vitentur autem acetum, falsa, acria: quia vlceribus hæc sunt mordacia) iisdem paucis, vt partes largiori alimento destitutæ, contumacius quem habet humorem, retineant: neque ita promptè intestinis dolore vlceroso trahentibus permittant. Sint quoque cibi actu frigidi, vt appetentiam inuitent, & naturæ inter se similis, non diuersæ aut contrariæ: & euchymi, & coctu faciles, ob ventericuli imbecillam coctricem, & retentricem. Tales enim citò cocti promptè distribuentur: quales sunt, testes gallinaceorum, hepata gallinarum, oua forbilia: nam liquidiora ventrem leniunt, dura ægrè coquuntur: aqua carnis, contusum carniū, milium, far, panicū, oryza, super tegulam ignitam assata, lentes excorticatæ, lac acidū (quod fit lacte per noctem serenā in aëre deposito, & deinde ebutyrato) lapidibus,

bus, aut ferramētis ignitis ter, quater vstu-
latum. Vinum aut nullum bibatur, aut sty-
pticum, idemq; aqua chalybata dilutum,
vel decocto. se coriand. vel baccarum rhois,
vel oxyacanthæ, addito si vis saccharo ro-
sato, quod per se, vt iulep. rosatum, etiam
salubre est.

Gal. aph. 2. Materiam dysenteriae causam vacuan-
2. 4. li. 4. tibus, vt bilem, causam eius crebriorem in
regionibus calidis, myrobalanis citreis tri-
tis ad sesquidrachum. vel, ad semunc. infu-
sis in aqua calida: deinde ter feruefactis, &
valenter expressis, cum syrup. aut iulepi ro-
sati vncia vna, ad tollendam asperitatem,
aquæ plantaginis, buglossi q. s. Sunt qui
rhabarbarum quoque exhibent: quod alij
cur damnent, non video: vitentur autem
scamoniata omnia. Sunt qui corticū myro-
bal. cepularum drachmas tres, citrearum
drachmas duas, vuarum passarū drachm.
vnam. spicæ parum. trita macerāt aqua ab-
sinthij, plantaginis, buglossi: duodecies fer-
uefaciunt: vbi refrixerunt, manibus fricāt,
valenter exprimunt, addunt catholici dra-
chm. duas, rhabbari drachm. semissem.
Vhi verò processit multum morbus, & bilis
multa, tum à natura, tum à nobis est vacua-
ta, & venter inferior astrictione maiori in-
diget, magna rhabbari potius, quàm rha-
barba

barbarum ipsum, super tegulam ignitam
sæpe vertendo assatum, est salubræ, & para-
tu facile. Secundo aut tertio die refrigerā-
do bilem crassantia, & obtundentia dātur:
vt, syrup. intybi, violatus, cum aqua planta-
ginis. Vbi verò processit, nec tantus est me-
tus retinendæ materiæ, syrup. rosatus, cy-
doniorum cum aquis rosarum, plātaginis:
iterum myrobalanis citreis, & rhabarbaro,
partim integro, partim assato purgamus:
deinde ieiunis hepar fouemus decocto san-
talorum, rosis, spodio cum aqua rosarum,
intybi: additis tandē aliis quoque astringē-
tibus. In his autem regionibus septentrio-
nalibus, ex aëre & victus genere à pituita
vitrea, & salsa, cinesmi, & dysenteriae magis
fiunt, vel in ventre genita, vel in ipsum cor-
riuante ex capite, aut corpore vniuerso.
Phlegmagogis curatur. Si autem ab atra-
bile incoeperit, cur lethalis sit Hipocrati,
docet Gal. apho. 2 4. lib. 4.

3 Vlcera sanantibus, sed prius lotis à bi-
le, vel mucco mordaci intestinis, per inie-
ctiones ex aquæ hordei libra vna, vitellis
duobus, sacchari rubri vnc. vna. Quæ inter-
dum curandæ dysenteriae sufficiunt: inter-
dum post eas, emplasticis opus est, internā
intestinorum superficiem contra fluentis
materiæ morsum, ceu tectorio quodam, &
crusta

crusta armantibus: ex albumine ouorum,
 gummi arabico, adipis caprini, ana semũc.
 olei rosati, vnc. duas, diu cum adipe liquan-
 das, & agitandas, ne adeps citò concreſcat,
 boli armenicæ, tragacanthi ana vnciam
 vnā, cum vnciis decem aquæ hordei, si
 lauandum & tergendum: vel tantũdem iu-
 ris pinguis carniũ, si vim emplasticam
 maiorem volumus: addito etiam butyro re-
 centi, in falso, & succo plantaginis. Post in-
 iectiones emplasticas, ne acres materias len-
 tore suo retineant, & affigant intestinis: la-
 uatoria iterum opus est, sicq; vicissim. Vbi
 materia mordax constitit, ac fluere desiit,
 solusq; sanguis fluere perseverat: sarcoti-
 cis, & glutinantibus, & cicatricem ducenti-
 bus iniectionibus vtendum est, ex libra vna
 decocti rosarũ, balaustiorũ, malico-
 rij, rhois, oxyacanthæ, vuarũ gallarũ,
 se. coriandri: addendo boli armenicæ, san-
 guinis draconis, terræ lemnicæ, thuris, ana
 drach. vnā, vel trochiscorum ex terra
 lemnia, drach. duas cum vittellis ouorum
 duorum. Si autem vlcus est profundum,
 pus multum reiiciens, tergendum est clyste-
 re ex decocto furfuris frumẽti, vel ligni ga-
 iaci, vel cicerum rubrorũ, vel ex hydro-
 melite, vel sero lactis caprini, vel lotio: vel,
 si valentius vis, ex lixiuio, vel ex vino ru-
 bio

bro subdulci tergente, & roborante, addendo mellis rosa. vncias duas. Si valentius opus est, muria piscium salforum, aut oliuarum colymbadum. Interdum & valentissimis vtendum: vt, trochiscis ex arsenico. Si autem diligenter deterferis, natura carne implere, glutinare, & cicatrice tegere per se poterit. Quòd tamen vt promptius faciat, iuuanda est clysteribus siccantibus, & astringentibus: vt, decocto lentium, rosarum, balaustiorum, addendo bolum armenicam, terram lemniam: non omisis tamen interea tergentibus.

4. Fluorem astringentibus, ne materia etiam benigna, vacuatione multa ob viarum laxitatem, vires deiciat: maligna autem & corrupta non est retinenda, ne febrem augeat, & alia symptòmata grauiora excitet. Sumuntur in id saccharum rosatum corallio rubro mistum, cydoniatum sine aromatibus, syrup. cydoniorum, trochisc. ex spodio cum se. oxalidis drach. vna. Hæc si non sufficiunt narcòticis dolor sedandus, somnus conciliandus, & materia ceu glaciãda, vt ad fluendum sit ineptior: modò virtus non sit imbecilla, ne calorem exiguum illa extinguant. Sumitur autem athanasia à drachma vna ad scriptula quatuor, vel clystere immittitur etiam drachmis tribus;

bus: balani quoque ex lycio à Rasi descriptæ cum filo sedi imponuntur, ut tempestive retrahi possint, ne sympt^omata afferant prius scripta. Admouetur autem ventri oleum cydoniorum, myrteum, mastichinum, insperso deinde pulvere corallij, rosarum, mastiches, boli armenicæ, sanguinis draconis. In idem efficacissimum est emplastrum Mesuæ, diaphœnicum calidum, in frigida: frigidum, in calida causa dysentericæ. Vapor etiam vini austeri per scoriâ ferri, ferrum ve ignitum elatus, ac sede receptus saluber est: eodem vino vel re similiter astringente, manus & pedes fouere, ventri etiam fluenti robur tandem magnū sæpe affert: maius, cataplasma ex pane medio tosto, vino austero extincto, addito butyro vsto, ol. astringentibus, superdata mastiche. Si à solis intestinis sine ulcere fluor est, curetur clysteribus vires habentibus easdem cum remediis per os sumptis, cum à ventriculo solo fluebat materia.

Tinesmi curatio.

Tinesmus, vehemens & inanis deiciendi appetitus, qualis ferè adest dysentericæ prædictæ, ob materias mordaces, ad intestini recti finem hærentes: bilem scilicet, aut pituitam salsam vel vitream, vel aliter mordacem, ad sedem solum descendentem.

Cura

Curatur si à bille est, clystere lauatorio, ex decocto hordei, facc haro, vitellis ouorum. si à pituita, ex decocto cicerum, sero lactis, melle rosato. si à stercore durato est, molliatur sumptis & iniectis: si à tumore, curetur vti eius partis natura, & tumoris postulat. Si à frigore est, vel flatibus, quadrans mensarum calfacta sedi admota, remedio est: succuli item ex chamæmelo, & verbasci floribus calidi supponantur vtiliter, vel eadem vino incocta, expressa, sedi applicentur calida, & ventri. Si tinesimus à repletionem est, sinatur: saluber enim est. Si ab imbecilla retētrice, roboretur prædictis astrigentibus. Si à partibus corporis calore immodico liquatis, calor mitigetur. Si fluor est immodicus, sistitur, vt prius. Si dolor implacatus vrget, balanus indetur ex lycio, vt prius: vel athanasia sumatur.

Fluoris alui curatio.

SI fluor est à lienis obstructione, vel imbecilla vi tractrice, curatur vt dictum est in dolore splenis: vt, admoto oleo capparum, lilij, geniste, sumpto tamarice, aspleno, scolopēdrio, capparibus: purgato item corpore per myrobalanos indas. Si ab hepate est, illius affectus, obstructio, phlegmone, scirrhus, imbecillitas tractricis, vel retentricis, vel coctricis ab intemperie, antè est cor-

m rigen

rigendus idoneis remediis in horum affectuum curatione prædictis. Si igitur est hepar obstructum à materia frigida, ita ut deiectiones sint chylosæ, ea paretur expulsion per syrup. cichorij Nicolai, radicumarum, aut quinque, cum aquis aperientibus absinthij, prasilij, apij, fœniculi, cassuthæ: si verò materia est calida, obtundatur dicto syrup. intybi, rosato, & aquis cichorij, intybi: postea vacuabimus rhabarbaro infuso per se, aut etiam cum agarico, virantes scammoniata, & alia hepatinoxia. Postremò intemperies tollatur, heparq; roboretur, nunc trochiscis de lacca, de rhabarbaro, nunc diacurcuma, diacalaminthe, à drach. vna ad drach. duas: nunc aliis atque aliis. Nam in affectu diuturno varietate remediorum, etiam idem pollentium, vicissim vtendum, ne natura vni assueta & familiaris, vires eius contemnat. Sed caue ne materias in hepate compingas, & retineas his roborantibus: nec foris illinas hypochondrio dextro frigida, astringentia: quia sanguinē cogūt, & hepatis calorē reliquum extinguunt, & hominem occidūt. Si ab imbecillitate est hepatis, eius curatio prius est scripta: hepar enim roborandum est in dysenteria hepatica, per ea quæ causæ sunt contraria: vt, frigida, in calida: calida, in frigida.

da, causa: vt pistacia, cubebas, & ex his electarium: hepar lupi quoque est præstantissimum, mane ad cochlearis mensuram sumptum. Vuæ item passæ pingues passim Auicennæ commendantur, ita vt dulces, causæ frigida: accidæ verò, calidæ tribuatur. Dysenteriam enim hepaticam, etiam solæ sanant ablatis tamē seminibus, cū alstrictione opus non est. Eadem tritæ & cretæ saccharo mistæ fiunt salubres, misto, si vis, spodio, vel aliis hepati familiaribus: vt, hepatica, rhabarbaro. Quod si in dies scriptulo vno, vel in hebdomadas drach. vna sumatur, est in id saluberrimum: & syrup. absinthij, & absinthium cibo, potu, in idem optimum: trochisci etiam *δὲ ζῆνός*, id est, de vino Galeni, & Auic. causa præsertim frigida: si calida autem est causa, miscentur ei spodiū trochisci spodij, species diarhodi abb. & E. trium, santalorū, syrup. cichorij, Nicolai. Si verò fluor sit biliosus ab hepate, syrup. intybi, & byzantiorum cū aqua intybi, cichorij: trochisci de spodio cum se. oxalidis, diarhodon abb. vel commune, E. trium santalorum. Si sanguineus est, fluere aliquantisper permittatur: post sistatur, vt alius sanguinis fluor quiuis immodicus. Si virulentus est, seu cum sanie calida (*ἰχθύας* vocat Galen.) intemperies calida.

m 2 lida

lida hepatis, sumptis & admotis prædictis in debilitate hepatis mitigetur. Si pus inest hepati rupto abscessu, tergetur aqua hordei saccharata, vel cicerū decocto: deinde glutinatur per dicta prius in dysenteria.

*Fluxus ci-
balis vul-
gò.*

Si diarrhœa est à cibo largiore, sumatur parcior: si à corruptibili, sumat bonum & euchymum, coctu, & corruptu difficilem: si ab vinctuoso, sumat astringentem. Si materia corrupta est iam in intestinis, vacuetur clystere communi cum cassiæ vnc. vna. Si in ventriculo adhuc restat: hieræ pieræ, vel cassiæ vnc. vna, vel mannæ vnc. duabus: vel pilularum elephanginarū script. quatuor. Postremò ventriculi intemperies corrigatur: calida, vt sumptis peponibus: frigida per sumpta: vt, syrup. absinthij, menthæ, aromaticum rosatum, diagalangam, diacyminum, & similia: admota autem olea mastichinum, absinthij, menthæ: vel emplastra, vel vnguenta, & alia in ventriculi imbecillitate dicta. Si fluit aluus, ventre per frigus aëris perfrigerato: curetur calidis omnibus sumptis & admotis vt prius.

Ischuria curatio.

Ischuria, id est, vrinæ suppressio: curatur per ea quæ causæ ipsius sunt contraria: vt, frigida, calida sumpta, iniecta intestinis, & meatui vrinario: & admota imo ventri:

tri: vt, olea, vnguenta, cataplasmata, emplastra, facculos. Si ab obstructione supprimi-
tur, inquirenda est, & curanda obstructio-
nis causa: vt, tumor præter naturam, carun-
cula, grumus sanguinis, pituita crassa, cal-
culus: is enim aut comminuendus est, aut
cubanti supino succussatis cruribus in vesi-
cam regerendus: vel cathetere, vel candela
cerea oleo intincta, vel digiti condylo per
perinæum celeriter actio sedem versus. Si
verò in meatum iam totus inciderit, trahē-
dus est suctu virgæ, dilatato prius meatu
per infessum, vel forū, vel alia: deducendus
quoque est digito in sedem immisso, si illic
hæret: si verò ad perinæum, condylo celeri-
ter per id à sede scrotum versus actio, po-
tius quàm tunc repellendus in vesicam, vbi
in calculum insignem possit grandescere:
& fortè vix postea in meatum vrinarium
incidere. Si à pituita, pure, grumo sangui-
nis obstruitur, syrup. duarum & quinque
radicum, vel eupatorij cum aqua fœni-
culi, apij, petrose. tenuentur & inci-
dantur hæ materiae, vel theriaca veteri
cum vino albo tenui. Si causa sit renum
aut hepatis affectus, ei prospiciendum est,
ablata ischuriæ causa. Si lotium non excer-
nitur, prouocandum primùm mitioribus,
vt compressione imi ventris, balano acri,

& sale aliquo acuta immissa sedi, cui vesica incumbit: pediculo quoq; in virgæ initium immisso, qui motu titillet, expultricemq; vim sopitam irritet, vel eius loco portunculæ capæ, vel allij, vel similiter acrium: frictione etiam perinæi, & virgæ propè ignem: hæc si non sufficiunt, pectini illinatur oleum scorpionum, & lilij per se, vel cum syfimbrio aquatico frixa: vel imponatur helxine frixa in id efficacissima: tegula quoq; calfacta vino bono calente irrigata, herbis etiam prædictis, aut similibus impositis cruri alligetur: adhæc epiploon recens exactum, vt ab animali calet, imò ventri impositum. Valentior est fots imi ventris ex spongia cum origano, calaminthe, pulegio, abrotono, sabina, mentastro: & infusus ex prædictorum decocto: quod etiam clystere iniectum cum oleo liliorum, scorpionum, hiera vel benedicta est optimum. Sumuntur item syrup. radicum duarum vel quinque, vel harum decoctum, syfimbrij aquatici, rubiæ, baccarum iuniperi: quæ etiam sanguinem mictu prouocant Dioscorid. vt sabina, & drachma vna testæ purgatæ oui à quo pullus exclusus est, est efficacissima potu. Cantharides verò etiam alis, & capitibus ablatis ob vehementiam venenosam fugatior est aqua raphani. Si à grumo
sang

sanguinis est, da potandum oxy. aliquod,
vel lepor. coagulum.

Calculi in renibus precautio.

Lapis in renibus gigni prohibetur: *Prophylax*
Imò fuga eorum quæ pituitam calculi *co.*
materiam in corpore augent, qualia sunt
alimenta crassa, frigida, lenta: vt, caseus
omnis, præsertim glutinosior, ex lacte: re-
liqua, panis azymus, animalium partes pin-
gues & albæ: vt extremitates, intestina: aues
aquaticæ: cibus largior, & ab hoc venus,
somnia, labor, balneum: sumendi enim cibi
euchymi, & parcius quàm pro appetentia.
Secundò, pituitam nobis imprudētibus ge-
nitam, ne ad renes ruat, ad intestina retra-
hemus clystere leniente, bis in hebdomadas
iniecto, vel cassiæ vncia vna in hebdoma-
das sumpta, vel potius tantundem diacaf-
siæ, quod ex cassia, & saccharo, & decocto
glycyrrhizæ, & baccarum halicacabi fit, vel
terebinthinam ab semunc. ad vnciam, pane
missali in vinum merso inuolutam, vel iure
capi solutam, & liquatam. Nam ventricu-
lum, intestina, renes, vesicam purgat, nullo
partium harum detrimento. Vel pilula
vna elephangina in dies, vel alternis die-
bus sumpta.

Tertiò, materiam pituitosam si qua in
rene hæsit, ne in eo lapidescat, expellemus

m 4

vretic

vreticis : vt decocto cicerum , præsertim
 cum glycyrrhiza & saccharo ab viciis sex
 ad octo , accepto pridie medicamento le-
 niente ex cassia: id enim decoctum, renes &
 vesicâ multum terget ciceribus , glycyrrhi-
 za, saccharo. Idem pollet ius galli decrepiti
 saccharatum, & aqua lactis caprini, & parie-
 tariæ decoctum , vel aqua , vel succus resi-
 dendo purgatus, & saccharatus. Nam vias
 vrinarias terget, vrinamq; prouocat. Quar-
 to, calorem renum, calculi causam effectri-
 cem temperamus , admoto renibus inter
 duas telas cerato Galeno refrigerante , vel
 fantalino, vel ex cera alba , & oleo violato,
 vel nymphæato , vel cucurbitino : sed post
 quartam partem horæ ablato, & aliquoties
 in die dum refrixit , reddito : tepidum ta-
 men aëre frigido applicandum est. Vita-
 mus autem astringentia, ne viis astrictis ma-
 terias retineât. Aëri externo lumbos quoq;
 aperimus : pelles, plumas calorifica cætera
 lumbos tangere prohibemus.

Calculi renum curatio.

CAlculum verò in renibus concretum,
 & iam dolentem , præcipuè si in vrete-
 ribus est , expellimus ipsum frangentibus,
 vias lubricantibus, aperientibus, dilatanti-
 bus, & vrinas mouentibus: sumpto prius ad
 vias lubricandas cassiæ bolo cum oleo re-

ccns

cens extracto ex amygdalis dulcibus ; non rancidis: ne illa materiam crassam ex ventriculo & primis venis ad renes trahant. Calculum autem frangunt quædam qualitate manifesta : vt, pulegium vreticum, & anastomatica, calaminthe, origanum, lithospermum, saxifraga vulgaris: decoctum radicis graminis, secretum quibusdam remedium: amygdalæ amaræ, nuclei cerasorum, persicorum mansi, vel triticum vino albo deglutiti, aqua ex fabarum siliquis destillata, decoctum cicerum rubrorum, apij, fœniculi, petroselini, rusci, asparagi, maluæ, bismaluæ: sed hæ diutius coquendæ sunt. alia calculum frangunt in renibus tota sua substãtia, seu proprietate occulta. Lapis iudaicus sapore iucundo præditus, puluis leporis cum pelle in furno siccati: puluis item ex osse calcanei leporini, vitrum septies ignitum, & toties aqua saxifragiæ extinctum. Puluis item lapillis cancrorum, & limacum, & spongiæ, & lumbricorum terræ: & mandibularum lucij, secretum quibusdam remedium. Dantur autem ad drachmam vnã cum vino albo, vel aqua aliqua prædicta, aut decocto calculum frangent: vel cum aqua raphani, apij, petroselini, aristolochiæ longæ, baccarum halicacabi, spinæ albæ, saxifragiæ: puluis

m s quoq;

quoque scorpionis ad scriptulum dimidium,
 valenter frangit calculum. Ofsis humani
 ex sepulcro limatura ex vino pota, dolo-
 rem renum sedare mox, quibusdam pro-
 bata est. Lapidem quoque excretum vel excre-
 tum à rene, renalem, à vesica, vesicalem
 calculum frangere potu quibusdam puta-
 tur: quanquam id Galenus mendacium
 Lib. 10. affirmat. Cortex lauri potus Auicennæ
 Simplic. idem potest: omnibus autem drachma vna
 ficcati sanguinis hirci, quem quadrimum,
 & diebus aliquot antè nutritum herbis
 prædictis, tam vreticis, quàm calculum
 fragentibus, potumque vino maluatico, vel
 similiter aromatico. Deinde Augusto men-
 se decollaueris, sanguinemque medium, non
 primum, nec postremum, scutellis multis
 collectum, dum concretus est, tessellatim
 sectum siccaueris in umbra. Sed ex hirco,
 vulpe, lupo, & similibus, viuis, calentem ad
 huc sanguinem haurire præstantius fuerit:
 quod nonnullos magno successu tentasse
 audio, nulloque periculo: addebant enim ali-
 quid coaguli, ne in ventriculo glaciaretur.
 Auicula quoque motacilla seu cauda tremu-
 la vulgò dicta, furno siccata, in id efficacis-
 sima creditur. Item quæ vulgo gallorum
 Lib. 5. fa- messengua dicitur: bethonica quoque seu ce-
 nit. tuêda. strum Galenus. Compoluta autem calculum
 frang

frangentia sunt, iustinianum Nicolai, à
drachma vna ad drachmas duas cum vino
albo calido, vel aquis dictis ieiuno data, li-
thon tripon, id est calculum perforans, &
frangens, dialacca, electuarium de cineri-
bus scorpionum. Clysteres quoq; anodyn-
sunt salubres, ex libra vna decocti folio-
rum maluæ, bisinaluæ, parietariæ, chamæ-
meli, meliloti, adianti, se. fœnigræci, cum
multo butyro recenti, vel adipe gallinæ, vel
oleo amygdalarum dulcium vel amara-
rum: vel si flatus adsunt, anethino, cum cas-
siæ vncia vna, benedictæ simplicis Nicolai,
& olei scorpionum, ana semuncia: vel cli-
ster ex solo oleo communi cum se. anisi. Lar-
gior autem quàm libra iniectio, renes pre-
mendo est dolorifica magis, ob id vitanda,
sed frequentia copiam suppleas. Lumbis
autem illinantur oleum scorpionum, amy-
gdalarum dulcium, amararum ana semun-
cia cum adipe gallinæ, butyro recenti, æsy-
po: vesica etiam plena decocto chamæmeli,
meliloti, maluæ, althææ, helxines: vel spon-
gia eodem madefacta, & expressa. Su-
mantur verò sæpe iura pingua, vel vn-
ciæ octo, aut etiam plures decocti maluæ,
vel althææ, cum butyri recentis vncia vna,
mellis rosati sescuncia. Sumantur etiam
oxymeli, syrup. acetatus compositus, syrup.
bizant

bizantinus acet. de radicibus, cum duplo aquæ bethonicae, aut saxifragiæ. Si ventriculus imbecillam vim costricticem habet, roboretur litu ex oleo absinthij, menthæ, cum galanga, mace, rosis, caryophyllis, ne pituita largior in eo propter imbecillitatem genita, in renes confluat, aut à calculi remediis trahatur: quæ vltia lapidem augeat.

Calculi vesicæ curatio.

Lapis in vesica, vt in renibus curandus: sed valentioribus remediis, quia durior est, & longius ab ore per quod remedia sumuntur, abest. si tamen magnus sit & prædurus: excandus est à lithotomo perito, eoq; extracto, vesica hydromelite ablunda. Suffitum aut iniectionem per fistulam argenteam, ex sanguine hirci, vulpis, lupi, & aliorum lapidem frangentium, quidam tentauerunt: sed successu parùm prospero: quòd lapis quibus est in particulas confractus, harum inæqualitate & asperitate, & magnitudine plus molestiæ exhibuerit vrinario meatui, quàm lapis integer vesicæ.

Stranguriæ curatio.

Stranguria curatur auferentibus causam acrimoniæ: quæ si est bilis vrinæ mista, victus ratio sit refrigerans, humectans: vsu lactucæ, portulacæ, bliti, spinacij, atriplicis, buglossi, vtriusq; maluæ, bismaluæ, fuga

fugā acriūm, salforum, aceti : deinde bilis purgetur manna, cassia, myrobalanis citreis, non autem scammoniatis: eadem purgantia, quarto aut quinto quoq; die sumpta, paulatim bilem, vel materias salsas, & nitrosas à partibus vreticis deriuant ad intestina. Idem præstat serum lactis caprini, & lac caprinum. Quia verò idem multam ex se vrinam facit, eamq; initemi : sic vrinæ acrimoniam obtundit. clysteribus quoque iniiciendum decoctum maluæ, altheæ, violarum, nymphææ, salicis cum cassia ad aluum leniendam, & temperandam humorum etiam in vesica acrimoniam. Bibat syrup. violatum, cichorij, cum sero lactis, vel aqua hordei. Si causa est pituita salsa: fumatur frequenter terebinthina lota in aqua rosarum, plantaginis, vel intybi, ad tollendam eius acrimoniam. Hæc enim aluum soluit, & vrinæ morsum mitigat. Si ab excoriatione partium vreticarum,umat in dies drachmam vnā boli armenicæ, vel trochischorum terræ sigillatæ, vel electri cum aqua plantaginis, vel solani. Quod si vlcus adest, ante vsum prædictorum glutinantium tergendum est sero lactis asinini, vel caprini : decocto se. melonum, & aliorum frig. se. donec pus excerni cesset, aut parcissimum subeat. Si est ob siccatam

catam vesicam, vel absumptam prostatarum humiditatem, quæ semini viam sternit, alimento plenior & crasso est opus. Deinde, imò sæpe statim initio, vbi scilicet dolor est vehemens, acrimoniam mordacem urinae remittes: vel per vinctuosa, vel sensum tactus partium vreticarum modicè stupefaciendo: vt, syrup. violatus, cum aqua lactucæ, portulacæ, solani, intybi: vel si valentior opus est, syrup. violati vncia vna, syrup. papaueris semuncia cum vnciis tribus decoctis fe. 4. fri. maiorum vel etiam minorum. Sunt qui se. hyoscyami albi, vel papaueris albi drach. vnam cum prædictis aquis mane exhibent: his trochiscis halicacabi Mesuæ drach. vna, sunt efficaciores, quia stupefaciunt, vretici sunt, & urinae acrimoniam obtundunt. Decoctum quoq; maluæ, violæ, & similium, cum cassia bis die injectum est efficax: syringe etiam per cathetere breuem in vesicam immisisse lac humanum caprinum, ouinum, prodest. Nam eius mistio urinae acrimoniam frangit. albumen oui agitato multo fractum donec lentum esse desinat, per se, vel cum papaueris decocto, vel cum lacte. muccago seminis psyllij sex horis macerati aqua frigida, omnem acrimoniam obtundit, vt etiam dolori magno hæmorrhoidum mox succurrat, & podagræ

dagræ calidæ, sed periculum est ne lenta hæc in meatu vrinario, aut vesica, si eam adibunt, partium calore tandem siccata, vel obturent, vel angustent meatum, & malum succedat nouum, priore etiam deterius. Valentius fiet remedium additis caphuræ granis 3. 4. valentissimum addito opij grano vno, vel troch. halicaca. script. vno aqua vel decoctione papaueris soluto. Virgam quoq; tenere in lacte calido, vel decocto papaueris albi, inungere ventrem inferiorem, & perinæum oleo salicum, violato nymphææ, addita pauca caphura. Decoctum foliorum vitis, salicis, maluæ, violæ, in sessu, aut fotu ex vesica.

Mictus sanguinis curatio.

Sanguis mictu redditur, cum is est quantitate aut qualitate acris, & biliosa, vel aquosa, aut quantitate & qualitate alienus: interdum ab imbecillitate secretricis hepatis, renum. Est quando vase in partibus vetricis eroso, calculi attritu lacerato, rupto, lapsu, percussu, vel alio motu violento redditur: sæpe etiam coitu immodico, interdum crisi. Si ob redundantiam fiat, vel criticus est, non supprimatur nisi vacuatione immodica vires deiciat. Si biliosus est, aut aquosus, sumptis cholagogis, & hydragogis, vel hydroticis auertuntur à partibus vrinariis.

Hæc

hæ materiæ, & à sanguine vacuantur. Si facultas secretrix est imbecilla, illine lumbos oleo myrtino, ros. cyd. cerato Gal. santalino, vnguento comitissæ de se. seu crocato flosculo rosarum, quam antheram vulgus vocat: fotu ex balauisticorum, malicorij, gallarum, hypocisthidos decocto in aqua rosar. plantag. ferrata. Sumat etiam syru. rosatum, myrtinum, cydoniorum, cum aqua solani, rosar. plantag. lactucæ, & drach. vna boli armenicæ, vel trochisc. electri, vel terræ sigillatæ, vel troch. spodij, cū se. oxalidis à Rasi scriptorum, lactis ouini vnciæ quatuor, sex, mane, cum drachma vna boli armenicæ sumptæ, sunt in id efficacissimæ, & renes valenter roborant, modò ne dormiat, aut exerceatur. Quæ remedia sunt etiam glutinantia, ob id salubria, si vas est apertum casu, vel laceratu, vel alia ratione. Si ob casum tamen est cruentus mictus, auerte prius secta basilica dextra. Si purulentum est lotium, tergentibus vtendum: deinde glutinantibus prædictis astringentibus. Si præterea calidissimum, serum lactis, decoctum hordei saccharatum bibendum & iniiciendum: trochisci quoq; Rasis liquore aliquo ex prædictis soluti, salubriter in vesicam iniiciuntur tunc solùm quando ab ea sanguis effluit.

Diabe

Diabete curatio.

Diabetes, id est transitus, scilicet vrinæ, continuus, aut verius potionis nō mutata, vt Luenteria cibi, ab intemperie calida renum cum siti inexpleta: affectus rarus: Galeno bis tantum visus, mihi semel in adolescente capis largiter, & sæpe vso. Vbi autem verè largior est vrina, sitis si adest, exigua est, & placatu facilis. Puella enim Mediolanensis per dies sexaginta singulos, mictu reddidit vrinæ boccalia, seu chopinas sexdecim, cū in dies biberet tantum boccalia circiter tria, magno exempli miraculo: persanata tamen parum corpus conciderat. Si autem inuitis vrina excidat, vt etiam lectum æger permeiat, causa est primum auferenda: si enim à potu id largiore fit, bibatur parcius. si à potus aut cibi qualitate salsa, acri: vt, esu largo cæparū, alliorum, porrorum: ab his abstineatur: si à frigore externo, calefiat: si ab hepatis imbecillitate, vt in ascite, prius dicta sunt remedia. Si sphincter vesicæ est resolutus mora longa in aqua frigida, vel alio frigidorum cōtactu, sanetur ea paralysis per calorifica omnia. Si idem est ruptus, vel laceratus vel sectus, vt lapsis ab alto, vulneratis, sectis, ob calculum, parientibus ægrè, sæpe accidit: nisi initio sanetur, difficilem habet postea

n curatio

curationem. Si ab hepatis & renum calida intemperie, ea sanetur sumptis & ad motis refrigerantibus sæpe dictis. Si à retentrice vesicæ imbecilla, intemperiem eius causam persana contrariis. Thuris etiam scriptulum vnum, vel drachma dimidia, cū aqua absinthij, multis est remedio: & spodium, & ex eo, vel balauistiis, vel terra sigillata trochisci ad drach. vnam, & puluis glandis asfatæ.

Lumbricorum curatio.

Lumbrici si imminent, pituitam vacua pane & pauco sinapi: vel, si opus est, medicamēto phlegmagogo: & eam gigni prohibe fuga alimentorum, crassorum, lentorum, & c. pituitæ gignendæ aptorum, vt supra in colico affectu, & alibi sæpe diximus. Si verò adsunt, remediorū generibus quinque sanantur.

1. Viētus ratione parca, calida, sicca, acris, amara: nisi interdum morsus eorum ob famem sæuientium dulcibus sit placandus.

2. Necantibus lumbricos tota sua substantia, & amaris, calidis, siccis ad tertium gradum: vt, omni absinthio, vtroq; abrotono, persicorum foliis, & nucleis, lupinis, mentastro, allio, se. brassicæ, apij, radice filicis masculæ, radice graminis: his omnibus vel quibusdam sumptis, iniectis, vmbilico ad motis cum

tis cum aloë, athanasia, felle aliquo, in puel-
lis suillo, ouino, vel alio miti: in grandibus
etiam bouino, additis oleis amaris, absin-
thij, menthæ.

3 Enecatos expellentibus (ne putridis va-
poribus febres & epilepsiam, & alia sym-
ptomata sæua excitent) vt, aloë, absinthio,
rhabarbaro, agarico, liquore amaro solu-
tis, vel in catapotia formatis: oleo quoque
omphacino sumpto sæpe, & larga copia, &
clystere iniecto, nisi lumbrici sint adhuc vi-
ui: nam fuga huius & similium reperent in
ventriculum, si rotundi sunt, nisi mista sint
dulcia: vt, lac, & similia: ascarides verò mi-
nimi ad sedem ferè desident sacculo inuo-
luti, cum quo tandem sunt deturbandi. La-
ti autem (quos vocant cucurbitinos) inte-
stino cæco sæpe affixi: interdum colo, & re-
cto: vix tandem magna vi deturbantur, si-
bi magna excrementorum, & velut mem-
branarū illuue implexi. Hiera picra. Gal.
& ex ea pilulæ, & quæ ex aloë, myrrha, cro-
co communes vocantur: sunt in id efficaces
sumptæ, & aliquo oleo, aut syrupo amaro
mollitæ, & vmbilico admotæ.

4 Lumbricos ad ventriculum ascendere
prohibentibus, stypticis, & amaris, ex aceto
sumptis, & ventriculo admotis: vt, oleis, ca-
taplasmatibus, vnguentis, emplastris.

n 2 5 Lum

5 Lumbricos deorsum trahentibus, dulcibus, ut lacte iniecto clystere cum melle, nisi febris adest: tunc ius carniū cum saccharo iniiciatur. Si autem sint ascarides ad sedem hærentes, balanus ex bombace illito oleis amaris, vel aloë, felle vaccino soluta: vel balanus ex lardo pingui, cum filo, dum retrahetur, vermes plurimos sibi hærentes, referet. Vsu crebro diutino salforum, amarorum, acriū, aceti, necantur & expelluntur.

Hæmorrhoidum curatio.

Hæmorrhoidum venarum fluor non antè est stringendus, quàm vacuationis copia vires deiciat, & sanguis pro nigro & crasso, melior iam fluat: à magnis enim morbis ferè melancholicis ægrū hæc spontina vacuatio vindicat. Aluus quoq;, cassia, aut iure pingui, aut decocto brassicæ est lenienda, ne stercus sua duritie eas lædat. Sistitur autem quatuor auxiliorum generibus.

1 Victus rat. frigida astringente: ut, omphac. succo rhois, rosar. cydon. & ex his ac similib. syrup. cond.

2 Auertentib. ut secta vena basilica, dextra, vacuatione sanguinis etiam larga: ut etiam cucurbitulis, hypochond. dextro, inter scapulo, humero affixis, frictionib. ligaturis,

turis, fotibus brachiorum.

3 Venarum illarum ora contrahentib. & sanguinē crassantib. & refrigerantibus sumptis & admotis: vt syr. myrtinorum, cydoniorum, granatorum cum aqua rosarum, solani, plantaginis: vt, saccharo rosato cum boli armenicæ, vel hæmathitæ, vel corallij rubri drachma vna horis duabus ante cibum, vt tryphera Phenonis, E. scorix ferri Rafis. Squamma quoque ferri quater ex aceto cocta & siccata; sumpta à scriptulo vno ad drachmam vnam bis in septimana, ventriculum, heparque roborat, & humorum malitiam emendat. Vt trochiscis electri, terræ sigillatæ, spodij cum se. oxalidis. Quibus victis etiam narcotico, athanasia Nicolai, aut antidoto Philonis, persica à drachma vna ad scriptula quatuor vsurpatur. Foris autem similia adinouenda, balauitia, malicorium, galla, rhus, hypocisthis, bolus armenia, sanguis draconis, tragacantha, trita & excepta malo cydonio probè cocto, vel aloë, thus, bolus armenia, sanguis draconis, albumine oui soluta, pilis leporis, vel tela aranei excepta. Puluis quoque corij vsti, vel suberis vsti, quorundam secretum remedium, oui albo exceptus: vsti quoque bufonis puluis Nicolao Florentino in id efficax, & vsu tutus scribitur: quod

Libro 5.
metho.

n 3 vene

venenosa qualitas ex hoc, vt scorpionibus, vrendo abigitur. Emplastrum postremò comitissæ sedi admotum, & lumbis est efficacissimum.

4 Sanguinis vitium emendantibus, victu tenui, si largior est: siccante si aquosior: cholagôgis, si biliosus est: phlegmagôgis, si pituitosus. Si doleant, anodynis sæpe dictis: vt, lacte cocto, vitellis ouorum, œsypo, butyro recenti dolor est placandus. Si hæmorrhoides sint occultæ, & tumore doleant, anodynis placentur, vel sanguis emittatur his apertis per hirudines, aut scalpellum, aut anastomôtica pòst dicenda. Si verò nec tumor est ingens, nec dolor, naturæ permitte: nec aperi, nisi tumoris, aut doloris magnitudo compellat: quod sæpe cancri, fistulæ, & affectus alii difficiles, his partibus per valentia remedia apertis superueniunt. Aluus quoque lubrica est reddenda, vt antè paulò docui, ne stercoris durities dolorifica fluxionem geminet: sanguis quoq; malus, si abundet, corrigatur victu idoneo & cæteris. Auertendus deinde sanguis, vt prius. Dolor leniatur oleo violato, si calor quoq; adest, vel rosato, vel amygdal. dulc. vel lini, vel lumbricorum, millepedarum, scarabeorum cum vitello oui: mica panis cum lacte & oui vitello cocta, albumine oui
tandem

tandem adiecto, & adipe gallinæ, butyro
recenti, farina fœnigræci, cum adipe galli-
næ, vel anatis, & decocto meliloti: pulvis
etiam suberis vsti, cum oleo, vel butyro, vel
adipe aliquo: limaces sine testa, tusi cum
oleo violato cocti, cum farina sem. lini, aut
fœnigræci in cataplasma formati, præstan-
tissimum sunt remedium. In sessus, aut fo-
tus quoque saluberrimus ad sedandum do-
lorem, fiet ex decocto maluæ, althææ, viola-
rum, florum chamæmeli, meliloti, tapsi,
nymphææ, se. lini, fœnigræci, papaueris al-
bi, hyoscyami albi. hæc si non sufficiunt, stu-
pefacientibus tactum dolor prohibendus:
vt, balneo ex bombace, cui illitum sit Phi-
lonis antidotum, vel athanasia Nicolai: vel
eadem emplastri modo applicentur sedi:
vel vnguenti populei vncia vna, oui vitel-
lū, opii à drachma vna ad drachmas duas,
croci parū, misce, & applica si dolor est
vehementissimus. Hæc quoque si non suf-
ficient, hæmorrhoidibus apertis, sanguinē
emitte doloris causam: aperies autem as-
fricta re aspera: vt, linteo nouo, parietaria,
folio ficulno: valentior est pulpa colocyn-
thidos pulueratæ, ex oleo amygdal. amara-
rū admota: nam horis quinque aperit. idē
præstāt stercus columbi cū saxifragia, suc-
cus cæpæ, fel vaccinum, & alia: cyclamini

n 4 radix,

radix, succo aut puluere, & cætera acria. Eadem vinctæ sanguine gallinæ, vel colūbi, hyrudinibus non venenosis & paratis, affixis, aperiri possunt: quæ si sucto sanguine largo pertinaciter adhuc hæreant, capiti earum insperso cinere mox excidunt: facile autem ipsis imposito, quem fuxerunt sanguinem mox reuolunt. Penuria sanguifugarum, aperi scalpello, sed cum præmeditatione: quia vulnus agrè glutinatur. Sunt tamen hodie qui scalpellum præponant hirudinibus, ceu tenuem tantum sanguinem trahentibus. Si cui autem recentes adsunt hæmorrhoides, nullo tamen dolore, sed tumore solo molestæ, ne curentur.

*Aph. 12.
lib. 6.*

Si consueuerint fluere, non comprimantur, præsertim omnes, nisi magna hæmorrhagia sint tunc periculosæ: quæ tamen postea sunt aperiendæ, nisi sponte hient.

Auic.

Galbani verò drachmæ duæ triduo sumptæ hæmorrhoidas siccant: & admota, puluis stybii, decoctum ceratii, muria piscium falsorum, & eorundem capita cum pauco caseo falso: anacardi incisi & affricati loco, vel suffiti per infumibulum: dracunculi præterea folia, radix, succus, cortices, cineres, oleum, tota sua substantia idem præstant: vel hæmorrhoides astringantur hippuri, vel filo serico stringantur paulatim
magis

magis atque magis. Melancholia vexatis, Aph. II.
& renum affectibus hæmorrhoides super- lib. 6.
uenientes sunt salubres.

Ani procidentie curatio.

Sedis procidentia, si ab intemperie est Exitus
humida, laxatis musculis sedem releuā- ani mor-
tibus siccabis: si frigida, calfacies: si vtraq; bus sancti
calfacies & siccabis: si adsit calor, refrigera- Fiacry.
bis: puluis ex hypocisthide, acacia, balau-
stis, malicorio, rosis, gallis, cortice thuris,
scoria ferri: vel ex his vino, si calor abest:
aut aquæ hordei si adest, incoctis fots vel
illitum post lotionem vnguentum santali-
num, oleum rosatum, myrteum, cydonio-
rum, puluere dicto post insperso, vel post-
quam erit aluo deiecta repositum: balanus
ex bombace prædictis mergatur, illinatur,
inspergatur, & clunibus altis & iunctis quie-
scat. Si sedes procidit, non à violento desi-
dendi, & cohibitæ respirationis conatu, ne-
que ex mora longa in aqua frigida, aut su-
per lapidem, sed ex decubitu pituitæ, ea est
coquenda & vacuanda: post in temperies im-
pressa est castiganda. Si à tumore præter
naturam, is curandus, appositis cuique tu-
morum generi, & tempori præsidis: si do-
lor adest, applicetur decoctum chamæme-
li, meliloti, maluæ, althææ, sem. lini, fœni-
græci.

Vicrò

Vteri exitus curatio.

V Terus procidit laxatis humore multo ligamentis, vel abscessu, ac ulcere exesis, aut partu improspere, vel lapsu ab alto ruptis. Causa est (si potest) auferenda, & vterus loco nativo restituendus, nisi inflatio prohibeat, quam fotu ex cumino, aniso, baccis lauri, & similibus, hydromeliteri, aut vino rubro astringente incoctis dissipabis: mox ne recidat, insperges pulueribus stypticis, antè scriptis: postea repones. Suffitu etiam rerum graucolentiũ: vt, penarum perdicis, assæ foetidæ, castorii, & similium, excepto per infundibulum vel cathedram perforatam: sunt qui ouum sub gallina corruptum, fractum, agitatum, lanis illinunt & imponunt vuluæ. Odores simul iucunda: & docta obstetrix manibus subseruiat, vel instrumẽto virgæ virili proximo. Postea clunibus elatis cubet aliquot diebus.

*Menstruæ purgationis largioris
curatio.*

Mensium fluor immodicus, si est à sanguinis copia, vena interna dextra secetur, & imperetur victus tenuis, & fuga ouorum, carniũ, vini, & aliorum sanguinem augmentium. Si ob mistam bilem, à chologôgis: vt, myrobalanis citreis vacuetur, & sangui

sanguis refrigeretur, & sistatur per astringentia frigida: vt syrup. granatorum, rosarum, ribes, oxalidis, cum aquis plantaginis, rosarum, portulacæ, oxalidis. Si à serosa pituita largiore sanguini mista, cum myrobalanis cepulis vacuetur. Si est à lapsu, glutinentur rupta: si ab vlcere, tergeatur, & glutinetur, & cicatrice tegatur, vt in mixtu sanguinis dictum est. Sanguis quoque reuellatur secta dextra basilica, cucurbitula magna sub mammis affixa, fotu & ligaturis, & frictionibus dolorificis brachiorum: astringentibus quoque & frigidis simul est sistendus, cogendus, & repellendus: tum sumptis, vt syrup. rosato, myrteo, cydoniorum, granatorum, cum aquis plantaginis, rosarum, solani: additis trochiscis terræ sigillatæ, vel electri, à script. duobus ad drach. vnam, vel lapide hæmatite, corallio rubro, ferri scoria, tryphera Phenonis: tum impositis sedi, & vteri collo balanis ex bombace, oleo refrigerante, & astringente illitis: vel aqua, vel succo plantaginis, solani, rosarum imbutis, insperso post puluere astringente in sedis prociđetia dicto, & mox dicendo. Si à serosa pituita fluunt immodice, prodest tibias ad genua vsque continere in decocto astringente: vel eodem ventrem inferiorem fouere, aut totum corpus eodẽ suffire,

suffire, lumbos pectinēque refrigerantibus, & astringentibus: tum oleis rosato, cydoniorum, myrteo, tum vnguentis ac emplastris, santalino, ex flore rosarum (antheram vulgò vocant) comitissæ: insperso etiā his pulvere astringente, ex rosarum foliis, flore, malicorio, balauistiis, gallis, hypocisthide, acacia, bolo armenia, sanguine draconis, & similibus: ex quibus etiam prædictum decoctum faciendum. In vterum quoque metrenchyta iniiciantur vnciæ tres, quatuor succi depurati, vel aquæ plantaginis, cum bolo armenia, sanguine draconis. Si hæc non sufficiant. philonij vel athanasia, drach. vna, cum aqua plantaginis sumpta, sanguinem moueri ineptiorem facit, viribus tamen validis adhuc detur, ne imbecilibus calor nativus extinguatur. Pessos autem causticos tentare non consuluerim, multò minus iniectiones, nisi vlcera essent despascentia, qualia sæpe etiam dysentericis adsunt. Tunc enim leuiora tentari possunt: vt pastillus Pasionis, Polyidæ, aqua plantaginis solutus.

Menstruæ purgationis prouocatio.

Menses, si ob sanguinis parsimoniam per se constiterint ex inedia, aut victu parco, aut morbo longo, aut alia vacatione, suppressi propriè non sunt, nec cieri possunt.

possunt antequam mulier reddita sit habitior: tunc autem & in his quibus alia occasione suppressi sunt, euocantur.

1. Causam suppressionis abigentibus, vt obstructionem, aut contractionem, aut compressionem osculorum ex venis & arteriis desinentium in capacitatem vteri. Hæc autem obstructio si à sanguine est multo, secetur vena poplitis, aut maleoli, & victu tenui vtatur, ac multo labore: quæ duo postrema etiam conducunt orificiis à pinguedine multa oppletis: ac etiam viraginibus, & calidis mulieribus: quanquam & his etiã phlebotomia sit salubris. Si à crasso, tenuetur: si à leno, incidatur, tergeatur, liquidus fiat: quæ præstant syrupi, bizantini, duarum aut quinque radicum, hyssopi, cum aquis apij, fœniculi, petroselini: trochisci quoque de rubia, & qui à Rasi scribuntur. Si autem à pituita, vt ferè fit, prædictis appareatur: deinde vacuetur agarico, E. indo, diaphœnico, roborenturq; ventriculus & hepatis, ne talem materiam generent.

2. Menses prouocatibus, vt syrup. & aquis prædictis: adhuc decocto radicū rusci, asparagi, apij, petrosel. fœnic. addita etiã sabina: & si vis valentius, pulégio, origano, calamint. ciceribus, phaseolis rubris, rubia.

Datur autem id decoctum mane calidum,

ab

ab vnc. 5. ad vnc. 6. horis 3. 4. ante cibum. Idem pollet cassia, cinnamo. ad drach. 1. & crocus cum prædicto decocto: infusus quoque ex prædictorum decocto saluberrimus est, si modo in hoc, & prædictis expectes tempus consuetæ purgationis: fetus & sacculi ex iisdem pectini, lumbis mulieribus admoti: frictiones item partium infernarum: cucurbitulæ coxis internis, vel ad venam poplitis affixæ: sectio eiusdem, aut venæ malleoli. Si autem vasa in vterum desinentia sint clausa, mercurialis herba tussa, linteo inuoluta pessi modo, noctu immittatur, appensa filo: ora enim hæc mirè aperit: idem potest melanthij farina, & mithridatios antidotus ad drachmam vnam, cum mastiches scriptulo vno: hæc enim non solum repellit, sed valentius attrahit, quod apophlegmatismo probat. Si hæc non sufficiant, opopanax, galbanum, sagapenum, hammoniacum, euphorbium paucum admotum pectini, aut pessa immissa, mox prouocant: & cyclamini radix etiam super ipsam transeunti mulieri, menses prouocare putatur. Quorum acrium usu multo, si ardor quidam mordax succedat, aqua rosarum, albumen oui, oleum violatum, & rosatum, lac, & similia, ex panno imponantur collo vteri.

Suf

Suffecationis ab vtero curatio.

SVffocatio ab vtero curatur, vapores ab vtero sursum ferri prohibentibus: vt, frictione, ligaturis dolorificis partium infernarum, cucurbitulis coxarum parti internæ affixis: vt secta vena poplitis, vel maleoli, si à suppressis est mensibus hæc præfocatio, non autem si est à semine corrupto, ne hac phlebotome id in venas trahatur: debet enim per collum vteri vacuari titillatū digito longo obstetricis illito oleo irimo, liliorum, laurino, in quo moschus, ambra, gallia sint dissoluta: vel zebet Arabibus dictum coeundi miram cupiditatem excitare solitum: vt, suffitu vteri per sedem perforatam, vel infundibulum, iucundo: ex gallia moschata, moscho, ambra, cinnamomo, caryophyllis, cum myrrha stacte (styracem liquidum vocant) in trochiscos formati: vt grauitè olentibus naso admotis, vt assa fœtida, galbano, sagapeno, castorio carbonibus imposito, pennis, præcipuè perdicum, vstis, corio calceorum, præcipuè vsto in oleum lini mox imposito: id enim vapore per os recepto, etiam viperam ex ventriculo per sedem statim fugat. Ne autem postea ex feminis corruptione in id graue symptôma mulier incidat, si nubillis est, viro tradatur: si non vult nub

nubere, aut monialis est, vena sæpe secetur, interdicanur vinum, carnes, oua, &c. sanguinem & semen argentia. imperentur labor multus, ieiunium: vsus agni, rutæ, dauci, cumini, & cæterorum semen gigni prohibentium, vel genitum absumentium: quale est dauci se. drachma vna cum aqua arthemisiæ pota: quibusdam secretum remedium. In nares ore insufflasse, vterum mox deturbat, vice cohibitæ respirationis, quâ cohibeat sæpe mulier impendente vteri suffocatu. Metrenchytae vacui, siphonem collo vteri immisisse, mox internum pulsoriū retraxisse, vterum deorsum reuellit.

Rhagadium vteri curatio.

Rhagades, rimæ quædam, & fissuræ in mulieribus curantur illitæ cesypo, butyro recenti sine sale vsto, vel oleo refundante ex nuce veteri dum vritur, vel oleo violato rosato, ducto per mortarium plumbum pistillo plumbeo, donec mellis habeat crassitudinem.

Mole curatio.

Mola, hoc est caro quædam informis deturbatur, præsertim priusquam maior euaserit, remediis menses mouentibus. Si verò à flatibus vterus est distensus, purgato corpore toto iniiciantur primum intestinis, postea vtero, quæ flatus dissipât,

diacy

diacyminum, dianifum, diagalanga, diaphnidum: immittantur quoq; pessi illi-
 ti succo mercurialis, insperfi melanthio.
 Si valentius vis, cardamomo: si valentif-
 fimum, galbano illinantur, & euphor-
 bio inspergantur. iungatur pecten oleo
 nucum, anethino, melle despumato. fiat in
 sessus ex decocto eorum quæ menses moue-
 re diximus.

Enterocela curatio.

ENterocela ramicis species, in qua inte-
 stinum rupto peritonæo delabatur in
 meatum vasorum seminalium, aut etiam
 in scrotum: curatur primùm repellentibus
 in suam sedem intestinum, deinde continē-
 tibus, ne relabatur, & solutum peritonæum
 glutinantibus. Ut autem tutò citò indolen-
 ter reponatur, flatulenta vitentur: & si fla-
 tus lapsum intestinum iam distendū (quos
 tumor levis, tansparens, digiti percussu so-
 nans, vt tympanites ostendit) dissipentur
 fotu cum spongia ex decocto meliloti, cha-
 mæmeli. sem. cari, fœnic. lini, fœnigræ, ani-
 si, anethi, cymini, & similium: vel oleo cha-
 mæmeli, anethi, amygd. dulc. ricinino, ias-
 mino, leucoij, rutæ, vel cum vesica prædi-
 ctis plena foueatur, vel ex fabis coquendo
 mollissimis cum aliquo oleo dicto, fiat cata-
 plasma. Si autem stercus insit, clysteribus *Avicem.*
 o etiam

Vide Ale-
xandrū be-
dictum.

etiam acribus post mollientium vsum va-
cuabimus: de in cruribus elatis, & diductis
molliter succutiemus: & si opus adiutrice
aliqua manu comprimendo clementer sub
seruiemus. Retinetur autem subligaculo:
& si puer est, & coxas elatiores aliquot dies
continet in lecto, vitatq; motus inordina-
tos, clamorem, tussim, sternutam. anhelit.
cohibition. omnem repletionem, à natura
vlcus peritonæi glutinatur. in grandiori-
bus autem longum tempus postulat, & re-
media præter dictam victus rationem ma-
gis exquisita: vt, ceratum de pelle arictis
Matth. Gradi, cui simile est emplastrum cō-
tra rupturam Nicolai. Sunt qui ferro can-
denti partē qua descendit intestinum vren-
do contrahunt: alij acu & filo ad vsque ca-
uitatem qua descendunt vasa, carnem per-
runt: ablata acu filum super tessellam
corneam vel eburneam astringunt quoti-
die magis atq; magis, donec totum filo per-
ruperint: carne interim supercrescente in
profundo, & meatus partem occupante, ne
intestino postea sit via: sed caue ne & vasa
cicatrice interna, dura, & eminentiore pre-
mas: nam dolorifica sic fuerit, & testē atro-
phia tabefecerit. Alij sectione facta, execto
que teste, vinculo vasorum omnium, & am-
bientis membrana, aut cauterio meatum
cont

METHO
contrahunt, &
grandes nati p
de corporis rel
runtur pueri
moda non ex
ma potius on
Epp

E
Egrius, vt
tra, quod in
solum, mag
ciderit, et
Hydrocel
prurum in
filo ad aq
tim emitt
tur, & part
leni prof
Circosel
tome, & p
rem, si no
moderati

A
A
r
ne est, a
clement

contrahunt, & obturant: in qua castratione grandes natu plerique oris primum, deinde corporis reliqui conuulsione tandē moriuntur: pueris alia inde accidunt incommoda non exigua. Ob id hæc curandi forma potius omittenda est.

*Epiploocela, Hydrocele, Cir-
socale curatio.*

Epiploocela similiter curatur, sed ægrius, vti & hernia sinistra, quàm dextra, quòd in hac cæcum intestinum delabi solitum, magno tātū peritonæi hiatu excidit: illæ etiam minimo meatu excidunt.

Hydrocele autem stercore vaccino, & caprarum imposito curetur: id si nō sufficiat, filo ad aquarum locum transfixo, paulatim emittantur aquæ, postea vlcus glutinetur, & parti aquas transmittenti: vt, hepati, lieni prospiciatur.

Cirsocale autem post vacuatum phlebotome, & purgatione melancholicum humorem, si non cedat ferro candente, cancrorū modo eximantur varices.

Arthritis curatio.

Arthritis à calida materia, curatur quinque hīs remediōrum generibus.

1 Phlebotome partis oppositæ, si à sanguine est, aut materia sanguini mista: alioqui clementer purgamus Repellentibus quo-

o 1 que

que vtendum: vt, oleo rosato.

2. Materiæ feruorem remittentibus, frigidis & astringentibus: vt syrup. rosato, granatorum, cum dupla aqua plantaginis, rosarum, solani, oxalidis, per dies quatuor quinque.

3. Eadem vacuantibus, vt catapotiiis minoribus hermodactylorum à drach. vna ad scriptula. quatuor.

Anicen. 4. Anodynis à quibus incipiendum, & re
cap. de pellentibus: vt, farina hordei, vel cassia fi-
cassia. stula dissoluta in oleo rosato, vel succo, aut aqua solani, plantaginis. Medulla quoque panis, præcipuè secalini, lacte macerata & parum cocta: additis oui vitellis, & oleo rosato. Si autem dolor est intolerabilis, adde prædictis opij drachmam vnam, croci ad penetrationem parum. Si magnus sentitur calor, mucago ex se. psyllij integro extracta, cum aqua rosarum, vel solani, paucum etiam aceto ad penetrationem addito, cataplasmatibus modo apposita, & dum calefcit mutata, idq; sæpe, est præstantissimum remedium. Vel oleum rosatum, cui lumbrici terræ sint incocti, frigidum applicetur. Si materia fluere desijt, foueatur par vino rubro austero, cui chamæmelum, melilot. fœnum græc. aiuga nervis roborandis efficacissima herba, sint incocta.

Id

§ Id quod fluxit dissipantibus: vt oleo chamemeli, stercore vaccino, si potes quàm recentissimo & calente. Præcauebis autem fotu partis ex vino nigro austero, cui incocta sint astringentia: vt gallæ, balauftia, malicorium, addito etiam alumine scissili: abstinerebis annis aliquot, vel etiam tota vita à vino, præsertim vetere iam malo, si expetis creditur Rasi, Auic. Celso.

Vitabis coitum, vt Gal. aphorismo: Pueri podagra non laborant ante vsum venereorum.

Tollere nodosam nescit medicina podagram. sumantur bis in hebdomada pilulæ mites, vt ex hiera Rufi, quæ materias ad intestina deriuent, ad articulos alioquæ fluxuras. Si arthritidis est à materia frigida, vt pituita, purga sæpe, mistis etiam chola gægis (quod bilem mistam habere consuevit fluxionis authorem) & stypticis, vt vias fluxionis astringant. Quæ omnia præstant pilulæ de hermodactylis, addendo calidum aliquid in frigida, aut frigidum in calida: sed initio mitioribus vtendum est, ne tenue trahant, crassum relinquant. Vino abstinendum, mollientia digerentibus miscenda. curatur quinque remediorum generibus.

I Materiam aduertentibus, & clementer

o 3 min

minuentibus, vt pilularum ex hermodactylis minorum Mesuæ scriptulis duobus, rhabarbari scriptulo vno. vomitus etiam si facilis est, saluber.

2 Materiam coquentibus, & apparantibus: primùm melle rosato, deinde syrup. stœchados cum aqua bethonica, & absinthij. Fugienda autem vretica, nisi exquisitè purgato corpore: & nervis noxia: vt acetati syrup. & oxymelitis, oxysaccharisq; genera.

3 Materiam valenter purgantibus, vt pilularum de hermodactylis maiorum scriptulis quatuor.

4 Dolorem sedantibus statim principio adhibendis: vt, oleo chamæmeli. oleo lubricorum, vulpino: cataplasma quoq; ex farina fœnigræci, puluere meliloti, & pauco aceti, cassia fistula, cum oleo chamæmeli, & melle sufficienti, boum stercus, item vaccæ ex ipsa adhuc calens, vel ex oleo chamæmeli, vulpino frixum.

Avicenn.

Muccago sc. fœnigræci cum aqua & aceto extracta, adiecto postea melle, multis probatum est efficax remedium, si triduo hæreat.

5 Reliquias digerentibus moderatè, ne tenui resoluta crassum, lapideam duritiem induat: vt oleo chamæmeli, liliorum, vulpino.

pino: cataplasma quoq; valet ex farina, se.
foenigræ. althææ, lini, florib. chamæmeli,
meliloti, rad. althææ. Potest ex iisdem & ro
remarino, saluia, maiorana, abiga, in vino
coctis, fieri forus, balneum, suffitus.

Ischiadis curatio.

Ischias iisdem remediis curatur, præter-
quàm quòd repellentia non admittat,
sed purgato corpore, valenter foras ex pro
funda cotyle trahentibus: vt cataplasmate
ex stercore columbino indiget. Clysteribus
etiam acribus vtendum est.

Macularum faciei purgatio.

Faciei pustulas, & maculas à sanguine
calido, & bilioso nasci solitas, vacuato
prius corpore, curabis linimento ex lithar-
gyro auri dealbato maceratione bidui in
aceto ter repetita: deinde horis duabus vel
tribus sub sole in mortario ducatur, affuso
vicissim, & aliquoties aceto puro, & oleo
violato, donec crassescat: tunc adde caphu-
ræ scriptulum vnum, lithargyri vnc. vnam,
mane partem ablue decocto maluæ, fuma-
riæ, lapathi, violæ nigræ. Eos qui leprosi fa-
cie videntur, paucis diebus sanat, & ardo-
rem vteri à materiæ mordacis transfluxu.
Plura his ex Hippoc. Gale. aliis huc tran-
scripta nolui: quod quæ desiderari possunt,
partim à me inter docendum, partim à di-
ligenti

M O R B O R V M I N D E X.

*

C ephalalgia sanguinea	5
Cephalalgia biliosa	10
Cephalalgia pituitosa	13
Cephalalgia per consensum	18
Cephalalgia ab æstu	19
Cephalalgia à frigore externo	20
Scotoma	21
Phrenitis	22
Apoplexia	28
Apoplexia sanguinea	29
Apoplexia pituitosa	31
Caros siue arab. subeth	34
Catalepsis	35
Paralisis	38
Conuulsio	42
Epilepsia	49
Incubus	56
Melancholia morbus	ibidem
Catarrhus	59
Ophthalmia	63
Visio imbecilla	67
Hypochyma siue suffusio	73
Hæmorrhagia è naribus	77
Cynanche	82
Tussis	87
Asthma	

INDEX.

Asthma	91
Pleuritis	95
Peripneumonia	101
Sputum sanguinis	ibidem
Phthisis	105
Cordis palpitatio	110
Syncope	114
Cholera morbus	115
Imbecillitas ventriculi	120
Dolor ventriculi	124
Phlegmone ventriculi	128
Singultus	ibidem
Appetentia immoderata	132
Hepatis dolor	134
Hepatis phlegmone	ibidem
Hepatis imbecillitas	138
Icterus	141
Hepatis obstructio	145
Hydrops ascites	148
Hydrops tympanites	152. & 153
Hydrops sarcites	154
Splenis dolor	157
Colicus dolor	161
Alui fluor à catarrho	166
Δυστερία	168
Dysenteria	171
Tinesmus	176
Alui fluor à lienis obstructione, aut imbecilla vi retentrice	177
	Ischur

INDEX.

Ischuria seu urinae suppressio	180
Calculi renum prohibitio	183
Calculi renum curatio	184
Calculus vesicae	188
Stranguria	ibidem
Sanguinis mictus	191
Diabetes seu transitus urinae, aut potionis non mutatae continuus	193
Lumbricorum curatio	194
Hemorrhoidarum curatio	196
Ani procidentia	201
Vteri procidentia	202
Menstrua immodica	ibidem
Menstruae purgationis prouocatio	204
Suffocatio ab utero	207
Rhagades vteri	208
Mola in utero	ibidem
Εντεροκήλη, id est Ramex intestinorum	209
Επιπλοκήλη, id est Omenti ramex	211
Arthritis	ibidem
Ἰσχίς Ischias	215
Maculae faciei	ibidem

FINIS INDICIS.

